

# বিপ্লবী শরৎচন্দ্রের জীবন প্রশ্ন

শৈলেশ বিশী

জ্যোতি প্রকাশালয়  
২০৬ কর্ণওয়ালিশ স্ট্রিট কলিকাতা

প্রকাশক—শ্রীজ্যোতির্ময় ঘোষ  
ভারতবুক এজেন্সি  
২০৬, কর্ণওয়ালিস স্ট্রীট, কলিকাতা ।

মূল্য—দুই টাকা ।

প্রচ্ছদ পট এঁকেছেন

শিল্পী প্রভাত কর্মকার ।

মুদ্রাকর—

শ্রীরামকৃষ্ণ সরকার

নিউ ভারতী প্রেস

২০৬, কর্ণওয়ালিস স্ট্রীট, কলিকাতা

বিপ্লবী শরৎচন্দ্রের জীবন প্রশ্ন



## বইএর পরিচয়

শরৎচন্দ্রের সৃষ্ট চরিত্রের মধ্য দিয়ে তাঁহার অনুদঘাটিত জীবনের কাহিনী শিল্পীর নিজের মুখের কথায়, লেখক অনন্বকরণীয় ভাষায় উপন্যাসের চাইতেও মনোরম অথচ সহজ সরল ঘটনা সমাবেশ করে, বাস্তবজীবনের যে আশ্চর্য্য জীবন-বোধের পরিচয় দিয়েছেন, তাতে তাঁর লেখার তুলনা করা চলে একমাত্র ইসাডারা ডাক্তানের সাথে ।

নতুন দৃষ্টিভঙ্গী দিয়ে শরৎচন্দ্রের জীবন ও তাঁহার সৃষ্ট চরিত্রদের কেন্দ্র করে লেখক যে জীবন প্রশ্ন বিশ্লেষণ করেছেন, তাহা বিশ্বয়কর, যে প্রশ্নের কোন সমাধান কোন দিন কেহ করতে পারেনি—যে প্রশ্ন, আমার—আপনার সকলের—সকলদেশের, সেটা শাস্ত ।

এই বই বাঙ্গলার সমালোচন সত্ত্বিত্যে ও মন-বিশ্লেষণ ক্ষেত্রে যুগান্তক এনেছে । ইং ১৯২১ হতে ১৯৩২ সাল

পদ্যস্ব বাংলাব সাহিত্যিক, বাঙ্গনৈতিক  
ও কুষ্টিগত জীবনে প্রত্যক্ষদর্শীর বিচিত্র  
মন্বভূতি দিযে লেখা ।

আব আছে লোকোত্তব চর্বিদ্রব  
নধো—রবীন্দ্রনাথ, দেশবন্ধু, স্তভামচন্দ্র,  
শবংচন্দ্র ও আবো অনেক নেতাদেব  
রাজনীতির অন্তবালে তাঁদের কুষ্টিগত  
জীবনের দুই একটি বেখাপাতে অপূর্ব  
বিশ্লেষণ ও চর্বিত্রাঙ্কন ।

প্রকাশক—

দ্রষ্টব্য—শেষ অধ্যায় ভুল কবে ১৩৩২  
ছাপা হযেছে, সেটা হবে ইং ১২৩২ ।

জগতে যারা ভবঘুরে ছলছড়া  
ও নিন্দিতচরিত্র  
তাদের হাতে





জনসেবক পত্রিকার সম্পাদনার কাজে শরৎদার সাথে আমার পরিচয়। আমার বেশ মনে পড়ে, আমি তখন তরুণ। ইং ১৯১৯২০ সাল হবে, আমি জোরসে, জনসেবক কাগজ চালিয়ে স্বর্গগত আশুতোষ মুখোপাধ্যায়, দেশবন্ধু, প্রভৃতি সকলকে বেপরোয়া কার্টুন ও নক্সা চিত্রে সমালোচনা ও ব্যঙ্গ বিদ্রূপ করছি। কার্টুনের ছবি আঁকতেন বিখ্যাত শিল্পী চারু রায়, সেই কার্টুনের ভাবে কবিতায় রূপ দিতেন স্বর্গগত কবি হেমেন্দ্র লাল রায়। আর কাগজ সম্পাদনায় সাহায্য করেতেন\* পবিত্র গঙ্গোপাধ্যায়। স্কিয়া ষ্টীটের বাসাতে পবিত্র নিয়ে এলেন একদিন শরৎদারকে। স্কিয়া ষ্টীটের বাসা আমার অফিস ও অডা ছুইই ছিল। আমার বেশ মনে পড়ে—সময়টা তখন কাজী (নজরুল) যখন জগলী জেলে প্রায়োপবেশন করছেন।

শরৎদা এলেন। দীর্ঘকায় পুরুষ। হাতে মোটা বেতের লাঠি, পায়ে বিছাসাগরী চটি, গায়ে পাঞ্জাবী। বোধ হয় কাঁধের

---

\* অনুবাদক, সাংবাদিক ও প্রবীণ লেখক।

উপর একখানা এণ্ডির চাদরও ছিল। হাসিমুখ, চুলপাকেনি সব।  
সবে তিনি এসে বসলেন। আমরা সন্ত্রস্তে উঠে—তাঁর পায়ের  
ধুলা নিলুম। তিনি হেসে বললেন, ‘যদি তোমার কাগজে লেখা  
চাও, আমার সাথে তোমার ভাব থাকবে না। আর যদি আমার  
লেখা না চাও, তোমার সাথে আমার চিরদিনের ভাব।’ তিনি  
গুরুজন—তাঁর মুখের কথা তিনি মৃত্যুর শেষ দিন পর্যন্ত  
বর্ণে বর্ণে ঠিক রেখেছিলেন।

শরৎদা যে আমাদের কতখানি প্রিয় ছিলেন, সে কথা  
বলতেই পারা যায় না ও প্রিয়জনের কথা বলতে গেলে  
সব কথা মনের মধ্যে এমন তোলপাড় করে ওঠে যে কোনটা  
আগে কোনটা পরে বলব, সেটা সঠিক বলতে পারা যায় না।

তারপর, কতো যাওয়া, কতো আসা, কতভাবে মেলামেশা।  
দিনের পর দিন যাওয়া আসা, ঘণ্টার পর ঘণ্টা আড্ডা চলেইছে  
তাঁর ওখানে। এই মানুষটি সময়ের মাপকাটি দিয়ে কোন দিন  
কিছু যাচাই করেন নি। তিনি যাচাই করেছেন—হৃদয় দিয়ে।  
তাঁর বাড়িতে যে কেউ গেছেন, হয়তো দেখেছেন তাঁর ঘড়ি  
উল্টো করে রাখা আছে বা ঘড়িটি বন্ধ।

যদি কেউ জিজ্ঞাসা করেন কী আপনাদের এত কথা  
হতো? সে কথা বলতে পাবরো না। হতো না যে কি  
সেই কথাই বলতে পারি। আলোচনা হতো—সাহিত্য—  
সমাজ—রাজনীতি—তাঁর জীবনের কথা। বয়সের প্লার্ক্য তাঁর  
সাথে কোনদিনই আমরা মনে করতুম না,—তিনিও তা করতেন

না। তবে মর্ষ্যাদার সীমা কোনদিন আমরা লঙ্ঘন করি নি। তিনি অন্যের লেখার কোনদিন সমালোচনা করতেন না বা কখনও তাঁকে বলতে শুনি নি যে অমুক লেখকের লেখা খারাপ।

এই স্মৃতি-পূজায় সময় বড় রকম ব্যবধান সৃষ্টি করছে। সময় হচ্ছে—১৯১৯২০ থেকে ইং ১৯৩৯ সাল। এই সতেরো আঠারো বৎসরের কথা এতদিন পরে গুছিয়ে বলা মুশ্কিল। আর স্থান হচ্ছে—কলিকাতার বিভিন্ন পল্লী, কলিকাতার বাইরে বাজে শিবপুর (হাবড়া), নবদ্বীপ, কাশী, সিরাজগঞ্জ ও শামতাবেড়। আর পাত্র হচ্ছেন, বিভিন্ন জনসমাবেশ,—আর লোকত্বের চরিত্রের মধ্যে দেশবন্ধু, স্মৃতিশ্রী প্রভৃতি।

তবে কাল নিয়ে মাথা ঘামাবো না। কালটা আমাদের যৌবন। এই অজুহাতেই ক্রটি বিচ্যুতি কেটে যাবে ভরসা করি। তা না হলে নিখুঁত সময়ের ঠিকানা দিতে পারবো না হয়তো।

বাজে শিবপুরের একতলা একখানি ছোট কোঠা বাড়ি। হয়তো ওপরে আর দু'খানি ঘর ছিল, তবে তার বাইর থেকে একতলাই দেখায়। ছোট একটু আঁঙিনা, তাতে একটা পেয়ারা গাছ, উঠানে গোটা দুই ফুলের গাছ, টগর, শেফালী জাতীয়। বাড়িতে কোন স্ত্রী নেই, কোন শৃঙ্খলা নেই। উঠানে ঢুকেই দেখতে পাওয়া যায়, বারান্দায় দাদার সাবেক কালের লম্বা হাতা ইঞ্জিচেয়ার। তার একপাশে একটি টিপয়। অন্যপাশে

ছোট টুলের উপর, তাঁর লম্বা নল গড়গড়া, তার পাশে একটি পেতলের পিকদানী। ইঞ্জিচেয়ারের সামনে বা পাশে, চেয়ার বা বেঞ্চি ছিল কিনা তা আমার মনে নেই, ঘরে ঢুকতেই দোর গোড়ায় দড়ির ময়লা একটা পাপোছ।

ঘরে ঢুকেই দেখতে পাওয়া যায় ঢালা ফরাস, চাদর সব সময় পরিষ্কার থাকতো না। গোটা দুই তাকিয়া। পাশে একটা খোলা বুকশেল্ফ। তাতে তকতকে ঝকঝকে বাঁধান বই সাজান, তিন থাক। তাতে সাহিত্য ছাড়া আর সবই ছিল, কঠিন গণিতের বই, বিজ্ঞান, অর্থশাস্ত্র। তবে ভুতুড়ে বা পরলোকতত্ত্ব দেখিনি। আর ছিল কাঠের পাল্লা, মার্বেলটপ নয়, একটি বন্ধ চেষ্টে অব ড্রয়ার্স। তার মাথার উপর না ছিল এমন জিনিষ নেই। ঘরে গোটা চারেক কুলুঙ্গী ছিল। তার একটাতে ছিল, কৃষ্ণনগরের মাটির পুতুলের নমুনা হিসাবে গোর-নিতাইয়ের যুগল মূর্তি। তার নীচে যা থাকতো তা বলাই ভাল। একটি কাঁচের পাত্রে বোধ হয় আফিং ভেজান থাকতো। লিখবার সময় মাঝে মাঝে দাদা তা দিয়ে গলা ভেজাতেন।

ফরাসের উপর ছিল, হাত দেড়েক লম্বা, অনুপাতে চওড়া, বর্ডারে দামী মেহগনী কাঠ এমবস করা একখানি ঠাকুর বাড়ি-মার্কী হাত টেবিল। তার উপর ছিল দাদার লিখবার প্যাড। একটি ডাবের উপর 'শরৎ' এই কথাটি এমবস করা। লেখবার প্যাড মরক্কো দিয়ে বাঁধান। হাতটেবিলের উপর দুটিং প্যাড, সেটারও চারপাশে মরক্কো দিয়ে বাঁধান। দাদার লিখবার

জিনিষগুলি এতই দামী ছিল। সেই হাত টেবিলের উপর একটি সুদৃশ্য কাঠের পাত্রে থাকতো ডজন খানেক, নানা আকারের ও নানা ছাঁদের ফাউনটেনপেন, পার্কার হতে ওয়াটার ম্যান সব রকম এবং যখন যে ভাল ফাউনটেনপেন বেরুতো তা। প্যাডের পাশে দুটো এন্ট্রায়াক্রাফট্ গানের মত মাথা উঁচু করে থাকতো ফাউনটেনপেন হোল্ডার। এই গেল দাদার পটভূমি। তখন-কার দিনে অন্তরঙ্গ নিত্য সঙ্গী ছিল লোমশূণ্য ভেলু কুকুর, ভোলা চাকর, আর আমরা তিনজন পবিত্র, \*অবিনাশ ও আমি।

সকলেই জানেন হুগলী জেলার দেবানন্দপুর গ্রামে দাদার জন্ম। এই পরিবার অবস্থার বিপর্যয়ে বেহারের কোন সহরে আত্মীয় বাড়িতে আশ্রয় নেন। তখন তিনি বালক, তাঁহাকে লেখাপড়া শিখিয়ে মানুষ করবার, গুরুজনের তাড়না ও চেষ্টার ক্রটি ছিল না। তার ছাপ রেখে গেছেন—তাঁর 'বহুরূপী' চরিত্রে।

দেবানন্দপুরের পাঠশালার ছাপ আমরা দেখতে পাই 'দেবদাসে'। যাঁর মধ্যে দুর্দান্ত 'ইন্দ্রনাথ' যুরে বেড়াতো সর্বদা, তাঁর এই সব ছেলে খেলায় মন বসবে কেন? গঙ্গার ধারে নির্জজন বনের মধ্যে সুপরিষ্কৃত একটা জায়গা ছিল তাঁর অনুগত সঙ্গীদের সাথে মিলবার আড্ডা। এইখানেই তাঁর লুকিয়ে তামাক খাওয়া চলতো, তার ছবি আমরা দেখতে পাই 'দেবদাসে'। আর দেখতে পাই—'পথের দাবীর' 'সব্যসচীর' অঙ্কুর! ইন্দ্রনাথ

\* বাতায়ন সম্পাদক ও ঔপন্যাসিক।

বনে লুকিয়ে বসে বসে হুকুম করছেন তাঁর সঙ্গীদের, চুরী করে মাছধরার পরামর্শ আটছেন, গভীর অমাবস্য়ার অন্ধকারে মাছচুরী হয়তো করছেনও বা। তিনি এন্ট্রাস পরীক্ষার ফীর টাকা নিয়ে হাঁটাপথে উড়িষ্যা পাড়ি দিলেন। এই সময়ের কথা দাদার মুখে শুনেছি। হাঁটতে হাঁটতে পাছু'খানি ক্ষতবিক্ষত হয়ে ফুলে গোদাপা হয়েছে। মেদিনীপুর পেরিয়ে রাতে আর কেউ তাঁকে ঘরের বারান্দার চালাতেও আশ্রয় দেয় নি।

তখন সময়টা রথের। সেবার কলেরা লেগে দলে দলে নরনারী-শিশু মরে পথে পড়ে আছে। কেউ বা ধুঁকছে। কেউ মুখে এক ফোঁটা জলের জন্য পথে পড়ে জল জল করছে কিন্তু জল কেউ দিতো না।

দশটাকা মাত্র সম্বল করে এই বালক জীবনের প্রথম সাড়া দিল, পথের ডাকে—সুদূরের অজানার আহ্বানে। উড়িষ্যা পৌঁছে তিনি ঠাকুর দেবতা দেখেন নি। তিনি দেখতে গিয়েছিলেন মন্দির আর সমুদ্র। ওছুটো দেখা শেষ করে তিনি ফিরলেন দেশে। এবার কোথা থেকে পাথেয় জোগাড় করেছিলেন হয়তো। এসে দেখলেন তাঁর বাবা মারা গেছেন। বিধবা মা, পোষ্য দুই ছোট ভাই, রোজগার না করলেই নয়।

কিন্তু তিনি করলেন এক সখের থিয়েটারের দল। পাখোয়াজ তিনি খুব ভালো বাজাতে পারতেন, খোলে তাঁর বেশ হাত ছিল। রাত জাগতে হতো বলে এই সময় তিনি গাঁজা খেতে অভ্যাস করেন।

বাড়ি থেকে পালানো ছেলে, গের্জেন চরিত্রহীন বলে সুনাম তাঁর চারদিকে রটে গেল ! তিনি চললেন এই ব্যথিত ভারাক্রান্ত হৃদয় নিয়ে সুদূর বর্ষায়—রোজগারের আশায় ।

পথে জাহাজের খোলে ( Dugout ) দেখা পেলেন—কিরণময়ী, মিস্ত্রী ও দিবাকরের সাথে । তাদের তিনি অমর করে গেছেন ।

সুদূর বর্ষা । জন বিরল সহরতলীতে এক কাঠের দোতলা বাড়ি । দূরে ইরারতী নদী দেখা যায় । রেঙ্গুন থেকে কলিকাতা-গামী জাহাজ ধোঁয়া ছেড়ে চলে যায়, তিনি উদাস হয়ে দেখেন । কলিকাতা থেকে রেঙ্গুনের ডাক জাহাজ আসে, তার চোঙের ধোঁয়া তাঁর দোতলা কাঠের বাড়ির ওপর দিয়ে মেঘের কুণ্ডলী করে উড়ে যায়, এই তরুণ শিল্পী মনে মনে নতুন মেঘদূতের রচনা করেন ।

এই কাঠের বাড়ীর নীচে ছোট একটি ষ্টেশনারী দোকান, এটি তাঁর নিজের । সকাল সন্ধ্যায় কেনা বেচা করেন । দশটা পাঁচটায় অফিস করেন, আর সারারাত লেখেন । রাতে সেদিকে কেউ ভয়ে যায় না, চোর ডাকাতির আড্ডা । ক্রমাগত তরুণ শিল্পী নিজ মনে তাঁর কথার মায়াজাল বুনছেন সঙ্গীহীন একা । এইখানেই তিনি সব্যসাচীর দেখা পেয়েছিলেন, সে কথা আমি পরে বলবো ।

যে বর্ষা মেয়েদের এত রূপের খ্যাতি, ফায়াতে ফুল কিনতে গেলে মনে হয়—ফুল কিনি, না মানুষ কিনি ; সে বর্ষা মেয়েরাও তাঁর মনে কোন ছাপ রাখতে পারে নি ।



এই আত্মীয় বান্ধবহীন স্বদূর বিদেশে তাঁর মন ঘুরে বেড়াতে বাংলার আমবনে, বাঁশবনে, পুকুরপাড়ে। তিনি খুঁজে বেড়াতেন বাংলার মেয়েদের, তাদের দেখাও তিনি পেয়েছিলেন—সমস্ত দরদ দিয়ে তাঁদের কথা লিখতে আরম্ভ করলেন। তাঁর স্নেহকাতর মনে বোনের ভালবাসা যে কতখানি প্রভাব বিস্তার করেছিল আমরা তা দেখতে পাই, ‘অন্নদাদিদি’ ও ‘বড়দিদিতে’।

‘বড়দিদি’ বের হবার পর চারিদিকে সাড়া পড়ে গেল। কে এই লেখক! সকলে মনে করলেন রবীন্দ্রনাথ ছাড়া আর কেউ নন। তিনি বললেন আমি নই।

তখন খোঁজ, খোঁজ, শেষে যমুনা সম্পাদক ফণী পাল তাঁকে আবিষ্কার করলেন। তারপর বেরুতে লাগল তাঁর লেখার পর লেখা যমুনাতে, কথায় রঙের হোরীখেলা চললো, যেন কথার রংমশাল!

‘নারীর মূল্য’ তাঁর মনের কথা। এই নারীর মূল্যতেই বোঝা যায়, কী সন্ত্রম ও দরদ দিয়ে তিনি মেয়েদের দেখতেন। এক কথায় বলা যায় নারীর প্রতি কী অকুণ্ঠ মর্যাদা বোধ ছিল তাঁর!

আমাদের সমাজে আমরা নারীকে কোন্ মূল্য বা মর্যাদা দিয়েছি তা’ আমরা ভাল করেই জানি। নারী যখন বালিকা তখন সে বাপ মায়ের অধীন। তাকে নানা রকম বাধা নিষেধের গণ্ডীর ভেতর বাপমায়ের শিক্ষা ও সংস্কৃতি মাফিক গ’ড়ে তৈলা হয়। এই শিক্ষা সংস্কৃতি মাত্র একই কথা বালিকাকে শেখায়, তুমি



বড় হয়ে বিয়ে করে ঘর সংসার করে সুখী হবে। তাকে প্রতি পদক্ষেপে তার সুপ্ত যৌন কামনারই ইঙ্গিত দেওয়া হয়। তারপর এলো তার যৌবন। যার সাথে বিয়ে হলো—তার সাথে পরিচয়ের বা তাকে জানবার সুযোগ সে পেলো না। বাপ মা বা আত্মীয় বন্ধু চায় বরের টাকা-বাড়ি, গাড়ী, সামাজিক position। হয়তো বা সে পেলোও এসব। সেও ভাবলে লোকে যা চায় আমিও তাই পেয়েছি, নিজকে সে সুখী মনে করলো। ঘটনার চাপে সে মাতৃহে উপনীত হলো; কিন্তু তার মনের খোঁজ কেউ করলে না। তখন হয়তো তার ঘর ভরা ছেলেমেয়ে—হঠাৎ সে অনুভব করলো নিজের মধ্যে তীব্র একটা গতিবেগ, একটা প্রবল আকাঙ্ক্ষা, একটা আকস্মিক অনুভূতি।

প্রথম সে হকচকিয়ে গেল। তার কাছে, তার বাড়িঘর ছেলে মেয়ে সব মিথ্যা হয়ে গেল। তার মনে হলো এগুলো তার খেলা ঘর। অথচ তার মনের এই অপূর্ব অনুভূতি—যাতে সে ক্ষণেকের জন্য অমৃতরসে অভিনন্দিত হয়েছিল, সেটা তার মনের মধ্যে শুকিয়ে গেল। পুরুষের গড়া সমাজ, পুরুষের গড়া আইন সব তার বিরুদ্ধে। কী আর সে করবে? সে মনের মধ্যে মুষড়ে পলো। শরৎ চন্দ্র নারীর মনের এই কথা জেনেছিলেন, সেই জন্য তাঁর সৃষ্টি সব নারী চরিত্র যেন একই কথা বলেছে—সে যাকে বরণ করে, সেই পায় তাকে যমবৈষণ বণুতে।

## দরদী শরৎ চন্দ্র

### ভেলু

ভেলু কুকুরের কথা আগেই বলেছি। কিন্তু ভেলুর কি স্বরূপ এবার তা' বলতে হবে। বাজে শিবপুর শরৎদা'র বাড়ী যাবার আগে পবিত্র আমাকে সাবধান করে দিয়েছিল, 'শরৎদা'র ঘরে ঢুকতেই একটা লোমশৃণ্ড কুকুর তোমাকে ঘেউ ঘেউ করে তাড়া করে আসবে, চাই কি এক কামড় দিতেও পারে, তুমি একেবারে 'নট ইজ দি নড়ন চড়ন' হ'য়ে দাঁড়িয়ে থাকবে। এই ভাবে দ্বার-দেবতাকে যদি সন্তুষ্ট করতে পার, তবেই মন্দিরে ঢুকে দেব দর্শন হবে। কিন্তু সাবধান ভুলেও যেন কুকুরের নিন্দা করো না, তাহলে শরৎদা জীবনেও তোমার মুখ দেখবেন না।”

বাজে শিবপুরের বাড়ীতে তো পবিত্রের সাথে একদিন পৌঁছান গেল। ঘরে ঢুকতে না ঢুকতেই ভেলু একেবারে ঘেউ ঘেউ করে তেড়ে এলো। প্রাণ যায় আর কী! আমার আবার ছেলেবেলা থেকেই কুকুরের ভয়। পবিত্র দাঁড়িয়ে হাসছে। শরৎদা ইজি চেয়ারে শুয়ে, তিনিও হাসছেন। তিনিও ভেলুকে কিছু বললেন না। ভেলু ঘেউ ঘেউ করে আমার চারিদিকে ঘুরে আমাকে শুঁকতে লাগলো। তারপর গেল শরৎদার কাছে। তিনি তখন বললেন ওকে আসতে দাও, কিছু বলো না। চুপ কি আর সে করে, ভেলু গরগর করতে লাগলো,

আমি তখন বসলুম। শরৎদা তখন সবিস্তারে ভেলুর গুণ বর্ণনা আরম্ভ করলেন। “এই যে ভেলুকে দেখছো এর মত একটি শান্তশিষ্ট কুকুর আর দেখতে পাওয়া যায় না। তবে কিনা একটু এ’রকম করে। একবার কি হয়েছিল জান ? রাস্তা দিয়ে একটা লোক যাচ্ছিল, ভেলু এক তালার ছাদ থেকে এক লাফ দিয়ে নেমে ঘাঁক করে কামড়ে তার পায়ের এক খাবলা মাংস তুলে নিলে। তখন আমি কি করি, লোকটাকে ডেকে অনেক বুঝিয়ে স্খিয়ে দশটা টাকা দিয়ে বিদেয় করলুম। তারপর ভেলুকে পাঠালুম ট্রপিকালে—তার মুখের লাল পর্দা পরীক্ষা করাতে। তাতে ভেলু পরীক্ষায় পাশ করে ফিরে এলো। কিছু ভেবো না, ও যদি তোমাকে কামড়েও দেয়, জলাতঙ্ক রোগ হবার তোমার ভয় নেই।” পরে আমাদের অনুরোধে ট্রপিকাল থেকে বছরে দু’বার ভেলুর লাল পর্দা পরীক্ষা হয়ে আসতো। কারণ দাদাকেও ভেলুর আঁচড় কামড় কম খেতে হতো না!

তারপর চা’ এলো। ভেলু চায়ের পেয়ালার কাছে গিয়ে গা’ ঝাড়তে লাগলো। তার গায়ে যেমনি দুর্গন্ধ, তেমনি পোকা। চায়ের পেয়ালাতেও পোকা পড়ল হয়তো; কিন্তু পবিত্র বলে দিয়েছিল ও’ চা যদি না খাও, দাদা জীবনে তোমার মুখ দেখবেন না। এইরূপ ঘটনা নিত্য—ভেলুর ঘেউ ঘেউ, ভেলুর গা ঝাড়া, ভেলুর গায়ের পোকা সমেত চা’ খাওয়া। ভগবানের কাছে প্রার্থনা করতুম, তুমি যদি থাক, ভেলু যেন শীগ্গীরই মরে যায়। কিন্তু ভেলু মরতো না।

বছর চা'রেক এইভাবে যায়। শরৎদা তখন কাশী গেছেন, সালটা আমার মনে নেই। আমিও তখন কাশীতে। কাশীতে একেবারে আড্ডা জমে গেল। সেখানকার যতো সাহিত্যিক আর যতো উদ্রলোক মিলে দাদার ওখানে চা' ও গল্পের আসর জমিয়ে তুললেন। শরৎদা গঙ্গায়ও নাইতেন না, মন্দিরেও যেতেন না। তিনি ছিলেন \* মণি বাবুর বাড়ীতে। তাঁর বাড়ীতে মন্দিরের চাইতেও বেশী ভীড়, দিনরাত চায়ের জলছত্র! শরৎদা আমাদের ডেকে বললেন, “কাশীতে এলে বামুন খাওয়াতে হয় না হে?”

আমরা বললাম হাঁ, ব্যবস্থা করে ফেলুন। কারণ আমরা জানতুম সেদিন একটা বড় রকম ভোজের ব্যবস্থা হবে—আমরাও ভাগ পাবো। শরৎদা বললেন আমি কি ঠিক করেছি জান, আমি কুকুর খাওয়াবো। ছাখো কাশীতে কুকুরের ভারী দুঃখ। অমনিই তো এটা বামনাইপনার জায়গা, শুচি অশুচি নিয়ে বড্ড বাড়াবাড়ি। কুকুরদের দেখলেই অশুচি, স্পর্শ করলেই স্নান করতে হয়। ওরা এখানে না খেয়েই মরে যাচ্ছে। ভেবে দেখলুম ওরাই সবচেয়ে দুঃখী, ওদেরই খাওয়ান যাক”। তারপর আমাদের উপর ভার পড়লো, রাস্তার কোন্ মোড়ে কুকুর বেশী জমায়েত হয় তার খোঁজ করা। আমরা বললুম নেমতন্ন তো করা যাবে না। দাদা বললেন সে ভার আমি নিলুম। হলোও তাই। মনে মনে লুচি ও বঁদে এলো। আমরা রাস্তায়

\*নাট্যকার, সংবাদিক মণিলাল বন্দ্যোপাধ্যায়।

মোড়ে মোড়ে দাঁড়িয়ে কুকুরের খোঁজ করতে লাগলুম। দাদার কড়া হুকুম—কুকুরদের খাওয়া না হলে কোন মানুষ বা ভিথিরা কেউ খেতে পারবে না। যা বলা তাই করা।

অলখ্যে এক দেবতা হাসলেন। কাশীতে যারা গেছেন তাঁরা বোধ হয় দেখেছেন বটুক ভৈরব বলে এক শিব আছেন, সেখানে যারা পূজা দিতে যান, আগে তাঁর কুকুরকে খাওয়াতে হয়। আমাদের দেবতাও তাই করলেন।

আরো বছর তিনেক চলে যায়। ভেলু কিন্তু মরে না। ভেলু বেঁচেই চললো। শরৎদা একবার গেছেন ঢাকায়, বোধায় স্বর্গীয় চারু বন্দ্যোপাধ্যায় মহাশয়ের নিমন্ত্রণে। খুব সম্ভব সেবার তাঁকে ঢাকা বিশ্ববিদ্যালয় থেকে সাহিত্যের ‘ডক্টরেট’ উপাধি দেওয়া হয়েছিল। তাঁর আসতে দেরী হয়। ঢাকা থেকে সবে সেই দিনই তিনি এসেছেন। আমিও ঘটনাক্রমে সেইদিনই তাঁর সাথে দেখা করতে গিয়েছি। আমি ঘরে ঢুকতেই ভেলুর কোন সাড়া পেলুম না। শরৎদার দিকে চেয়ে দেখি কেঁদে কেঁদে তার চোখ দুটি ফুলে গেছে। আমাকে দেখেই তিনি একেবারে কেঁদে উঠলেন। আমার নাম ধরে বললেন—ভেলু আমাদের ছেড়ে গেছে। কোন প্রিয় আত্মীয় বিয়োগ হলে, কোন অন্তরঙ্গকে দেখলে যেমন সেই শোক উথলে ওঠে আমাকে দেখে দাদার শোক যেন বিগুণ উথলে উঠলো। আমার অবস্থা তখন, আমি হাসি কি কাঁদি? হাসলে তিনি জীবনে আর আমার মুখ দেখবেন না। অথচ কাঁদাও দরকার।

দেখতে পেলুম দাদার এই দুঃখ ও ব্যথা কত গভীর। কিন্তু  
 কান্না আমার এলো না। মনে মনে আমি শুধু বললাম ভগবান,  
 এত দিনে আমাদের প্রার্থনা তোমার কানে গেল। আমি যথা-  
 সম্ভব মুখ গম্ভীর করে ধূপ করে তাঁর পায়ের কাছে বসে পড়লুম।  
 তখন তিনি বলতে লাগলেন, ‘এমন যে হবে তা আমি আগেই  
 জানতুম। ঢাকার ফেশনের পথে গাড়িতে আসতে আসতে  
 দেখলুম মরা কুকুর পড়ে আছে, শকুনি তাই খাচ্ছে। তখনই  
 বুঝলাম, ভেলুর কোন অমঙ্গল হয়েছে, তা না হলে মরা কুকুর  
 দেখবো কেন? বাড়ি এসে পা দিতেই দেখি ভেলু নাই। তাই  
 দেখেই আমি বসে পড়লুম’। আমি বললুম দাদা, ‘স্নানাহাব—  
 তিনি বললেন, ওসব কিছুই হয় নি। আমি জানতে চাইলুম  
 দাদা, তাহলে তার শেষের কাজ? তিনি বললেন, তা হয়েছে,  
 আমি নিজের হাতে বাগানে তাকে কবর দিয়েছি। এখন তোমরা  
 বলতো, ওর একটা স্মরক স্মৃতিস্তম্ভ কেমন হলে ভাল হয়?  
 আমি বললুম—দাদা, রেসের ঘোড়া মলে, সেই ঘোড়ার অনুরূপ  
 স্ট্যাচু, তার কবরের উপর গড়ে দেয়। এও তাই হবে। ভেলুর  
 একটা মার্বেল স্ট্যাচু গড়ে দিন। দাদা বললেন ওরা বলছে  
 (চেয়ে দেখি দরজার আড়ালে বৌদি দাঁড়িয়ে চোখ মুছছেন)  
 শ্বেত পাথরের পাদপীঠের উপর, একটা মার্বেলের তুলসীমঞ্চ  
 থাকবে। আমি বললাম খুব উত্তম পরিকল্পনা।

আমি দেখলুম আজ এদের কারো খাওয়া হয়নি—বিকেল  
 গাড়িয়ে গেছে, আমার বেশীক্ষণ থাকা ঠিক হবে না। আমি দাদার

মনরাখবার জন্ত বললুম—দাদা, একবার ভেলুর কবরটা দেখতে চাই। তিনি বললেন আজকে ভেলুর কত কথাই না মনে হচ্ছে, ও আমাকে ছেড়ে এক দিনও থাকতে পারতো না; রোজ রাতে ও আমার সাথে লুচি খেতো, আমার কাছে না শুলে ওর ঘুম হতো না, বাইরে থেকে মশারী ধরে টানাটানি করতো, এই ভাবে কত দামী মশারী যে আমার ছিড়ে দিয়েছে, তা বলবার নয়। আজ রাতে আমি যে কি করে খাবো তা ভেবে পাচ্ছি না। ও পশু ছিল বটে, তবে মানুষের বুদ্ধিকে হার মানিয়ে দিতো। ও যতদিন ছিল, বাড়িতে চোর ডাকাতির ভয় ছিল না। এবার হয়তো চোর ডাকাতির হাতেই প্রাণটা যাবে। আমি বললুম, দাদা, ওসব এখন ভাববেন না। পরে ধীরে সূস্থে ভেবে যা হয় করা যাবে। উনি চাকরকে ডেকে আমকে বাগানে নিয়ে যেতে বললেন। ভেলুর কবর দেখে ফিরে আসতেই বললেন, নিজ হাতে এক কোমর কোদাল দিয়ে মাটি খুড়ে ওকে কবর দিয়েছি। আমার গা ব্যথা হয়ে গেছে।

আমি প্রণাম করে সেদিনকার মত বিদায় নিলুম।

## বেটু

শরৎদার এক টিয়ে পাখী ছিল নাম বেটু, সে চোর ধরেছিল। তারপর থেকে তার আদর এত বেড়ে গেল, যে সেটা যে কোন মানব শিশুর ঈর্ষার বিষয় হতো। ছপুরে একদিন দাদা বাড়িতে ছিলেন না, যেমন তিনি থাকতেন না। চাকররাও



কেউ কোথাও নেই, হয়তো বা ঘুমুচ্ছে, এমন সময় এক ঘটি বাটির ছাঁচড়া চোর ঢুকেছে তার বাড়িতে। বেটু করল কি, চোরকে দেখেই ট্যা ট্যা করে চীৎকার করতে লাগল, আর শেকল ছেঁড়বার চেষ্টা করতে লাগল। তিনচার বার আশ্রাণ চেষ্টার ফলে ছিড়ে গেল শেকল। আর কি বেটু গিয়ে চোরের পিঠে, মুখে, মাথায়, যেখানে পারল ঠোকরাতে লাগলো! চোরের পিঠ দিয়ে রক্ত বারতে লাগল, চোর বিব্রত হয়ে, কাপড়, ঘটি ফেলেই পালাতে লাগল। বেটুও তার পিছনে তাড়া করছে আর ট্যা ট্যা করে ঠোকর মারছে।

এমন সময় দাদাও বাড়ি ঢুকছেন, চোরের সাথে মুখোমুখী। এরপর থেকে বেটুর যে কত খাতির বেড়ে গেল তা একদিনের ঘটনা থেকেই বোঝা যায়। আগেই বলেছি তাঁর বাড়ির উঠানে একটা পেয়ারা গাছ ছিল। আষাঢ় কি শ্রাবণ মাস, আমি গিয়ে দেখি গাছ ভরা পেয়ারা পেকে আছে। আমি আর লোভ সামলাতে না পেরে দুটো পেয়ারা পেড়ে নিলুম, একটা তখুনি খেতে লাগলাম, আর একটা পকেটে পুরলুম। শরৎদা আমাকে পেয়ারা খেতে দেখে, ঘর থেকে বেরিয়ে এসে চাকরকে গস্তীর ভাবে বললেন—সব পেয়ারা পেড়ে ফেল। পেয়ারা পাড়া হলে আদেশ দিলেন, সব পেয়ারা পাড়ায় বিলিয়ে দেও। আমি ভ্যাবাচাকা খেয়ে গেলুম। কী অপরাধ করেছি বুঝতে না পেরে তাঁর মুখের দিকে চেয়ে রইলুম! তিনি বললেন তুমি না বলে কেন পেয়ারা পাড়লে, না হয় সব পেয়ারা তুমিই



নিয়ে যাও। আমি বললাম এরকম অবিচার আমার প্রতি কেন করছেন, আমার যে কী অপরাধ তাতো বুঝতে পারলুম না? তিনি বললেন—তাহলে এসো, দেখবে এসো। এই বলে তিনি আমাকে ঘরের ভেতরে নিয়ে গেলেন। গিয়ে দেখি তাকের উপর চার, পাঁচটা ছোট ছোট কাঁসার বাটি সাজান। তার মধ্যে আছে বেদানার দানা, কোনটায় আনারসের টুকরো, কোনটায় পেস্টা, বাদাম, কিসমিস। তিনি বললেন—এসব বেটুর খাবার, ঘণ্টায় ঘণ্টায় বেটু এই সব খায়। বেটুর খাবার আগে, এ বাড়ির ফল কেউ খেতে পারে না। তুমি যখন তার আগে ফল খেয়েছো তখন এগুলো পাড়ায় সব বিলিয়ে দিও। আমিও সেই কথা শুনে আমার আধ খাওয়া পেয়ারা ও পকেটে যেটা ছিল সেটা জানলা গলিয়ে ফেলে দিলাম। উনি বেটুর কাছে গিয়ে বাবা বেটু! বাবা বেটু বলে, তার গায়ে হাত বুলিয়ে, ঠোঁটে চুমু খেয়ে, তাঁর মাথাটি গালের সঙ্গে ঠেকিয়ে, যেমন করে ছোট ছেলেকে আদর করে, সেরকম করে আদর করে, তাকে আস্তে আস্তে সব ফলগুলি খাওয়ালেন। তখন তাঁর মন শান্ত হলো। এইটুকু পরিশ্রম করে তিনি বেশ ক্লান্ত হয়ে পড়েছিলেন। ফিরে এসে তিনি ইঁজি চেয়ারে গা' এলিয়ে দিয়ে চাকরকে চা' ও তামাকের হুকুম করলেন। এই সময় তাঁর মৌতাতের সময়। সকালে একবার, বিকেল চারটে, পাঁচটার ও রাত ন'টায়, এই ক'বার তিনি আফিং খেতেন। সেই আফিংএর মাত্রা যদি কেউ দেখতেন তাহলে তিনি বুঝতে

পারতেন, কোন সাধারণ লোক এতখানি আফিং খেলে মরে যেতো একেবারে। তিনি বলতেন অবশ্য মাত্র দু'আনা করে আফিং তিনি সারাদিন খেতেন।

তাঁর আফিং খাওয়ার সাথে আমিও একটু জড়িত আছি। প্রথম প্রথম আলাপের পর তিনি একদিন বললেন 'ওহে, যদি লেখক হতে চাও তাহলে একটু আফিং খাওয়া অভ্যাস কর'। কি করি, গুরুজনের কথা অমান্য করি কি করে? আমিও আফিং খেতে লাগলাম। কিন্তু দিন পাঁচ সাত পবে তাঁর কাছে গিয়ে, আমার আফিং খাওয়ার ফলে কাহিল অবস্থা কথা বললাম। তিনি হেসে বললেন—'ও কিছু না, মিশ্রীর জল, ডাবের জল এই সব খাও সেরে যাবে'। দিন কতক সেই এক্সপেরিমেন্ট চললো—কিন্তু আমার পেটের অবস্থা যথাপূর্ববন্দ। আমি একদিন গিয়ে বললাম—দাদা আমার ধাতে সহ্যলো না। তিনি হতাশ হয়ে বললেন, তুমি তাহলে কোন দিন লেখক হতে পারবে না। গুরুজনের কথা মিথ্যা হবার নয়। আমার জীবনে আর লেখক হওয়া হলো না। মোতাতের পব, তিনি ধাতস্থ হয়ে আমাকে বললেন—অযথা তোমাকে বকেছি, কিছু মনে করো না। যাঁরা তাঁর সাথে অন্তরঙ্গতার দাবী করতেন, তাঁরাই জানতেন যে বিকেল পাঁচটা হতে রাত ন'টা পর্যন্ত তাঁর কাছে থাকলে বোঝা যেতো যে তিনি তখন শিল্পী নন, শ্রমী নন, অপরায়েয় কথা শিল্পীও নন, তিনি মানুষ শরৎচন্দ্র। তাঁর মানবতার এই দিকটা যাঁর দেখবার সুযোগ হয়েছে, তিনিই একথা বুঝতে পেরেছেন।

এখন প্রশ্ন হচ্ছে, তাঁর এই পশুপ্রীতি তাঁর অবচেতন মনের কোন দিক ? তিনি ছোটবেলায় আত্মীয়-স্বজনের স্নেহ থেকে বঞ্চিত ছিলেন। গোকৌ একজায়গায় বলেছেন ‘এমনি দুর্ভাগ্য ছিল আমার যে ছেলেবেলা কেউ একটা পুতুলও আমাকে দেয় নি’। এই এক কথায় গোকৌ তাঁর শৈশবের বেদনাকে ফুটিয়ে তুলেছেন। কারণ শিশুর কাছে একটা সামান্য পুতুলের যে দাম, একজন পরিণত বয়স্ক পুরুষের কাছে মটর কার, আর মেয়েদেব কাছে নেক্লেস বা ব্রেস্লেটের মতই। তিনি সে কথা ভোলেন নি। তাঁর নিজেরও ছেলেপুলে ছিল না। সেইজন্য তাঁর সমস্ত স্নেহরস অযাচিত ভাবে দিয়ে যেতেন পশুপাখীর ওপর। তাদের মুক বেদনার সাথে, তাঁর লাঞ্চিত শৈশবের সাদৃশ্য তিনি খুঁজে পেয়েছিলেন। সেটা তাঁর কত বড় ব্যথা ও বেদনার দিক এই সব ঘটনা থেকে বোঝা যায়।

### মজলিশী শরৎচন্দ্র

একবার কী ঘটনায় মনে পড়ে না, বোধ হয় \* হেমন্তর নেমন্ত্নে দাদা কৃষ্ণনগর গেছেন। সঙ্গে দল ভারী। পবিত্র ছিল কিনা আমার মনে নেই। এক একবার মনে হচ্ছে পবিত্রও ছিল।

\* দিলীপ, নলিনী ( বন্ধুবর নলিনী কান্ত সরকার ) ও কাজী (নজরুল)

\* কল্যাণীয় শ্রীমান হেমন্তকুমার সরকার, শ্রদ্ধেয় দিলীপকুমার রায়।

আমার এখনও মনে পড়ে, সকাল থেকে ছপুর গড়িয়ে বিকেল হয়ে গেল, গানের মজলীশ সমানে চলছে। দিলীপ সেদিন গেয়েছিলেন ‘রাঙা জবা দেব পায়’—কত ভাবে কত মীড় দিয়ে যে ঐ এক কলি গেয়েছিলেন—আমি তা’ আজও ভুলিনি। তারপর নলিনীর গান। সে এক প্রাণ মাতানো ব্যাপার। তার গান শুনে বাইর থেকে লোক ছুটে আসতে লাগলো, তারপর কাজী। গৃহস্বামী যে কতবার খাবার তাগিদ দিয়ে গেলেন তার শেষ নাই। সন্ধ্যায় মজলীশ ভাঙলো—মানে হাফ-টাইম অবকাশ হলো, ভখন খাওয়া হলো। তার পরই আবার শুরু হলো—রাত বারটা। দাদা সমানে বসে শুন্ছেন।

আর একবার দাদার সাথে নবদ্বীপ যাই। সাল তারিখ মনে নেই। তবে জ্যৈষ্ঠ মাস মনে আছে। কারণ আমি খেয়ে-ছিলাম। এই নবদ্বীপ যাওয়ার একটা ইতিহাস আছে। দাদার লেখা পড়ে খুব আকৃষ্ট হয়ে দিল্লী থেকে এক মহিলা তাঁকে চিঠি লেখেন, দাদা, একবার দেখা করতে এসো। মহিলাটি তখন অসুস্থ। দাদা করলেন কি, দিল্লীতে কৈ, মাগুর মাছ পাওয়া যায় না, একেবারে কলিকাতা উজাড় করে, কৈ, মাগুর মাছ, জালায় ভরে দিল্লী চললেন।

তার পরের ঘটনা। কি সূত্রে জানিনা মহিলাটির স্বামী বদলী হয়ে নবদ্বীপ এসেছেন—দাদা যাচ্ছেন সেখানে, আমি তুল্লী বাহক।

আমরা বোধ হয় দশটার সময় নবদ্বীপ গিয়ে পৌঁছলাম।

ফেশনে মহিলাটির স্বামী আমাদের অভ্যর্থনা করতে এসেছেন। তিনি ভাড়াটে গাড়ী করে আমাদের নিয়ে গেলেন। বাড়ী পৌঁছেই আমি হলুম—দাদার ভাই মহিলাটির ঠাকুরপো। আর আমাকে পায় কে! মহিলাব চেহারায় কোন বৈশিষ্ট্যের ছাপ ছিল না, কিন্তু এত স্নেহশীল যে তাঁর আদব যত্নের কথা আমি কোন দিনই ভুলিনি। শবৎদা নবদ্বীপ এসেছেন—সে এক রৈ বৈ ব্যাপার। কোথায় বুড়ো শিবতলা, কোথায় পোড়া মা তলা, কোথায় সোনার গোরান্স, সকলের বাড়িতে চা' পান, খাবার খাওয়া, গল্প আর আড্ডা দিতে দিতে রাত ম'টা হয়ে গেল। দাদাকে কেউ ছাড়তে চায় না। কি করি, নতুন বৌদিকে কথা দিয়েছি, যে কবেই পারি, দাদাকে সকাল সকাল বাড়ি নিয়ে আসবো। তরপর সকলের অনুরোধ ঠেলে দাদাকে একরকম জোর কবেই প্রহরখানেক রাতে বাড়িতে আনা গেল। বৌদি বান্না-বান্না সেরে ঘর-বার করছেন। বাড়িতে আর দ্বিতীয় পুরুষ নেই। তাঁর স্বামীও আমাদের সাথী। দুটি ছোট ছেলে মেয়ে 'তাবা ঘুমিয়ে পড়েছে। মহিলাটি একা রাতের খাবাবের কি বিরাট আয়োজনই কবেছেন! আমাদের পরিতোষ কবে খাইয়ে তিনি নিজে হাতে আমার ও দাদার পাশা পাশি বিছানা করে মশারী খাটিয়ে দিলেন ঘরের মধ্যে। একতলা বাড়ি, বাবান্দা আছে। পাশের ঘরে তাঁরা ছেলে মেয়ে নিয়ে থাকেন। বড্ড গরম—দাদা আমাকে শুতে বলে নিজেই এসে তাল পাখা দিয়ে বাতাস করতে লাগলেন—কিছুতেই

শুনবেন না। শেষে নতুন বৌদি তাঁর হাত থেকে পাখা কেড়ে নিয়ে বাতাস করতে লাগলেন; রাত তখন ছপুর গড়িয়ে গেছে। আমি কখন ঘুমিয়েছি জানি না। ভোরে উঠে দেখি তাঁরা দু'জন বারান্দার বেঞ্চিতে বসে গল্প করছেন। বিছানা দেখে মনে হলো—দাদা শুতে আসেননি, সারারাত গল্প করেই কাটিয়েছেন। এই দেখে আমার ভবভূতির একটা লাইন মনে পড়লো,—

তরুণ রাম সীতাকে সবে বিয়ে করে নিয়ে এসেছেন—কপোলে কপোল ঠেকিয়ে তাঁরা সারারাত গল্পই করছেন, গল্পই করছেন, কথা আর শেষ হয় না, কিন্তু রাত ভোর হয়ে গেল। আমার শেষ লাইনটা মনে আছে—‘রাত্রিমেষ ব্যরংশীত’—রাতই কেটে গেল। যদিও ঐ গল্পের টেকনিকের সাথে প্রথম অংশের কোন মিল নেই, কিন্তু শেষটায় ছবল মিল দেখে শ্রদ্ধায় আমার মন ভরে গেল।

আমি উঠে গিয়ে তাঁদের প্রণাম করলাম। বৌদি হেসে বললেন—কী ভাই! তোমার কেমন ঘুম হলো? তুমি জাননা—উনি আরো দু'বার উঠে গিয়ে তোমাকে বাতাস করেছেন। কাল যা' গুমোট গেছে।

তারপর, বিদায়ের পালা। যেমন বিদায় বেলা মামুলী মনের ভাব যা হয়ে থাকে—মন ভারাক্রান্ত, বার বার আসার প্রতিশ্রুতি কিন্তু আসা আর হয় না। বৌদি দ্বারপ্রান্তে দাঁড়িয়ে আঁচল দিয়ে চোখ মুছছেন, দাদা গাড়ী থেকে তাই দেখে মুখ ফিরিয়ে

জোরসে একটা সিগারেট ধরালেন—গাড়োয়ানকে হুকুম দিলেন,  
হাঁকাও জলদী, ফেশন।

## শিল্পী ও তাঁহার সৃষ্ট চরিত্র

### চন্দ্রমুখী

তাঁর সৃষ্ট চরিত্রের সম্বন্ধে সব কথা বলা সম্ভব নয়। সব চরিত্রগুলিই তাঁর জীবনের বিচিত্র অভিজ্ঞতার বাস্তবরূপ। যে কটি চরিত্র সম্বন্ধে তিনি কথা প্রসঙ্গে নিজের থেকে আভাষ ইঙ্গিতে যা' বলেছেন, আমি তারই সম্বন্ধে কিছু বলবো। প্রথমে চন্দ্রমুখীর চরিত্রই নেওয়া যাক। কীভাবে ঘটনাধীন কোন বন্ধুর মুখ থেকে শুনে তাঁর মনে এই চরিত্রের আভাষ এসেছিল, তাঁর নিজের মুখে যা শুনেছি, সেই কথাই বলবো।

শুনতে ঠিক রূপকথার মত, হয়তো সত্য হতে পারে, আবার সত্য নাও হতে পারে—তবে একেবারে নিছক কল্পনা নয়।

কোন ছুই বন্ধুতে উত্তর কলিকাতার এক পল্লীতে পান ভোজন করতে গিয়েছিলেন। তখনকার দিনে কলিকাতায় সাহেবী হোটেল ছাড়া—ক্যাসোনেভা বা চাঙ্গুয়া হয় নি, যে ইচ্ছা করলেই বন্ধু বান্ধব নিয়ে পান ভোজন করা যেতে পারে। খুব পুরো দমে পান ভোজন চলছে, নাচ গানও চলছে। সুর ও সুরার নেশায় তখন তাদের চিত্ত মজগুল। বন্ধুর কাছে নগদ তিন হাজার টাকা আছে, তাঁর সে খেয়াল নেই। গুণ্ডারা কেমন করে এই টাকার সন্ধান পায়—আর যায় কোথায় ?



চারিদিক থোড়িক ব ঘিরে,—ঘরে ঢুকে টাকা লুঠ করবার মতলব করল তারা। মেয়েটি তাই বুঝতে পেরে—দোর বন্ধ করে দিলে। বন্ধু দু'টি তখন নেশায় অচেতন। সকালে যখন ঘুম ভাঙ্গলো,—যাঁর টাকা তিনি বললেন, আমার টাকা কি হলো ?

মেয়েটি বললে আমি কি জানি ? তোমরা ঘুমুলে গুণ্ডারা বাড়ি ঘেরাও করে টাকা লুটে নিয়ে গেছে। সেই ভদ্রলোক মাথায় হাত দিয়ে বসলেন—টাকা তাঁর নিজেরও নয়, কোন মহাজনের। এ টাকা দিতে না পারলে তাঁর জেল হবে। তিনি নিজে এ টাকা কখনও পূরণ করতে পারবেন না। শেষে তিনি কাঁদতে শুরু করে দিলেন। তখন মেয়েটি করে কি ? নিজের কোমর থেকে টাকার থলিটা খুলে দিল—সারারাত মেয়েটি টাকা কোমরে বেঁধে বালিশ চাপা দিয়ে শুয়েছিল---

দাদাকে বলতে শুনেছি এই ঘটনায় আমার একটা নতুন দৃষ্টিভঙ্গী খুলে গেল। যে নারী পাঁচ টাকার জগ্য দেহের পণ্য করে, নিজের খোরাক জোগায়, সেই নারী কি করে তিন হাজার টাকার লোভ সামলাতে পারল ! নারীর অবচেতন মনের এটা কোন দিক ? এ দিকটা তো আমরা দেখি নি। আমরা বাইরে নারীর যেকোনো দেখি, সেটা সত্য নয়। তার অন্তরে একটা গভীর অনুভূতির দিক আছে, সেটা আমাদের চোখে পড়ে না। যেটা চোখে পড়ে সেটা তাদের আত্মপ্রবঞ্চনা। কোন গভীর দুঃখে, হয়তো বা কোন আঘাতে, হয়তো বা কোন অবস্থার ফেরে



তারা এসেছে এই পথে। জীবনের চোরাবালিতে তাদের ছন্দ ও গতি বন্ধ হয়ে গেছে, কিন্তু সেটা অন্তঃসলীলা ফল্গু নদীর মতোই তাদের অন্তর প্লাবিত করে দিচ্ছে নারীর লাঞ্চিত মর্যাদা। তিনি তাকে অপক্লপ রূপ দিলেন—চন্দ্রমুখীর চরিত্র পরিকল্পনায়। শুধু বাংলা বা ভারতীয় সাহিত্যে নয়, আন্তর্জাতিক সাহিত্যেও এর তুলনা মেলে না। ‘এ্যানা কারনিনার’ চরিত্র অণু রকমের। গভীর আঘাত অবিচারে তার চিত্ত বিমূখ হয়েছিল—পুরুষের প্রতি। তার প্রতি যে অণায় করেছিল—সে অপরাধীসীম ত্যাগ ও দুঃখ বরণের ভেতর দিয়ে তার চিত্ত আবার জয় করেছিল। চন্দ্রমুখীর সাথে তুলনা করতে হলে—ড্রষ্টোভয়েস্কির ‘ক্রাইম ও পানিশমেন্ট’ (অপরাধ ও শাস্তি) এর সোনিয়ার সাথে তুলনা চলে। তবে চন্দ্রমুখী সোনিয়ার চাইতেও বড়। সোনিয়া ছিল বালিকা, তাব অন্তরের প্রেরণা ছিল—ধর্মের প্রতি প্রীতি ছিল, যিশুর প্রতি প্রেম ছিল।

চন্দ্রমুখী যুবতী, প্রেম ভালবাসা বা ধর্মের কোন ধারই ধারণে না—দেবদাসের প্রত্যাখ্যানে তার অন্তরের সুপ্ত লাঞ্চিত নারীর মানবীয় মর্যাদা জেগে ওঠে। সে আকাশের দিকে চেয়ে—চাতক পাখার মত, আকাশ থেকে ভগবৎ প্রেমের করুণা ভিক্ষা করে নি। সে রক্ত মাংসে গড়া মানবী সেনিঞ্জের চেষ্ঠায় তার অবচেতন মনের লাঞ্চিত নারী হকে জাগ্রত করে সত্যিকার মানবী হয়েছিল।

অনুরূপ একটি ঘটনার দৃষ্টান্ত এখানে দিলে হয়তো অবাস্তব হবেনা। এইজন্য বলছি যে লাঞ্চিত নারীর মর্যাদা কখন কিভাবে তার নারীত্বে অভিব্যক্তি হয় কেউ বলতে পারে না।

ঘটনা বোধ হয় ইং ১৯২৬ সালের শীতের এক সন্ধ্যায়। স্থান—লন্ডন আমিনাবাদের এক হোটেলের কক্ষ। শীতের এক সন্ধ্যায় আমি আমিনাবাদের এক হোটলে গিয়ে উঠলুম। উঠেই বললুম—আমি ঠুংরী শুনতে চাই। হোটেলের ম্যানেজার একের পর এক তিনজন নামজাদা শ্রেষ্ঠ ঠুংরী গাহিয়ে এনে হাজির করলেন। আমার কোনটাই পছন্দ হলো না। শেষে এলো একটি মেয়ে—দুধে আলতা গায়ের রং, হাত মেছদী পাতায় রঙীন—চুল এক বেণীতে বাঁধা, পরনে পেশওয়াজ, কাঁচুলী ও ওড়না—চোখে সুরমা ; ঠোঁট লাল টুকটুকে।

আমি বললুম—এর বয়স কতো? মেয়েটি তা' বুঝতে পেরে বললেন—“দোশো' বরষ”—

আমার ভুল বুঝলুম—মেয়েদের বসে জিজ্ঞাসা করতে নেই। মেয়েটি আমার মুখের কথা আমাকে ছুড়ে মারলে। আমি বললুম আমি এরই গান শুনবো। হোটেলের ম্যানেজার সব বন্দোবস্ত করে দিলেন—এলো তবলচি, এলো সারেঙ্গী। গানের আসর বসে গেল।

মেয়েটির দিকে আমি চেয়ে বললুম—তোমার এমন লাল টুকটুকে ঠোঁট, একটা চুমো খেতে দেবে? মেয়েটি লন্ডনের চোস্ত-উর্দু ও তার চাইতে বেশী চোস্ত কায়দায় বললে—পারলে নিজেকে বাধিত মনে করতুম, তবে আমার ঠোঁটে যা। তবে, বাবু তোমার মনের দুঃখ রাখবো না—আমি গানে-গানে তোমার তৃষ্ণা মিটিয়ে দেবো। আমি বললুম বেশ তাই হোক। তারপর

সে গাইতে লাগলে, ঠুংরীর পর ঠুংরী। রাত বারোটা কখন বেজে গেছে—তখনও সমানে চলেছে তার ঠুংরী। আমি তখন সুরের নেশায় মাতাল হয়ে গেছি। যখন রাত শেষ হয়েছে, পূর্বের দিকে শুকতারা দব্দব্দ করে জ্বলছে, তখন সে বললে— বাবু, একঠো ভৈরোঁ। শুনিয়ে।

সে আরম্ভ করলে ভৈরবী। আমি সে ভৈরবীর সুর কখনও ভুলবো না, সুরের কী বিচিত্র ঝঙ্কার! যেন মেঘের মধ্যে সুর জমাট বেঁধে গেছে; ভোর হয়েছে, তখন চেয়ে দেখি কখন তবলচি, সারেঙ্গী সব ঘুমিয়ে পড়েছে। ভোর পর্যন্ত সুরের ঝর্ণা সমানে চলেছে, গার সাথে সাকী, সামনে এই ঈরাণী তরুণী, আমার মনে হলো— আরব্য উপন্যাসের একখানা ছেঁড়া পাতা—হাজার রাতের এক রাত আমার জীবনে এসেছিল। সামনে এই তরুণী, অজস্র সুরের শ্রোত, যেন ঈরাণের সমস্ত দ্রাকাকুঞ্জ তার মধ্যে উজাড় করে নিংড়ে দিয়েছে। চোখে তার মদালেশ, আমার শিরায় শিরায় তখন জাগুন জ্বলেছে। কিন্তু তার ঠোঁটে ঘা, ছুঁতে পারবো না। ভৈরবী শেষ করে, আমার হাত ধরে সে বারান্দায় নিয়ে এসে বললে, বাবু! এইবার একটা চুমো খেয়ে আমাকে পুব্কার দাও। আমি বললাম—সে কী করে সম্ভব? তখন সে খিলখিল করে হেসে উঠলো, আমার মুখের উপর যেন সমস্ত আরবের সুগন্ধির এক ঝলক গরম হাওয়ার লু বয়ে গেল।

সে বললে, বাবু, তোমরা জাননা, এই রকম গান গাইতে এসে আমাদের যে কত অত্যাচার সহিতে হয়। গান তো হয়ই না,

আমাদের দেহের উপর নানারকম পীড়নের চেষ্টা চলে—আমাদের মর্যাদা রাখা দায় হয়। তাই আমরা ঐ কথা বলে মুখ বন্ধ করি। কিন্তু দেখলুম তুমি দরদী, তোমার ভেতর সুরের আগুন আছে, তাই বলছি, এইবার তুমি আম'কে পুরস্কার দেও। তখন সকাল হয়ে গেছে, তবলচিবা এসে বললে—এবার যেতে হবে। আমি তাকে টাকা দিতে গেলাম সে নিলে না, ঝরঝর করে কেদে বললে—বাবু! আমি তোমাব কাছে কিছু নেবো না। তুমি যখনই লক্ষ্মী আসবে আমি তোমাকে গান শোনাবো। তারপর আমি বহুবার লক্ষ্মী গেছি—দোশো' বছরের শাশুতী তরুণী শিল্পীর সন্ধানে। কিন্তু তাকে খুঁজে পাই নি।

দাদার মুখে চন্দ্রমুখীর চবিত্ত পরিকল্পনার ইতিহাস শুনে, আমি দাদাকে এই কথা বলেছিলাম। দাদা তখন শুধু হেসে-ছিলেন। কিন্তু আজ দেখছি এই অপরাভেয় শিল্পী লাঞ্চিত নারীত্বকে চন্দ্রমুখীর চরিত্রে যে অপরূপ সুষমায় ভরে দিয়েছেন, পাটনার পিয়ারী বাইজাকে রাজলক্ষ্মীতে রূপান্তরিত কবেছেন কিন্তু কৈ আমি এই দুশো বছরের শাশুতী তরুণী শিল্পীকে তো কোন্ রূপই দিতে পারলুম না। এখানে আচাৰ্য শিল্পী অবনীন্দ্রনাথের কথা মনে পড়ে—কে সেই আশ্চর্য শিল্পী, যিনি রাজহংসীকে ধবল করেছেন, মিনি ময়ূরকে নানা রঙে রামধনুর বর্ণে চিত্রিত করেছেন?—ময়ূর চিত্রিত যেন রাজহংসী ধবলীকৃতঃ,—সেই শিল্পীগুরুকে নমস্কার। এই শিল্পীগুরুও কত অজানা, অখ্যাত, লাঞ্চিত, উপেক্ষিত জীবনকে এন্নিভাবেই কথার মায়াজালে

রূপ দিয়েছেন। এই আশ্চর্য্য জীবনবাদী সেটা অনুভব করে ছিলেন রূপ-রস-গন্ধ-স্পর্শের বাস্তবতার অনুভূতি দিয়ে।

### কমল

শেষ প্রশ্নের কমল শিল্পীর অভিনব সৃষ্টি! কমল একদিক দিয়ে দেখলে—চরিত্র নয় একটা মতবাদ, একটা শাস্ত্র প্রশ্ন—সমস্যা, যার সমাধান শিল্পী দেন নি, সমাধান ছেড়ে দিয়েছেন, পাঠকদের কাছে। পাঠকরা এই প্রশ্নের সমাধান নানাভাবে করেছিলেন—বেশীর ভাগ গালাগালি দিয়ে, আর যঁারা বুঝতে পারেন নি, তাঁরা অবিশ্যি শিল্পীর প্রশংসা করেছিলেন। গল্পে কোন প্লট নেই—কতকগুলো মতবাদের বিক্ষিপ্ত ঘটনা, কতক-গুলো মতবাদের যাচাই চলছিল—কমলকে দিয়ে। এখন প্রশ্ন হচ্ছে কমল কে?

কমল গোরার বিপরীত ভাবধারা, যাকে বলে antithesis. গোরা সাহেবের ছেলে, পালিত হলো—গোঁড়া হিন্দু পরিবারে। পশ্চিমের মতবাদ, আচরণ তার কাছে মিথ্যাচার। সে যেন যাহা ভারতীয়, যাহা প্রাচ্য, সবেদর জীবন্ত প্রতীক। এক কথায় বলতে গেলে জলন্ত হোমশিখা, ভারতীয় সমাজের টিকি ও তিলকের মর্যাদার তুলনা সে সারা ছুনিয়ায় খুঁজে ও পায় না।

কমলের কথা বলতে গেলে—তার মায়ের রূপ ছিল, রুচি ছিল না। তার নিজের মায়ের সম্বন্ধে একথা বলতে তার এতটুকু বাধে নি। তার বাপ ছিল চাঁ বাগানের এক সাহেব,—অবিশ্যি তার শিক্ষা সংস্কৃতি সম্বন্ধে এক কমলের মুখে শোনা যায়, সে খুব

শিক্ষিত ছিল। শিক্ষার দৌড় তার কতদূর তা' অবিশ্যি কমল বলে নি—অক্সফোর্ড কেমব্রীজের পাশ করা অবিশ্যি সে ছিল না—সাধারণ চা' বাগানের সাহেব, যে কুলী ঠেঙায়, কত সুন্দরী কুলী রমণী যার লালসায় হয়তো নিজেদের বলি দিয়েছে। তবুও তার বাপের প্রতি কমলের অকুণ্ঠ শ্রদ্ধা ছিল। এ হেন কমলকে দিয়ে শিল্পী বর্তমান মতবাদের যাচাই করে, ভাল, না মন্দ করেছিলেন? কারণ কমলের মতবাদের দাম কতটুকু?

আমরা বলবো দাম আছে। ভারতীয় সমাজের পায়রার খোপের মত নির্দিষ্ট খুপরী করা সমাজে যেখানে যৌন সম্বন্ধ কেবল নির্দিষ্ট গণ্ডীর মধ্যেই আবদ্ধ থাকে, সেখানে চা' বাগানের উচ্ছৃঙ্খল বা উদ্ধত এক সাহেবের মেয়ে—সে যে দৃষ্টিভঙ্গী দিয়ে ভারতের অতীত সমাজকে দেখেছে, তার সাথে তার চোখে দেখা পরিচয় ছিল না, সে হয়তো তার কথা শোনেও নি, সে যা বলেছে, সেটা তার নিজস্ব অনুভূতির দিক দিয়ে, যেন যুগধর্ম তার মনে কাজ করেছে তার অলক্ষ্যে, সে জানেও না কিভাবে। এইখানেই শিল্পীর বিশেষত্ব—একটা অবচেতন যুগধর্মকে তিনি চেতনা মুখর করলেন এই নারীর মধ্য দিয়ে, তবে তাকে তিনি স্পর্শ কাতর করেন নি, সে কোন আঘাতকেই ভয় করে না, বর্তমানকে সে মেনে নেয় না বিনা বিচারে, ভবিষ্যতের আশায়, সে কল্পনার রঙীন জাল বুনে না, তত্ত্বের বা ভাবধারার দিক দিয়ে—এইটুকু বলা যেতে পারে।

জীবনের দিক দিয়ে দেখলে দেখা যায়, কমল রক্তে মাংসে

গড়া মানুষ—নিতান্ত মানবী, দেবীত্বের স্পর্শাও রাখে না, সেটাকে সে উপহাসই করে, যেহেতু সেটাকে সে দেখে নি।

হরেন যখন বহুমুখ হয়ে নীলিমার প্রশংসা করলে—যে এমন দেখা যায় না। স্ত্রী মারা গেলে বিধবা শ্যালিকা অবিশিষ্ট সুন্দরী ও যুবতী, মাতৃহারা শিশুদের ভার নিজ হাতে নিয়ে পরের সংসার নিজের ঘাড়ে তুলে নিলেন। এ দেবী ছাড়া মানবীতে পারে না, যেহেতু দেবার নিজের স্বার্থ বলে এখানে কিছু নেই। কমল হাসলো, পরে বললে, ঠিক এই রকম একটা ঘটনা আমি আসামে চা' বাগানে থাকতে দেখেছিলুম। ভাইয়ের স্ত্রী মারা গেছেন শূণ্য বৌদির স্থান পূরণ করতে দারা তাঁর যুবতী বিধবা বোনকে বাড়ী এনে কেঁদে তার কোলে নিজের ছোট শিশুকে তুলে দিয়ে বললে, ধর নে' তোর ছেলে। একে মানুষ করে এর মুখ চেয়েই তুই দিন কাটাবি। এই তোর সব।

হরেন বললে—নইতো কি? কমল হেসে বললে—পুরুষের এতবড় স্বার্থপরতার দৃষ্টান্ত আর দেখা যায় না। আরো পরিষ্কার করে বুঝিয়ে দেবার জন্য সে অবতারণা করলে—হিন্দু সমাজে বহুকালের চলতি নারীর সতীত্বের দৃষ্টান্তের মিথ্যা এক ছলনার কথা। নারীর মর্যাদার অবমাননা। সে যুগে নাকি কোন কৃষ্ঠ ব্যাধি পঙ্গু রুগী স্বামীকে তার স্ত্রী, সেই স্বামী মহাশয়ের ইচ্ছামত কোলে করে তার অভিলষিত গণিকার বাড়ি পৌঁছে দেয়। এ গল্প কাল্পনিক—সত্য হতে পারে না। অথচ এই কাল্পনিক গল্পকে আশ্রয় করে যুগে যুগে হিন্দু সমাজ নারীর দিকে আঙ্গুল



দেখিয়ে বলতো যদি সতী হতে হয়, তবে এই রকম হতে হবে।

কমলের উপমা শুনে হরেনের মুখ চুণ হয়ে গেল—তবুও হরেন বললে, তাহলে স্বার্থত্যাগের কোন মূল্য নেই ?

কমল বললে—নৌলিমা দেবী কোন স্বার্থ ত্যাগ করেন নি ! নিজে তিনি আরো স্বার্থে জড়িয়ে পড়েছেন। আব তাঁকে দেবীত্বের যে প্রলোভন দেখান হচ্ছে, সেটা পুরুষের সনাতন প্রবৃত্তি, নারীকে বঞ্চনা ছাড়া কিছু নয়। হলোও তাই, এই মহীয়সী দেবীকে ত্যাগ করে অবিনাশ লাহোরে গিয়ে বিয়ে করল।

শিল্পী আশুবাবুকে কেন্দ্র করেই মত কথার মায়াজাল বুনেছেন। আশুবাবু বুদ্ধ, শিক্ষিত, অর্থশালী, বিলেত ফেরৎ। আশুবাবু বিপ্লবী, তাঁর স্ত্রী মাঝা যাওয়ার পর, তাঁর মৃত্যু স্ত্রীর স্মৃতিকে সম্বল করে আদর্শ জীবন যাপন করছেন। কমল এ আদর্শবাদ একদিন ভেঙে দিল। কমল বললে, এই মিথ্যা আদর্শবাদ দিয়ে হিন্দু সমাজ তার বিধবা নারীদের কী না লাঞ্ছনাই করছে ও তাঁদের চিরদিন শ্রান্তি পাওনা থেকে বঞ্চনা করছে। সকলে হা হা করে উঠলেন—

সে কি কথা ? তুমি য়েচ্ছ ও তাবপর যে সব বিশেষণ কমলের প্রতি তাঁরা প্রয়োগ করলেন, তা লেখা যায় না। কমল শান্ত-ভাবেই বললে, আমাকে গালাগালি আপনারা দিতে পারেন, তাতে কিছু আসে যায় না, কিন্তু যাদেব দেবী বলে চালুতে যাচ্ছেন—সেটা মানব ধর্মের বিরোধী। নারীদের পক্ষে ওটা



কল্যাণের তো নয়ই বরং তাদের এ পর্য্যন্ত অসম্মানই আপনারা করে আসছেন—জোর করে তাদের ঘাড়ে এই মিথ্যা আদর্শবাদ চাপিয়ে।

—এই আদর্শ মিথ্যে ?

—হ্যাঁ, মিথ্যে।

—কিসে ?

কিসে নয় বলুন ? যে জিনিষের অস্তিত্ব নেই, তার কাল্পনিক স্মৃতি নিয়ে জীবনযাত্রা চলে না। জীবনের স্রোত মিথ্যার চোরা বালিতে আটকে যায়। অগ্নি অবিনাশ, হরেন্দ্রের দল হ্যাঁ, হ্যাঁ করে বললে, তবে কি আশুবাবুর জীবন মিথ্যাচার ? কমল বললে বিয়ে করা, না করার মধ্যে অনেক কিছু কারণ থাকতে পারে—দৈহিক, মানসিক।

আশুবাবু বললেন—আমার যখন স্ত্রী মারা যান, তখন আমার বিয়ের বয়স ছিল, বুঝলে কমল মা ! তবুও বিয়ে করিনি, মনোরমার মুখ চেয়ে।

কমল হেসে বললে—ঠিক কথা, আশুবাবু ! মেয়ের বিমাতা হওয়া মেয়ের কাছে দুঃখের, এতে আপনার কণ্ঠার প্রতি স্নেহই বোঝায়, মৃত্যু পত্নীর প্রতি প্রেমের স্থান এর মধ্যে নেই।

—নেই ?

—না নেই।

সকলের সামনে বোমা পড়লেও এত বিস্মিত তাঁরা হতেন না, যখন তাঁদের আজন্ম সংস্কারে ঘা লাগলো। কমল

হেসে বললে—মানুষ সংস্কারের মোহে নিজের বিচার বুদ্ধি আচ্ছন্ন করে রাখে—নতুন কিছু গ্রহণ করতে চায় না—তখন বুঝতে হবে, সে তখন মরে গেছে। এ নিয়ম ব্যক্তিগত ভাবে যেমন সত্য, জাতিগত ভাবে তেমনি সত্য। আর কেহ কোন কথা বললেন না—তাদের মনে কমলের কথা গভীর ভাবে নাড়া দিতে লাগল।

এই সে কমল! শিল্পীর অপূর্ব সৃষ্টি। নারীর জীবনে যেখানে যত গরমিল, যত সংঘাত, যুগ যুগান্তের যত লাঞ্ছনা বঞ্চনা পুঞ্জীভূত ছিল,—কমল সবার বিরুদ্ধে বিদ্রোহ ঘোষণা করে, আজ সে নতুন যুগের নারী-দেহ ও মন নিয়ে এসেছে, সে কল্পনা নয়, সে বাস্তব।

তার রক্ত মাংসে গড়া এই বাস্তব জীবনের একটু পরিচয় দেওয়া যাক। শিবনাথ পাথর কেনবার অজুহাতে কমলকে ছেড়ে এসেছে—অথচ আগ্রার বাইরে যায়নি; আগ্রাতেই আছে ও আশুবাবুর বাড়িতে গানের আসর রোজ জমাচ্ছে। কমল তা জানে। তাদের বিয়ে নিয়ে যখন সকলে ইঙ্গিত করলেন এটা বিয়েই না, এতে ফাঁক আছে; কমল বললে—ফাঁক থাকাই ভাল, ইচ্ছা মত বেরিয়ে আসা যাবে। সকলে বললেন—কী কুরুচিপূর্ণ কথা! কী স্বেচ্ছাচার! কমল বললে—যদি ভাল-বাসাই না থাকে, মিথ্যা বাঁধন দিয়ে তাকে বেঁধে রাখার চেষ্টা পণ্ডশ্রম। আমি তা' করবো না।

একথাগুলো হচ্ছিল তাজমহলের প্রাঙ্গণে, সকলে জটলা

করে। পরে শিবনাথের দিকে চেয়ে বললে কী গো, যদি তেমন দিন আসে, তাহলে মিথ্যা আচারের অজুহাত দিয়ে তোমাকে বেঁধে রাখবার চেষ্টা করবো না। হলোও তাই ! শিবনাথের গাঢ়াকা দিবার পর একদিন সে দাঁড়িয়েছিল—তার বাড়ীর সামনে, একা সঙ্গীহীন, এমন সময় অজিত মটর নিয়ে বেড়াতে বেরিয়েছে। সে নিজ হাতে অজিতকে ডেকে গাড়ি থামিয়ে বললে—আমাকেও নিয়ে চলুন, অনেকদিন মটরে বেড়াইনি।

চললো তারা—উদ্দাম গতিতে, তাতেও কমলের তৃপ্তি নেই, সে বলছে, জোরে আরো জোরে চালান। যেন বর্তমান যুগের যত গতি বেগ তার মধ্যে জমাট বেঁধে ছিল আজ খোলা পেয়েছে। মাঝ পথে গাড়ি থামিয়ে সে দোর খুলে এসে বসলো অজিতের পাশে। চলেছে—তারা পাশাপাশি বসে উল্কা বেগে—জন বিরল সহরতলী দিয়ে। এ সময় নরনারীর স্তম্ভ যোন কামনা স্বাভাবিক।

কমল বললে—চলুন আমরা চলে যাই, যেদিকে হোক।

অজিত বললে—টাকা নেই তো !

—মটরখানা বেচে দিন।

অজিত আঁধার ঘরে সাপ দেখলে যেমন লোকে ভয় পায় তেমনি আঁতকে উঠলো। তার সব ইচ্ছা, আকাঙ্ক্ষা নিমেষে উবে গেল। সে বললে—

—তা' কি করে হয় ? পরের জিনিষ।

—আগুবাবু সেটা বুঝবেন।

অজিত বললো, সেটা হয় না। 'পরের জিনিষ আমি নিতে পারবো না।

কমল হেসে বললে, তবে গাড়ি ফেরান। বাড়ি চলুন। পরের জিনিষ যদি নিতে না পারেন, তবে আপনাকে দিয়ে এ'কাজ হবে না।

অজিত এ শ্লেষ বুঝলো না। যে অজিত একটু আগেই কমলকে নিয়ে উধাও হতে চেয়েছিল, কেবল টাকা ছিল না বলেই পারে নি, কমল তাহাকে চাবুক মেরে বুঝিয়ে দিল— যাকে নিয়ে সে উধাও হতে চেয়েছিল সেও পরের জিনিষ— শিবনাথের স্ত্রী।

এই ঘটনার পর অজিতের সাথে আর কমলের দেখা নেই কিছুদিন। কমল জানতে পেরেছে অজিত হরেন্দ্রদের আশ্রমে আশ্রয় নিয়েছে ও সনাতন ব্রহ্মচার্যের আদর্শকে নিজের একমাত্র আদর্শ বলে মেনে নিয়েছে। কমল মনে মনে হাসল। আশুবাবুর ওখানে কমলের সাথে অজিতের দৃষ্টি বিনিময়ই হয়, কোন কথা হয় না। শেষে একদিন সে কমলের কাছে এলো, সে রাতের ঘটনা যে একটা ব্যঙ্গ বিক্রপ এই কথাই সে বারে বারে কমলকে বোঝাতে চাইল।

কমল বললো—বিক্রপ কোনটা বলছেন ?

—তোমাকে নিয়ে চলে যাবার কথা।

—সেটা বিক্রপ নয়, অন্ততঃ আমি বিক্রপ করি নি।

অজিত সবিস্ময়ে বললো, তাহ'লে তুমি সত্যই যেতে ?

—যেতুম, বলতে কমলের এতটুকু বাধলো না।

অজিতের সংশয় তবু গেল না—সে আদর্শবাদের উপমা দিয়ে বললো—ভালবাসা আমাদের হৃদয়কে উন্নত করে, নিত্য নতুন রসে জীবনকে অভিসিক্ত করে; আর রূপের মোহ আমাদের বুদ্ধিকে, চেতনাকে মোহাচ্ছন্ন করে।

—কবেই তো।

—যেটা চেতনাকে মোহাচ্ছন্ন করে তাকে তুমি ভাল বলো ?

—ভাল বা মন্দ আমি কিছুই বলি না, তবে যেটা কণিকের, সেটাকেও আমি বাদ দিই না।

—বাদ দেও না ?

—না। পরে কমল সহজ ভাবে বললো—কণিকের আনন্দ স্মৃতি ভাঙারে জমা থাকে, তাকেও উপেক্ষা করা চলে না। তাহলে জীবন পঙ্গু হয়ে যায়।

এরপর শিল্পী এনেছেন রাজেনকে। এই রাজেনের কাছেই বর্তমান মতবাদ বা কমল-তত্ত্ব প্রথম ধাক্কা খেলে। কমল রাজেনকে বললে—আমার বন্ধুত্ব তোমার কাম্য হোক, একদিন দেখো তোমার কাজে লাগবে।

রাজেন সহজভাবে বললো—কী কাজে লাগবে ? আগে না জেনে, আমি তোমার সাথে বন্ধুত্ব স্বীকার করতে পারি না।

—পারো না ?

—না।

—বন্ধুত্বের কি কোন দাম নেই ?

—অস্তুতঃ আমার কাছে নয়, যদি না সে বন্ধুত্ব আমার কৰ্ম্মজীবনে সহায় হয় ।

—কেন মনের মিলের কি কোন দাম নেই ?

—না, ওটা মিথ্যে কথা । আমার কাছে কাজের মিলই মিল । মনের মিল—একটা নিছক ভূয়ো কথা, আত্ম-প্রবঞ্চনা ও মনের বিলাস ।

কমল স্তম্ভিত হয়ে গেল । সে ভাবতেও পারে না, তারমত সুন্দরী, শিক্ষিতা যুবতীর বন্ধুত্ব এই যুবক, একটান মেরে পথে ফেলে দিতে পারে !

তবে পরাজয়ের গ্লানি তাহাকে পেতে হলো না । সে রাজেনের সাথে সহজ সৌভ্রাহে আবদ্ধ হ'লো ও তাহার সাথে সে তাহার মুচীপাড়ায় রুগীদের শুশ্রূষার তদারকে চলে গেল । কিম্বা সে পরল না । সে মনে প্রাণে বুঝলে—নরনারীর যৌন কামনার উপরেও কিছু আছে, সেটা আশুবাবুদের গুফ, মৃত মতবাদ নয়, অহেতুক অতীতের উপর প্রীতি নয়, সেটা হচ্ছে জীবনের আশ্চর্য্য বোধের আর একটা অবচেতন দিক, যেটা সে এতদিন দেখেনি—সেটা সেবাত্রতীর কৰ্ম্মময় জীবন ।

কমলের আর একটা দিক, শিল্পী দেখিয়েছেন—কমলের প্রথম স্বামী মারা যাওয়া পর হতেই, সে মালসায় চাল ডাল সেদ্ধ করে আলু সেদ্ধ দিয়ে খায় । এ নিয়মের তার ব্যতিক্রম হয় নি । নিলীমা অত আগ্রহ করে তাকে নেমতন্ন

ক'রে তারজন্য কতরকম খাবার করে খেতে বললে, সে খেলো না। তাহার স্বভাব সুন্দর সাবলীল ভাষায় প্রত্যাখ্যান করে খেলো ঐ হবিষ্যি !

তারপর, শিবনাথের অসুখের সময় তাকে একদিন দেখতে গেল রাজেনের সাথে। দু'দিন তার খাওয়া হয়নি। রাজেন তারজন্য আনলো ফল ও খাবার। সে তা খেলে না। সে বললো, আমি গরীব, গরীবের খাবার খাই, খেতেও তা। এটা তার অবচেতন মনের কোন দিক ? তার মৃত প্রথম স্বামীর স্মৃতির প্রতি নিষ্ঠা হতেই পারে না।

তবে কি ? তার এ আত্মপীড়ন কেন ? নিজকে না খেতে দিয়ে সে কেন এত পীড়া দেয় ? অথচ বাহির থেকে দেখলে দেখায় তার ভোগ বিলাসের ইচ্ছা যে না আছে তা নয়। তার মটর গাড়ি চাই, সে অনেকে দশখানা ভালভাল খাবার রেঁধে খাওয়াতে ভালবাসে, সে থাকে অত্যন্ত পরিচ্ছন্নভাবে। কমলের এই দুই বিভিন্ন ভাবধারার সামঞ্জস্য করতে আমি পারি নি। কমলের চরিত্রের এই দিকটা কি, ধরবার জন্মে আমি ফ্রেডের শরণাপন্নও হয়েছিলাম। আমি সেখানেও জবাব খুঁজে পাই নি।

দাদাকে আমি জিজ্ঞাসা করেছিলাম, বর্তমান ভাবধারাকে কমলের মধ্যে আপনি রূপান্তরিত করে তাকে মালসা খাইয়ে— যে বাস্তব নারীর রূপ দিলেন, এর মূলে কোন বাস্তব জীবনকে কি আপনি রূপ দিয়েছেন ?

দাদা আমার প্রশ্নের উত্তর ঘুরিয়ে বললেন—আমার সব চরিত্রই আমার নিজের অভিজ্ঞতা থেকে, বলে আমার মুখ বন্ধ করে দিলেন।

তাই কমল কেবল তত্ত্ব বা যুগের ভাবধারার সমষ্টি নয়, সে অসম্ভব ভাবে বাস্তব, রক্তমাংসে গড়া নারী। শিল্পীর অপূর্ব সৃষ্টি সে।

কমলের প্রশ্নের সমাধান এখনও হয়নি। যুগে যুগে নরনারীর জীবনে এটা শাস্বত প্রশ্নইথেকে যাবে।

### অচলা ও মৃগাল

গৃহদাহে অচলার চরিত্র সম্বন্ধে নানা কথা প্রচলিত আছে। কেউ কেউ বলেন সম্প্রদায় বিশেষকে শ্লেষ বিদ্রূপ করেই তিনি অচলার চরিত্র এঁকেছেন। একথা আমি তাঁকে জিজ্ঞাসা করে ছিলাম—তিনি বললেন সে কথা সত্য নয়। অচলা নারী চরিত্রের একটা অবচেতন দিক, অচলা সুন্দরী নয়, সে শিক্ষিতা, দরিদ্র স্কুল মাস্টার মহিমকে সে বিয়ে করে আদর্শের খাতিরে। বিয়ে করার পর, তার কল্পনা সব উবে গেল বাস্তব জীবনের আঘাতে। সে যখন ঘরকন্না করতে এলো,—আম বাগান, বাঁশ বাগান ঘিরে মেটে বাড়ী, পুকুর থেকে জল তুলতে হয়, একেবারে সত্যিকার পাড়াগাঁ। সে পারলে না। তার ঘরকন্না সাজিয়ে দিয়ে গেল মৃগাল এসে। মৃগাল মহিমকে ভালবাসতো, কী



সম্বন্ধের সুবাদে মহিম তাকে বিয়ে করল না। মৃগালের বিয়ে হলো—আশী বছরের কাছাকাছি এক বৃদ্ধের সাথে। মৃগাল হাসি মুখেই সেটা মেনে নিল। সেই মৃগাল এসে যখন গোর ঘরকন্যা গুছিয়ে দিয়ে গেল—পরাজয়ের গ্লানিতে অচলার দেহ মন ভরে গেল। সে দেখলে তার কাল্পনিক প্রেমের সঙ্গে বাস্তবের কোন মিল নেই। এই রকম দ্বন্দ্ব যখন তার মনের মধ্যে চলছিল, তার সেই মেটে বাড়িও একদিন পুড়ে গেল। বাড়ি পুড়বার সময় সুরেশ ছিল অবিশি। এই সুযোগে—সুরেশ নিয়ে এলো অচলাকে কলিকাতায়। তার বাপের বাড়ি সেখানে। ছোট দোতলা বাড়ি একখানা, সেই কলতলা যেখানে তরকারীর খোসা, মাছের আঁশ পড়ে থাকে, ভাতের ফ্যান গড়িয়ে পড়ে। সকাল সন্ধ্যায় উনুনে আগুন দেবার সময় যেখানে সমস্ত বাড়ি ধোয়ার আচ্ছন্ন হয়, পাড়ারগায়ের মুক্ত আকাশ বাতাস তার মনের কোণে কোণে ঠাঁই পেলো না, অচলা এই বন্ধ পরিবেশে এসে হাঁফ ছেড়ে বাঁচলে। সুরেশ অচলার জন্যে বাড়ি ভাড়া করলে, বিলাসের উপকরণে তাকে সাজিয়ে—অচলাকে সেখানে তুললে। মহিম অসুখে পড়লো, সুরেশ নিজে ডাক্তার, সে মহিমের চিকিৎসার ভার নিল—ও তার প্রাণপাত পরিশ্রমে মহিমকে ভাল করে তুললো। সহজ কৃতজ্ঞতার ভেতর দিয়ে অচলার মন সুরেশের দিকে আকৃষ্ট হলো।

এইবার চেঞ্জের পালা—বাড়ি থেকে নিয়ে যেতে হবে অন্ত্র ; সুরেশ আর পারছে না—তার রক্তে আগুন জ্বলে

গেছে। তার সুপ্ত দানব প্রকৃতি জাগ্রত হয়ে তার দেহ মনে মাতামাতি শুরু করে দিয়েছে, সে আর নিজেকে সামলাতে পরেলো না, মাঝপথে গাড়ি বদলানোর নাম করে, অচলাকে নিয়ে এলো ডিহিরীতে। অসুস্থ মহিম কোথায় পড়ে রইল। আগে হতেই সুরেশ অচলার জন্য সাজান বাগান বাড়ি ভাড়া করে রেখেছিল—দাস-দাসী সব দিয়ে সাজিয়ে, এলো তার জগু গাড়ি। ঐশ্বর্য দিয়ে অচলাকে বাঁধবার ক্রটি সুরেশ কিছু রাখলো না। এই পরিবেশে নারীর পক্ষে যা' স্বাভাবিক অচলা বিদ্রোহ করল, পৃথক থাকল, পরে ধরা দিল। কিন্তু তার অন্তরের গ্লানি তার সমস্ত দেহ মন ছাপিয়ে উঠলো,—এখানে অচলা সুরেশকে বরণ করেনি, সুরেশের দানব প্রকৃতির কাছে—তাহার দুর্বল নারী-প্রকৃতি আত্ম-সমর্পণ করল। শিল্পী অচলার এই দিকটাই দেখিয়েছেন। এটা নারীর বাহিরের দিক—অচলা যে পরিবেশে গড়ে উঠেছে, সেখানে প্রেম প্রীতির চাইতে ঐশ্বর্যই কাম্য—অচলার এটা স্বাভাবিক পরিণতি। শিল্পী কিন্তু তাহার নারী প্রকৃতির অবচেতন দিক দেখিয়েছেন—অচলার আত্ম-সমর্পণের পরের দিন—বাংলোর বারান্দায় বসে অচলা অঝোরে কাঁদছে,—তার উপমা দিয়েছেন—শিল্পী যেন পাথরে কোঁদা কালো মূর্তি থেকে ঝরণার জল ঝরে পড়েছে। নারীর অন্তরের গ্লানিকে তিনি এক কথায় এইভাবে রূপ দিয়েছেন।

তার পরের ঘটনাও শিল্পী দেখিয়েছেন,—মহিমে সাথে অচলার হঠাৎ দেখা হয়ে গেল—এই ডিহিরীতেই, অচলা

সামলাতে পারল না, সে মুচ্ছিত হয়ে পড়ে গেল। সুরেশ অচলাকে ফেলে, ছুটলো প্লেগের রুগী দেখতে। সে নিজেকে দিন রাত কাজের মধ্যে ডুবিয়ে রাখতে চায়, নিজেকে সে অবসর দিল না। এক প্লেগের রুগীকে অস্ত্র করতে, তার হাত কেটে প্লেগ হলো। খবর পেয়ে শেষ সময়ে দেখতে এলো—অচলা ও মহিম! তাকে মহিম বললে— এইবার তুমি ভগবানের নাম করো, সে মুখ ফিরিয়ে নিল।

জীবনের প্রশ্ন এর মধ্যে কতটুকু আছে? সেই সনাতন প্রশ্ন? প্রেম কি subjective না objective Realty? প্রেম ভালবাসা কি মনের অবস্থার বিশেষ কোন রূপান্তর, না— তার সাথে যাকে ভালবাসা যায়, তাকে পাওয়াই চাই? তাকে না পেলে, সে ভালবাসার কোন মানেই হয় না—এইটাই বর্তমান যুগের ভাবধারা। প্রেম subjective Realty বা নিছক মনের বিলাস বলে বর্তমান মানব সভ্যতা স্বীকার করে না। যাকে ভালবাস, তাকে চাই।

মানবের আদিম মনোবৃত্তির তাড়নায় সুরেশ অচলাকে পেলো, তার পাবার চেষ্টা অভিনব নয়, যা হয়ে থাকে, criminal— মানব সমাজ ও সভ্যতার বিরোধী উপায়ে। তবু সুরেশ অচলাকে পেলো, মহিম সেজন্য অবিশি আদালতে গেল না, কিন্তু জীবনের প্রশ্নে—সুরেশ কি অচলাকে সত্যই পেলো? মধ্য যুগের পাপ-পুণ্য ভালমন্দের যুক্তি তর্ক এর মধ্যে আসতে পারে না—কারণ ওগুলো এখন মিথ্যে। মানব মনের বিচিত্র অনুভূতি ও তার

পূর্ণতা দিয়েই একে বিচার করতে হবে। অচলাকে পেয়ে সুরেশের মনের পূর্ণতা বা fulfilment হয়েছিল কি ?

না হয় নি।

তার অতৃপ্ত আকাঙ্ক্ষা বেড়েই চলেছিল—সে দেখেছিল অচলার দেহ সে পেয়েছে, ঐশ্বর্যের মধ্যে তাকে ডুবিয়ে রেখেছে, কিন্তু অচলার মন ছুটেছে মহিমের—তার রুগ্ন স্বামীর কি হলো তার জন্ম।

সুরেশ ভাবলে বড় রকম আত্মত্যাগ করেও কি অচলার মন পাবে না ? তাই সে প্লেগের রুগীর সেবা করতে নিজেই প্রাণ দিল। কিন্তু অচলার মনে তার এই আত্মত্যাগ কোন গভীর রেখাপাত করেনা না।

শিল্পী তাই দেখিয়েছেন প্রেমে—objective Reality বা যাকে ভালবাসা যায় তাকে পাওয়ানি বড় কথা নয়, বা সেটা চরম সত্য নয়।

তবে অচলাকে পেলে কে ?

মহিম—অচলার জন্ম নানা দুঃখ ও ত্যাগের বিচিত্র অনুভূতির মধ্য দিয়ে। এইটেই শিল্পী subjective Reality বলতে চেয়েছেন,—এটাকে ভালবাসা বা প্রেম ধর্মের নিছক মনের বিলাস বলা চলে না। শিল্পী কি জীবনের এই শাস্ত্রিত প্রশ্নের সমাধান করতে পেরেছেন ?

এইবার মৃগালের কথা বলি। মৃগালও একটি Type বা আদর্শ, একেবারে নিছক কল্পনা নয়, বাস্তবের রূপ।

মৃগাল গ্রামের মেয়ে—আশ্চর্য্য সুন্দরী, বিয়ে হয়েছে তার এক বৃদ্ধের সাথে। মহিমকে সে ভালবাসতো। কিন্তু বর্তমান যুগের ভাবধারা তার মধ্যে কাজ করেনি। সে অতীতকে নিয়েই আঁকড়ে আছে। সমাজে সে বেঁচে আছে। অচলাও বেঁচে আছে। দুজনেরই চলবার পথে বাধা আছে, অচলার গতিবেগ তীব্র, সে যাকে বলে Dynamic, মৃগাল static স্থিতিশীল!

অচলা ছুটেছে উল্কাগতিতে, নিজেই জানে না কোথায়? যখন তার গতিবেগ কমে এশো, সে দেখলে সে এসে পড়েছে এমন এক জায়গায়, যেখানে নিজের দিকে চেয়ে সে নিজেকে চিনতে পারছে না।

আর মৃগাল—সে গতি-মন্ডব। তাকে যুগে যুগে দেখা যায়, সে সন্ধ্যাবেলা তুলসী মঞ্চ প্রদীপ জ্বলে গলায় আঁচল দিয়ে প্রণাম করছে, সে নিজের জন্ম কিছু চায় না, আম বাগান, বাঁশ বনে ঘেরা মেটে বাড়িই তার যথেষ্ট, সে অবসর সময় হয়তো সূতো কাটে, নয়তো পাড়া পড়শীর বাড়ি গিয়ে তাদের আপদ বিপদে নিজের শরীর দিয়ে যা পারে সেবা শুশ্রূষা করে। মৃগাল যুগ যুগান্ত এই ভাবেই চলেছে, সে কিন্তু বদলায় নি। তার জীবনে ছন্দ আছে, গতিও আছে—তবে মৃহ। তার জীবনের ছন্দ ও গতির সামঞ্জস্য আছে। জীবনের গতির সাথে যদি ছন্দের সামঞ্জস্য না থাকে, সে গতিবেগ উল্কার মত ধ্বংসের দিকে নিয়ে যায়।

অচলা ও মৃগালের চরিত্রে শিল্পী কি সেটাই দেখান নি?

এই দুই নারীর জীবনে, জীবনের প্রশ্ন—প্রেম—কি চায় ? সোজা কথায় মন না দেহ ? তারই সমাধানের চেষ্টা করেছেন শিল্পী ।

জীবনের এ প্রশ্ন শাস্ত, এই আশ্চর্য্য জীবনবাদী তিনি এই দুই নারীর জীবন দিয়ে তাহা দেখিয়েছেন ।

### কিরণময়ী

চরিত্রহীনের কিরণময়ী নারীর অবচেতন মনের অন্য একটা দিক । কিরণময়ী চরিত্রে শিল্পী একটি শাস্ত প্রশ্ন সমাধানের চেষ্টা করেছেন, সেটা হচ্ছে নারীর বর্তমান সমাজ ব্যবস্থার বিরুদ্ধে বিদ্রোহ । কিরণময়ী শিল্পীর অন্য সব নারী চরিত্র চাইতে বড় সৃষ্টি ।

কিরণময়ী সুন্দরী, যুবতী, শিক্ষিতা, এক কথায় নারী জীবনে তাহার নিজের দিক থেকে যাহা কিছু কাম্য সবই আছে । ঘটনার সংঘাতে সে পড়লো গিয়ে এক চিরকুণ স্বামীর হাতে । তার জীবনের চাহিদা ছিল, কিন্তু তার এই রূপ, যৌবন ও শিক্ষার সমাবেশে সে পেয়েছিল কি ? আর কী না সে পেতে পারতো ? তার এই বঞ্চিত জীবনই সেই শাস্ত প্রশ্ন ? তার বিপ্লবী দৃষ্টিভঙ্গী দিয়ে—তার জীবন দিয়ে প্রতিবাদ জানিয়েছে । চাওয়া ও পাওয়ার সংঘাতে এ প্রশ্নের কোন সমাধান হয় না । শিল্পী কেবল সংঘাতের মধ্য দিয়ে তার বিপ্লবী দৃষ্টিভঙ্গীকে রূপ দিয়েছেন—শিল্পীর কাজই তাই ।

চলছিল কিরণময়ীর জীবন—একটানা রুগ্ন স্বামীকে নিয়ে। সুযোগ বুঝে এক ডাক্তার এলো। ডাক্তার দরকার—তার চিররুগ্ন স্বামীর চিকিৎসার জন্তে। ডাক্তার অবিশ্চি ফি নিতো না,—তারা দিতেও পারতো না। সে দেখলে কিরণময়ীকে—রুগী দেখে তার ফেরবার মুখে রান্নাঘরের দোরে দাঁড়িয়ে কিরণ-তাহার সাথে গল্প করতো। কিরণময়ী বুদ্ধিমতী, সে দেখলে এ সুবিধেই বা ছাড়ে কেন? একে নিয়ে একটু খেলান যাক। তার সহজ পরিহাস প্রিয়তায় খেলিয়েই চললো—যাকে ইংরেজীতে বলে for want of better occupation, তখন বাইরের কারো সাথে তার কথা বলবার কেউ ছিল না। ডাক্তার ছিল—সেই চরিত্রের লোক, যারা কোনদিন মেয়েদের সাথে মেশবার সুযোগ পায়নি, যারা টেথসস্কোপ লাগিয়ে নারীদেহের স্তম্ভপিণ্ডে রক্ত চলাচলের শব্দই শুনেছে, নারী মনের কোন খবর রাখেনি, বা পায়নি। তার কাছে টেথসস্কোপই সব, সেই মাপকাঠি দিয়েই সে ছনিয়া যাচাই করে। প্রেম বা ভালবাসা, আত্মত্যাগ, এসবের কোন আদর্শ তো দূরের কথা কোন ধারণা তার ছিল না। সে মানবদেহ ডিসেকসন করে, কেটেকটে যা পেয়েছে তাই তার সম্বল, তার বেশী সে জানে না। কিরণময়ীর মোহে সে পড়ে গেল—তাকে সে একসুট গহনা গড়িয়ে দিলে, কিরণও হাত পেতে নিলে—এই ভেবে যে, যা আসে মন্দ কি, দেখা যাক এর দৌড় কতদূর। ডাক্তার টেথসস্কোপই দিয়ে বিচার করলো,—যা সে দিল তার বদলে কী পাওয়া যায়।



পেলো না সে কিছু, সে বুঝলে তার টেঙ্গসকোপের কল বিগড়েছে  
হুপিঙের স্পন্দন সে ঠিক ধরতে পারে নি ।

এমন সময় এলো উপেন,—কিরণময়ীর স্বামীর ডাকে ।  
তখন তার শেষ অবস্থা, তিনি মারা গেলে কিরণের কি হবে,  
সম্বল তো মাত্র ভাঙ্গা বাড়িখানা,—ছেলেবেলার বন্ধু উপেন,  
তারি হাতে কিরণময়ীকে সঁপে দেবার জ্ঞা । উপেনকে কিরণময়ী  
দেখলে । সুপুরুষ, চরিত্রবান ও অর্থশালা, এক নিমিষে—তার  
অবচেতন মন সাড়া দিল,—যেন তার দেহ মন একসাথে বলে  
উঠলো এইতো আমি যা চেয়েছিলাম, এই সে !

তারপর চললো তার সাধনা উপেনকে পাবার জ্ঞা । এলো  
দিবাকর তাদের বাড়িতে পড়তে । দিবাকর বালক, নারীর দেহ  
ও মনের সে কোন ধার ধারে না । দিবাকর উপেন-গত প্রাণ ।  
ঠাকুরপো বলে উপেনের কথা জানবার জ্ঞে কিরণময়ী  
দিবাকরকে আঁকড়ে ধরলে, যখন সে জানলে উপেন তাব স্ত্রীকে  
প্রাণ দিয়ে ভালবাসে, তখন উপেনকে পাবার ইচ্ছা তার শতগুণ  
বেড়ে গেল, তার নারীজীবনের ব্যর্থতা নানাভাবে ও নানাহন্দে  
উপেনের চারদিকে ঘুরে বেড়াতে লাগলো । সে ভাবলে আমার  
জীবনও তো এইভাবে সার্থক হতে পারতো । তার এই মনের  
সংঘাত শিল্পী দেখিয়েছেন উপেনের স্ত্রী সুরবালা আর কিরণ-  
ময়ীর রূপ বর্ণনায় ।

দিবাকরকে আশ্রয় করে কিরণময়ী উপেনকে পেতে চায় ।  
কিরণের হাসিঠাট্টায় ও সময় অসময় নরনারীর যৌন ইঙ্গিতের



শেষ বিক্রমে দিবাকর নিজেকে বিব্রতই মনে করতো। এই ভাবে দিবাকর বেড়ে চললো। কিন্তু কিরণময়ী দিবাকরকে কোন দিন ভালবাসে নাই। তাবপর কিরণময়ী দিবাকরকে নিয়ে রেঙ্গুনে পালায়। এই ঘটনা আকস্মিক, কিন্তু এ ছাড়া কিরণময়ীর পথ ছিল না, তার একটা কিছু করতেই হবে। যখন কিরণ দেখলে উপেনকে সে পেনে না, তার প্রত্যাখ্যানে ব্যর্থতার গ্রানিতে তার মন ভবে গেল সে উপেনকে দেখতে চাইলে,— দেখুক উপেন কিরণময়ী বত স্ব্য! উপেনকে আঘাত দিবার জন্য সে নিজের উপর চরম আঘাত হানলো, যে আঘাত সে দিতে চেষ্টা করলো সমাজের উপর।

এটা যে নারীর অবচেতন মনের কত বড় দিক মেটা বলা যায় না। নারী পাবে না এমন কিছু নেই, সে সব পারে, নিজেকে নিঃশেষ কবে লুপ্ত ক'বে ফেলতে পারে পর্যন্ত — যাকে সে চায় তাব জগে। সেটা তাকে পেয়েও পাবে, না পেয়েও পারে।

কিরণময়ী আগাগোড়া নারী জীবনের ব্যর্থতা বা frustration এর জীবন্ত চরিত্র, তার সাথে আছে তার প্রচলিত সমাজ ব্যবস্থার বিরুদ্ধে বিদ্রোহ। তারপর রেঙ্গুনেব পথে দিবাকরের সাথে স্ত্রিমারেব কেবিনের ঘটনা। কিরণময়ী দিবাকরকে বুকে ধরে চাপছে আর বলছে কেমন তোমার উপেনদা দেখলে কী বলতেন ?—

এই সময় কিরণময়ী বুঝলো যে সুপ্ত আদিম মানব প্রবৃত্তি দিবাকরের মধ্যে জেগেছে। সে আর বালক নয়। দিবাকরের

এখন কিরণময়ীকে পাবার জন্য ব্যাকুল আগ্রহ। কিরণময়ী নিজের ভুল বুঝতে পেরে নিজেকে দূরে সরিয়ে রাখতে চেষ্টা করলে। রেসুনে পৌঁছে নানাচলে সে দিবাকরকে দূরে সরিয়ে দিচ্ছে।

তার পরের ঘটনা—তাকে সতীশ নিয়ে এলো, তখন উপেনের স্ত্রী, ডাক নাম পশু মারা গেছে। উপেন এখন সাবিত্রীর হাতে। কিরণময়ী আর সহিতে পারলে না, তার মাথা খারাপ হয়ে গেল। কিরণময়ী নারীর ব্যর্থ জীবনের বাস্তব চিত্র—তার জীবনের fulfillment বা পূর্ণতা সে পেলো না, সে নিজের সারাটা জীবন দিয়ে প্রতিবাদ জানিয়েই গেল বিদ্রোহ করে। শেষ পর্যন্ত, আত্মহত্যা করে নয়, ব্যর্থতার, উন্মাদনায়।

মূল এই কথার মধ্যে শিল্পী এনেছেন—সতীশ ও সাবিত্রীকে। তাদের কথা না বললে শিল্পীর সমাজ ব্যবস্থার বিরুদ্ধে বিপ্লবী দৃষ্টিভঙ্গীর বিশ্লেষণ অসম্পূর্ণ থেকে যায়। তাবাও সজীব, জীবন্ত। চরিত্রহীন, শিল্পী নিজে, সতীশ তার রূপান্তর। ভাগলপুরের জীবনের চরিত্রের একটা দিক তিনি নিজে এঁকেছেন। সেই সরল, অমায়িক, গানবাজনাপ্রিয় পরের ছুঁখে কাতর। তফাৎ এখানে সতীশ ধনী ছেলে, সাবিত্রী মেসের বি। সে এলো, যে ভাবে এরা চিরদিন এসেছে ঘর ছেড়ে, পথের ডাকে, অনিশ্চিতের মোহে। সতীশকে সে ভালবাসলে, সতীশও তাকে ভালবাসলে। বিয়ে কিন্তু তাদের হলোনা—সাবিত্রী বললে সে দেহ মনে অশুচি। এই সাবিত্রীকে এনে শিল্পী সমাজ জীবনে যে কী এক অভিনব বিপ্লবের সৃষ্টি

করেছেন, তা বলা যায় না। এই প্রশ্ন শিল্পী করে গেছেন—  
আমাদের সমাজে সাবিত্রীর যে সনাতন আদর্শ আছে, তার কাছে  
এ দাঁড়াতে পারে কি না? কেবল নামের জোরে নয়, চরিত্রের  
জোরেও?

এই চরিত্রহীন বই বেরুবার পর, দাদাকে কম লাঞ্ছনা  
পেতে হয় নি। শেষ প্রশ্নের অক্ষয়ের দল, যারা সনাতন পন্থী,  
তারা ইতর জঘণ্য ভাষায় বইয়ের সমালোচনা করেন, শিল্পীর  
জীবন নিয়ে যেটা, তাঁরা কখনও জানেন নি, অভদ্র ইঞ্জিত করেন,  
এক কথায় যার সারমর্ম এই হয়—‘শুয়ের পোকা, ময়লা ও  
নোংরা ছাড়া আর কা দেখবে’?

এই খানেই শেষ হলো না, দাদা একদিন বাজে শিবপুরের  
বাড়িতে বসে আছেন, তাঁর সনাতন ইঞ্জি চেয়ারে, তিন চারিটা  
যুবক, চরিত্রহীন বই হাতে করে এসে নানা ইতর কথা বলে  
তাঁকে শাসিয়ে বললে—এ রকম বই লিখলে এপাড়ায় তাঁর  
থকো চলবে না। এটা ভদ্রপাড়া, লোকে বৌ, ঝি নিয়ে ঘর  
করে। পরে তাঁরা কেরোসিন তেলে তাঁর সামনেই বইখানা  
পুড়িয়ে চলে গেলেন। দাদা কোন কথা বললেন না, তাঁর চোখ  
দিয়ে যেন আগুন ঠিকরে পড়তে লাগল, তাঁর চোখ দিয়ে জলও  
পড়ল না, এই তীব্র দৃষ্টি ও আগুনের দিক দাহে তিনি সমাজ  
দেহের অতীতকে, জড়তাকে জ্বালিয়ে দিয়ে, চরিত্রহীনের পোড়া  
ছাই কুড়িয়ে নিয়ে, ভেতরে চলে গেলেন।

রূপ কথার সাবিত্রী, রাজকন্যা, সুন্দরী, রাজার ছেলের সাথে

বিয়ে হয়, ঘটনা সংঘাতে যাকে আমরা এতদিন বলে এসেছি—  
 ভাগ্যদোষে, তার রাগ্য যায়, তারা বনে যায়, কাঠ কেটে খায়।  
 সে যুগের শিল্পীরও টেকনিকে কোন ক্রটি নেই, নিখুঁত টেকনিক,  
 সহজ ঘটনা সমাবেশ। সাবিত্রী তার ববকে ভালবাসে, দু'জনে  
 বেউ কাকে ছেড়ে থাকে না, তার ববের কাঠ কাটার সাথেও  
 সে। রোজই এন্নি হয়, রোজই তারা বনে যায়—কাঠ কাটতে।  
 জ্যৈষ্ঠ মাস, বাড় বাদলার দিন,—চতুর্দশী রাত। বাড় উঠে এলো  
 চারদিক আঁধার কবে, তাডাতাড়ি নামতে ছেলেটা গাছ থেকে  
 পড়ে মুচ্ছা গেল, দেখে মনে হয় মরে গেছে। বালিকা সাবিত্রী  
 কী আর করে, তার বুকফাটা কান্না বনের চারদিক হাহা করে  
 বাডের বাতাসের সাথে শন শনিয়ে যোঁ লাগলো, ধবণীর বুক  
 আঁধার নেমে এলো। ছোট ময়ে, কিন্তু ভয় পেলে না সে। স্বামীর  
 মুচ্ছিত দেহটি কোলে কবে, তাব কচি বুক দিয়ে তাকে বক্ষা  
 করতে লাগল। বাড, বৃষ্টি, বাতাস বজ্র, সাবিত্রী সমানে  
 চলেছে, বিদ্যাতের ফাঁকে ফাঁকে বনের আলাড়ায় নানা  
 বাঁওস ছবি সে দেখতে লাগলো,—যেন তাবা প্রে, ক্ষণিক  
 বিদ্যাতের আলাও মনে হতে লাগলো তাব, কী 'লক'লকে জিব  
 তাদের, কী তাদের ললুপতা। আবার কখনও সে দেখলে বনের  
 গাছেরই মত দীর্ঘকায়—যেন স্পর্ধাতাদের আকাস্পর্শী, তারা  
 স্বামীর মৃত দেহ ছিনিয়ে নিতে চায়, কিন্তু সে দেবে কেন?  
 আরো জোরে সে চেপে ধরলো তার স্বামীর মুচ্ছিত দেহটিকে  
 তার বুক। তার বকের উত্তপ্ত শোণিতের স্পর্শে, তার মনে

হলো এ মুচ্ছিত দেহে প্রাণ আসবে, পালিয়ে গেল সেই সব ছায়ামূর্তি। তখনও ঝড় বৃষ্টির বিরাম নেই, সে ভাবছে তার নিজের কথা—কী না ছিল তার? রাজ্য ঐশ্বর্য! এখন কি নিয়ে সে বাঁচবে, কতদিন তার সামনে পড়ে আছে। তার নিজের এত দুঃখেও মনে পড়লো তার অন্ধ স্বপ্নের কথা। নিজের কথাও সে ভুলে গেল। সে ঠিক করলে তাকে বাঁচাতে হবে, অন্যতম তাঁদের জগে। তখন দেখতে পেলো, যাকে শিল্পী কল্পনায় যম বলেছেন, তার অবচেতন মনের দিক,—সে ঝড় ঐশ্বর্য সব চায়। তার নিজের এই সুপ্ত আকাঙ্ক্ষা কালো যমের রূপ নিয়ে তার মন ভোলাতে লাগলো—সে বললে তোমাকে সব দিচ্ছি, কেবল তোমার স্বামীকে নিয়ে যাও। সাবিত্রী বললে সেটি হবে না। আমি কিছুই চাই না কেবল ওকেই চাই।

তুনিয়ার সাথে তার চাওয়া ও পাওয়ার হিসেব মেটাবার সাথে সাথে—যখন সে বুঝলে, আর সব চাওয়া মিথ্যে, সত্যবান ছাড়া তার চলতেই পারে না, তুনিয়ার ঐশ্বর্য একদিকে, আর সত্যবান একদিকে, তার মনের এই দৃঢ়তা দেখে তার কল্পনার প্রলোভনের যম পালিয়ে গেল, সে দেখলে ভোর হয়েছে, চারদিকে পাখী ডাকছে, ঝড় বৃষ্টি থেমে গেছে,—নতুন রোদ, নতুন আলো এসে পড়েছে সত্যবানের মুখে। সত্যবান উঠে বসলে, ঠিক ঘুম থেকে জাগা মানুষের মতই। সে উঠে বললে—আমি এতক্ষণ ঘুমিয়েছি, তুমি ডাকনি সাবিত্রী!

সাবিত্রী তার হাত ধরে হেসে বললে—বাড়ি চলো ।

আর শিল্পী যে সাবিত্রীকে সমাজের সামনে—এই সাবিত্রীর পাশাপাশি দাঁড় করিয়েছেন—সে ?

ঘর থেকে বেরিয়ে আসা এক মেয়ে—ঠিক যেন বনে কাঠ কাটতে যাওয়ার মত, বাসা বাঁধলো কলকাতা সহরের ইট কাঠের বনে, তার জীবনের কী দুর্ঘ্যোগ রাত ! তার রূপ ছিল, চারিদিক থেকে, মানুষ প্রেতের দল—তাদের লিকলিকে জিব বের করে কী না প্রলোভনই তাকে দেখাতে লাগল ! এই সময় তার জীবনের দুর্ঘ্যোগের কাল রাত কেটে গেল সতীশকে ভাববেসে । সে নতুন আলো পেলো । সে নিজের জগৎ কিছু চাইলে না—কেবল বললে আমি দেহ মনে অশুচি—তবে আমি তোমার ।

তার অকুণ্ঠ প্রেমে সতীশের রূপান্তর হলো, সে ছেড়ে দিল মদ, ভাঙ, গাঁজা । সেও পরের জগৎই নিজেকে ছেড়ে দিল । সাবিত্রী অস্তুরে শুচি, ব্যাভিচারণী নয় সে । যুগধর্মের আবর্তনে রূপকথার সাবিত্রী, মেসের বি সাবিত্রীতে রূপান্তরিত হয়েছে । এই তাঁর প্রশ্ন, তাঁর বিপ্লবী দৃষ্টিভঙ্গী এইখানেই ।

এই সাবিত্রীকে নিয়ে তখনকার দিনে আমাদের কী না মাতামাতাই চলতো । দাদাকে গিয়ে বলতাম—দাদা সাবিত্রীকে কোথায় পেলেন ?—দাদা হাসতেন । কিন্তু মনের কথা আর কতক্ষণ চাপা থাকে, তখন বলতেই হলো—যদি জানেন কোথায় সে আছে বলুন, তাকে চাই । দাদা বলতেন খুঁজে দেখো । খুঁজতুম আমরা সত্যিই—স্থানে, অস্থানে । সাবিত্রীর আর

দেখা পাওয়া যেতো না। শেষে হতাশ হয়ে গিয়ে বলতাম, না দাদা পেলুম না। দাদা হেসে বলতেন খোঁজ পাবে। এতদিনে মনে হয়, বোধ হয় পেয়েছি। যেন পেয়েছি—তাকে, দেখতে পাচ্ছি তার যুগধর্মের আবর্তনে সাবিত্রীব নতুন রূপান্তর। এখন মনে হয়, এইটেই সত্যিকার পাওয়া।

ভাগলপুর, রেঙ্গুণ সব মিলিয়ে এই চরিত্রহীন,—যেটা নিজেকে তিনি দেখিয়েছেন। বেঙ্গুনে বা ভাগলপুরে তিনি সাবিত্রী ও কিরণময়ীকে দেখেছিলেন কিনা বলেন নি, হয়তো দেখেছিলেন। এই দুই চরিত্রের মধ্যে দিয়ে তিনি যে সব প্রশ্ন কবেছেন—সেগুলি তাঁর নিজের, বাস্তব চরিত্রের আভাষ তিনি পেয়েছিলেন বলেই মনে হয়। তাঁহাব কোন নিকট আত্মীয়কে তিনি উপেনের ভূমিকায় নামিয়েছেন—একেবাবে আদর্শবাদের প্রতীক করে। সেই আত্মীয়ের প্রতি তাঁর শ্রদ্ধা এতখানি ছিল।

### শ্রীকান্ত

চার পর্বের বা চার ভাগে বড় উপন্যাস। এখানিকে উপন্যাস ঠিক বলা চলে না, এখানি একজন ভবঘুরের জীবন কাহিনী ইংরাজীতে যাকে বলে Vagabond। এই Vagabond বা ভবঘুরের “ছি, ছি’ জীবনের কথা” এর আগে বাংলা সাহিত্যে আর কেউ দেখেনি। এটা শিল্পীর জীবনীও বটে, সে কথা পরে বলবো। স্কটকেশ সাজিয়ে, টিফিনক্যারিয়রে খাবার নিয়ে ও হোল্ডথলে বিছানা বেঁধে বড় জোর টুরিস্ট হওয়া যায়, ভবঘুরে হওয়া যায় না।



এই ভবঘুরের জীবনীতে আছে—সত্যিকার জীবন বোধের বিষয়। ভবঘুরে কোন ধরা বাঁধা পথে চলে নি, চলতে চলতে যারা তার গতি পথে এসেছে, শিল্পী তাঁদের নিখুঁত ছাপ রেখে গেছেন, তার সাথে—নিজের জীবনের ও তাঁর অনুভূতির।

প্রথম ভাগ—তাঁর ভাগলপুরের বাল্য জীবন। সব চাইতে তাঁর জীবনে যে বিষয় ফুটে উঠেছিল সে ইন্দ্রনাথ ও অন্নদাদিদি।

এই \*ইন্দ্রনাথ কে? তার পেছনে যে সত্যিকার মানুষটি ছিল সে আজ নেই, শিল্পী তাঁকে হারিয়েছিলেন। সে কোথায় চলে গেল, কেউ তাকে আর দেখে নি। তাঁর প্রথম জীবনে এত বড় ব্যথা বোধ হয় তিনি আর পান নি। কিন্তু ইন্দ্রনাথ রেখে গেল তাঁর বন্ধুত্বের মধ্যে তার ভবঘুরে ও উদাসী মন, আর দিয়ে গেল শিল্পীকে অন্নদাদিদির পরশ। শিল্পী সারা জীবন ও ছোটো ভোলেন নি। ইন্দ্রনাথ ও অন্নদাদিদির স্মৃতির কাছে তাঁর অত সাধের রাজলক্ষ্মীও যেন ম্লান হয়ে যায়।

মাছ চুরী ও মসজীদ বাড়ির দাদার কথায় আছে—কিশোর হৃদয়ের আশ্চর্য্য বিষয়। এই দুর্দান্ত ইন্দ্রনাথের মধ্যে তিনি পেয়েছিলেন—মানুষের অপরাভেদ মনের আভাস—আর পেয়েছিলেন এই সত্যের সন্ধান যে মানুষের জীবনে—পথই সত্য—

---

\* শ্রীমহেন্দ্র মজুমদার—ভাগলপুরের বিখ্যাত সুরাঙ্গী সুরেন্দ্র মজুমদারের ভাই। সুরেনবাবু বোধ হয় মারা গেছেন। তিনি ডেপুটি ম্যাজিস্ট্রেট ছিলেন, বোধ হয় রায় বাহাদুরও ছিলেন, সেটা তাঁর পরিচয় নয়।



জীবনের তার গতিই সত্য। স্থিতিটা তার কিছু নয়। এই পথের নেশা তাঁহাকে পেয়ে বসে'ছিল—যেটা ভবঘুরের সত্যিকার কপ, তাই বুঝি শেষ জীবনে তিনি 'পথের দাবী' লিখে পথে চলবার ঋণ কিছু শোধ দিতে চেয়ে'ছিলেন।' কিন্তু পথের দাবী কেউ মেটাতে পারবে না। তাঁর অনুরক্ত স্মরণ নেতাজী তাঁর পথের দাবীকে বাস্তবে রূপ দিয়েছিলেন—তিনিও পথের দাবী মেটাতে পারেন নি, তিনিও পথ বেয়েই চলে গেছেন—থামেন নি কোথাও। 'এই ইন্দ্রনাথের সাহচর্যে তিনি দেখা পান অন্নদাদিদির। অন্নদাদিদি যে তাঁর হৃদয়ে কতখান স্থান জুড়ে ছিলেন তা' বলা যায় না। তাঁর জীবনে যত নারী এসেছে, কাউকে তিনি অন্নদা দিদির চাইতে বড় স্থান দেন নি।'

'ইন্দ্রনাথ এই অন্নদাদিদিকে সাহায্য করবার জগুই ঐ রকম ভীষণ বিপদসঙ্কুল অবস্থার মধ্যে মাছ চুব্বী করে টাকা দিতো—যদিও তার মনের কোণে লুকানো থাকতো অন্নদাদিদির স্বামী সাহাজার কাছ থেকে সাপের ওষুধ ও মন্ত্র শেখা। শিল্পী তাঁর সাথে অন্নদাদিদির প্রথম সাক্ষাতের যে বর্ণনা দিচ্ছেন—তাতে ধনে হয় তাঁর অবচেতন মনে ছিল—সেই সুদূর অগীতের এক পর্বত রাজকণ্ঠার কথা, যার কথা কালিদাস আটটি স্বর্গ কুমার সম্ভব লিখেও শেষ করতে পারেন নি।'

'অন্নদাদিদি এলেন—শিল্পী বলছেন, যেন সত্ত্ব তপস্যা থেকে উঠে আসছেন—গোরীর মতই তপঃক্লিষ্টা, কৃশা, অথচ জ্বলন্ত হোমশিখা, যার দিকে চাওয়া যায় না—আপন মহিমায় আপনি

দৃশ্য, অথচ অপার করুণা ও স্নেহধারা যাঁর শতছিন্ন গাঁট বাঁধা—  
মলিন বসন হতে ঝরে পড়েছে। শিল্পী বলছেন এরকম দেখা  
যায় না। সত্যিই দেখা যায় না।

এক বিরাট বট ও তেঁতুল গাছের ছায়া অন্ধকারে ঢাকা—  
জীর্ণ পর্ণকুটিরে তিনি প্রবেশ করছেন সতৃপ্তা। ইন্দ্রনাথ  
বললে—দিদি তুমি ঘরে ঢুকোনা—জংলী সাপ ঘরে ঢুকেছে!

দিদি হেসে বললেন—তাইতো ইন্দ্রনাথ সাপুড়ের ঘরে সাপ  
ঢুকেছে ভাববার কথাই বটে, বলে ধবে ঢুকে সাপটা ধরে  
প্যাঁটারায় পুরলেন। বিস্ময়ে ইন্দ্রনাথের তাক লেগে গেল।

এই পরিবেশে এই মহিমায়িত্ত নারীকে দেখে অনেক আগে-  
কার বাংলার মঙ্গল সাহিত্যের আর একজনের কথা মনে পড়ে;  
সে হচ্ছে কালকেতুর, এই রকম জীর্ণ পর্ণ কুটিবে দেবী ভগবতীর  
আবির্ভাব একদিন হয়েছিল। যাব রূপ দেখে কালকেতু  
হকচকিয়ে গেছিলো।

‘ এই অন্নদাদিদি কে? বড়লোকেব মেয়ে; তাঁর স্বামী তাঁর  
বিধবাভগ্নীর অর্ধ প্রেমে পড়ে, তাকে খুন করে পালায়।  
বছর দশ পর, ঠিক এই সাপুড়ে বেশেই বাড়ির ফটকে  
সাপ খেলাচ্ছিলেন—তাকে অন্নদা দিদি চিনলেন। সাপুড়ে  
সাহাজী বললে—তুমি আমার সাথে চলে এসো, আমি তোমার  
জগাই এসেছি।’

‘ দিদি তার এই সাপুড়ে খুনীর সাথেই গৃহত্যাগ করলেন।  
লোকে জানলো না যে তিনি স্বামীর সাথে চলে এসেছেন—

লোকে জানলো অন্য কথা'; যেটা নারীর চরম দুর্গতি—যে অন্নদা কুলত্যাগ করেছে এবং সারাজীবন এই মহিমাময়ী নারী এই চরম কলঙ্ক বহন করেছেন এক খুনের জন্তু।

'এটা নারীর অবচেতন মনের কোন দিক? স্বামীর প্রতি তার ভালবাসা থাকা সম্ভব নয়, যে তার বিধবা বোনের প্রতি অবৈধ প্রণয়ে আসক্ত ও পরে তাকে খুনও করেছে। অন্নদা দিদি নিজের মুখেই বলেছেন, বাপের বাড়িতে স্বামী নিন্দায় ও তাহাব সেই অমানুষিক কাজের জন্তু সেখানকার আবহাওয়া এমন বিষাক্ত হয়েছিল, যে সেখানে থাকা আমার পক্ষে কোন বকমেই সম্ভব ছিল না, পরে ও যখন আমাকে এসে ডাকলো আমি চলে এলুম কিন্তু ও আমাকে ভালবাসেনি। ভালবাসা যে ছিল না একথাই বা বলি কি করে? সাহাজী সাপের কামড়ে মবে গেছে—দিদি তার মুণ্ডেহটা কোলে ববে বসে থাকেন, সাহাজীর মৃত নীলাভ ঠোঁটে চুমো দিয়ে কাঁদছেন—পবে সাহাজীর কবরের উপর পড়ে তাঁর কী বুকফাটা কার্না!'

'শ্রীকান্ত বই খানাতেই আগাগোড়া নারীর স্বামীর প্রতি তাদের অফুরন্ত প্রেমের কথাই বলেছেন এবং এতে এই কথাই বোঝা যায় শিল্পী এতদিন যে সব নারীচরিত্র এঁকেছেন তারা নারীর বিভিন্ন মনের অবস্থা, সেগুলো নারীর সত্যকার রূপ নয়, নারীর সত্যকার আসল রূপ হচ্ছে, নারীর একনিষ্ঠ প্রেম, একবার সে যাকে ভালবাসে, তাকে কখনও ভোলেনা ও তার

জন্ম জীবনে সে সব রকম দুঃখ বরণই করতে পারে। এই বাস্তব সত্যের অন্তরালে ছিল তাঁর অবচেতন মনে—এই রকম এক সাপুড়ে স্বামীকে পাবার জন্য এক সুন্দরী কিশোরীর তপস্যা—যাকে আমরা বলি ত্যাগ ও দুঃখ বরণ। নারীর প্রতি অকৃণ্ণ শ্রদ্ধা তাঁর ছিল—তিনি নিজেই বলেছেন, মেয়েদের সম্বন্ধে নিন্দা বিশ্বাস না করে ঠকাও ভাল, শুধুও তাদের চরিত্রে দোষাবোপ বিশ্বাস করবে নেই। নারীর প্রতি এই অকৃণ্ণ শ্রদ্ধাবোধ হতেই তিনি দিয়ে গেছেন—অন্নদাদিদি, অভয়া ও রাজলক্ষ্মী। সব কটি চরিত্রই নারীর স্বামী প্রেমের ও নারী স্বামীর জন্য ঘর ছেড়ে এসেছে—সর্বস্ব ত্যাগ করেছে ও অশেষ দুঃখ বরণ করেছে। অথচ তাদের প্রত্যেকের স্বামীই মাতাল, খুনী বা অকর্মণ্য ভবঘুরে—ছনিয়ার যাদের এক কানা আধলাও দাম নেই।’

এই তিন নারীর মুখ দিয়েই, সে প্রশ্নের জবাব দিয়েছেন। অন্নদাদিদি বলেছেন—উনি সাহাজী যখন মোছলমান, তখন আমি ও মোছলমান ভাই। এই কথায় ইন্দ্রনাথ খুব আঘাত পেলো—সে তার অন্নদাদিদিকে কখনও মোছলমান বা অশ্ব ধর্মের একথা ভাবতে পারে না। ভোরের বেলা নতুন উঠা লালটকটকে সূর্যের মত, যার কপালে সিন্দুরের ফোঁটা, তাঁর অন্তরের বহিঃ শিখার মতই তার শুভ্র ললাটে সব সময় দপদপ করে জ্বলতো সে কখনও অশ্ব ধর্মের হতে পারে না! কিন্তু উপায় কী? সব কথাতো ইন্দ্রকে খুলে

বলা যায় না—ইন্দ্র তাহলে বাগ করে, কেঁদে কেটে হয়তো সাহাজীকে মেরেও ফেলতে পারে, হয়তো বা মনের দুঃখে ইন্দ্র মেরেও যেতে পারে। অন্নদা দিদির সব কথা সেইজন্য তাদের বলা হলো না, সাহাজী বেঁচে থাকতে। ইন্দ্রের তার দিদির প্রতি ভালবাসা যে কত গভীর তার পরিচয় পাই আমরা যে দিন সাহাজী জানতে পেলো যে দিদি তার ব্যবসার গুপ্তকথা ফাঁস করে দিয়েছেন—যে আপ দরার মন্ত্র প্রযুক্ত সব ফাঁকী, কৌশলই সত্য। আব যাব কোথা? সাহাজী রেগে—অন্নদা দিদিকে লাঠি দিয়ে মারবে—দিদির মাথায় রক্তগঙ্গা বয় গেল, তিনি অজ্ঞান হয়ে পড়ে গেলেন—ও চৈতন্য হলো অনেক দেরীতে। সময়ের এই ব্যবধান ঢুকুর মধ্যে—ইন্দ্র সাহাজীকে আক্রমণ করে তার বুকে বসে তাকে শেষ করে এনেছে, এমন সময় দিদির জ্ঞান হয়ে—তাকে ছাড়িয়ে দিয়ে সাহাজীর প্রাণ বাঁচালেন।

এখন প্রশ্ন হচ্ছে কেন এমন হয়? সাপুড়ে, গৌঞ্জল, যার ভাত জোটনা, মাথা গৌজবার যার জায়গা নেই, তার উপর রাগে হিতাহিত জ্ঞানশূন্য হয়ে যে তার স্বাকে মেয়ে শেষ করে দিচ্ছে—তার জন্ম নারীর এত দরদ কেন? এবং এ দরদ কোথা হতে আসে?

বলা অত্যন্ত কঠিন, এ মনের বিশ্লেষণ করতে গেলে বলতে হয়—নারীর আজন্ম সংস্কার। কিন্তু সংস্কার বলেই উড়িয়ে দেওয়া তো যায় না, এতে নারী-মনের ইচ্ছাকৃত সক্রিয় অংশই

বেশী, এটা তার প্রেমের সত্যিকার রূপ! সংস্কার কেবল অন্ধ বিশ্বাস।

সেইজগৎ এই ভবঘুরের জীবনে যে কটি নারী বা পুরুষ জুটেছিল তার অনিশ্চিত যাত্রা পথে, তার সব কটিই ভবঘুরে ও অনির্দিষ্ট পথের যাত্রী! একমাত্র এই কথা বলেই বোঝান যায়, যে কথা শিল্পী নিজেই বলেছেন আমাদের মন আমরা কতটুকু বুঝি বা জানি যে অণুর মন আমরা যাচাই করতে যাই?

শ্রীকান্তের জীবনের প্রথম পর্ব শেষ হলো—অন্নদাদিদির অজানা পথে যাত্রা—মাত্র পাঁচ আনা পয়সা সম্বল করে। তাঁর শেষ সম্বল দুটি মাকড়ি বেচে তাঁর স্বামী সাহাজীর তাড়ি, গাঁজা, মদ ও ভাঙের দেনা মিটিয়ে শ্রীকান্তের দেওয়া পাঁচটি টাকা ফেরৎ দিয়ে, চিঠিতে তাদের আশীর্বাদ করে তিনি চলে গেলেন, কোথায় কেউ জানে না।

এই ঘটনায় ইন্দ্র ও শ্রীকান্তের মনে এত গভীরভাবে নাড়া দিয়েছিল—আর তাদের দু'জনের মধ্যে দেখা সাক্ষাৎ হতো না, শ্রীকান্ত ও অসাদ নিজীবের মতই পড়ে থাকতো, আর ভাবতো অন্নদাদিদির কথা। এই আঘাতে তাঁর অবচেতন মনে আবার ভেগে উঠলো, তাঁর সনাতন ভবঘুরে বৃত্তি, যেটা এতদিন পুরী হতে ফেরবার পর, আর মাথা নাড়া দিয়ে উঠতে পারেনি।

তিনি চললেন এবার তাঁর বন্ধু কোন এক কুমার সাহেবের নাচ ও মদের আড্ডায় শিকারের নিমন্ত্রণে। ভবঘুরে জীবনের কিশোরের শেষে যৌবনের আগমন—এই ভাবেই ফুটে উঠলো—

ঠিক নতুন বসন্তের আগমনের মতই, ফুল ফোটার দেবী আছে—  
কিন্তু ঝরা পাতার আবর্জ্জনায তাঁর প্রথম জীবনের চারিদিকে  
ছেয়ে আছে।

দ্বিতীয় ভাগে শ্রীকান্তকে আমরা দেখতে পাচ্ছি কুমার  
সাহেবের আড্ডা বা তাঁবুতে, মোসাহেব বেষ্টিত হয়ে অজস্র  
সুরার শ্রোতে—তার মধ্যে আমরা প্রথম দেখতে পেলুম পিয়ারী  
বাইজী, অমার্জিত ভাষায় যার একমাত্র উপমা হয়—ঠিক যেন  
গোবরের পাঁকে পদ্ম ফুল ফুটেছে।

গান বাজনার আসর চলছে, রসজ্ঞ সমাজদার কেউ নেই,  
দিন হাজার টাকা সেলামী দিয়ে সুন্দরী বাইজী পিয়ারী মুজরা  
কবতে এসেছে, পনের দিনেব কডারে,—কিন্তু গান কে শোনে ?  
আর বুঝেই বা কে ?

শ্রীকান্তকে সমাজদার শ্রোতা পেয়ে বাইজী তাকেই কেন্দ্র  
করে, তাঁর যত শিল্পী কুশলতাব পরিচয় দিচ্ছেন—তুপুর রাতে  
আসর ভাঙলো,—সকলে নেশায় অচেতন—জেগে আছে দু'টা  
প্রাণী, বাইজী আর শ্রীকান্ত, আর চারিদিকে জমাট সুরের  
ঝঙ্কার। রাত্রে বাইজী বাসায় ফেরবার বেলায়, বারান্দায়  
শ্রীকান্তকে একলা পেয়ে ভৎসনা করে বললে—কালই আপনি  
চলে যাবেন, লজ্জা করে না আপনার বড়লোকের মোসাহেবী  
করতে—শ্রীকান্ত অবাক হয়ে গেলেন—কে এই নারী যে মুখের  
উপর এত বড় কথা বলতে পারে, অথচ তাকে ত চিনতে পারছি  
না ! চিনতে তিনি পারলেন না। পরদিন বাইজীর খাস খানসামা



রতন এসে তাঁকে বাইজীর সেলাম জানিয়ে ডেকে নিয়ে গেল। সেখানে তাঁর পরিচয় পেলেন—যার ছবি আমরা দেখেছি দেবদাসের পাঠশালায় ম্যালেরিয়ায় মরমর, পেট জোড়া পিলে, একটা মেয়ে—যে কোন একদিন পাকা বৈঁচি ফলের মালা তাঁকে পরিবে দিয়েছিল, তিনি অবিশ্যি সে পাকা বৈঁচি ফলের মালা তখনি খেয়ে ফেলেন—পরে এই টিরটিরে মেয়েটি রোজ রোজ পাকা বৈঁচির মালা না দিলে—পড়া না বলার অজুহাতে বেশ প্রহার দিতেন, এই সুবাদে তিনি ছিলেন পাঠশালার সর্দার পড়া, অতএব তাঁর ছাত্র ছাত্রীদের দৈহিক ও নৈতিক চরিত্রের উপর সজাগ দৃষ্টির পরিচয় যখন তখন দেওয়া দরকার। সেই পেট জোড়া পিলে মেয়েটি ও তার বোনের গ্রামেরই এক সমৃদ্ধ গৃহস্থের কুলীন, পাচক ব্রাহ্মণের সাথে, মেয়ে দুটির খুড়োই বোধ হয়, হাত পা ধরে পঁচাত্তর টাকায় রফা করে, দুটা বোনকে পাত্ৰস্থ ক'রে নিজেদের কুল, শীল, মান বাঁচান। তাৎপর্য শুনে-ছিলেন—এই দু'টা মেয়ে মরে গেছে। এই ছোট বোন যার নাম রাজলক্ষ্মী সম্বন্ধে শ্রীকান্তের মনে—এক তাকে প্রহার করা ও শাসন করা ছাড়া অন্য কোন ভাব কোনদিন মনে হয় নি। পিয়ালী বাইজী ডেকে নিয়ে যখন সব কথা শ্রীকান্তকে বলে বললো, তুমি আমাকে চিনতে পারনি কিন্তু যেদিন আমি তোমার গলায় পাকা বৈঁচির মালা দিয়েছি সেইদিন থেকেই আমি তোমাকে বর বলে জেনেছি। শ্রীকান্ত সত্যের এই ভয়াবহ প্রকাশ দেখে, বিস্ময়ে হতবাক হয়ে গেল। সর্বনাশ!



এ বলে কী ? এই ভাবেই ভববুরের জীবনে দ্বিতীয় নারীর আগমন হলো, অঘাচিত্তে ও অজ্ঞানাতে । কিন্তু তার মন তখন অনন্যাদিদির স্মৃতিতেই ভরপুর । অন্য নারীর চিন্তা তাঁর মনে স্থান পাবে কেন ?

ছ'দিন পরে কুমর সাহেবের মজলীসে রাজরাজড়ার অলস আড্ডায় যা হয়, ভূঁতর গল্প আরম্ভ হলো—শেষে গড়ালো গিয়ে বাগাতে, কাছে যে মহাশয়গণ আছে সেখানে অমাবস্তার গভীর বাত কে একলা যেতে পারে ?

শ্রীকান্ত বললে আমি যাবো—তবে সঙ্গে বন্দুক থাকবে । যখন শ্রীকান্ত বাজা রেখে শ্মশানে যাবার জন্য ঠিক কবে ফেলেছে—খাবার তার ডাক পড়লো রতনের মারফত পিয়ারী বাইজিব কাছে । পিয়ারী যখন দেখলে তার অনুবোধ উপরোধ কোন ফল হলো না—তখন সে কেঁদে ফেললে এই বলে যে, আমাকে আর দুঃখ দিও না ; অবিগ্নি তার চোখের জলের বাড়ে খরচই হলো । ভববুরে শ্রীকান্ত ছপুর রাতে শ্মশানে গেল, তবুও পিয়ারীর মন মানে না, একমাসের মাহিয়ানা অগ্রীম বক্শিস দিয়ে সে তার ছ'জন দ্বারোয়ান, তার খাস চাকর রতন ও গ্রামের চোকিদারকে শ্মশানে পাঠালে, শ্রীকান্তকে আনবার জন্য ।

ছ'দিন পর পিয়ারী বাইজী তার মুজরা সেরে, পাটনা ফেরবার পথে শেষ রাতে ভোরের আগে শ্রীকান্তকে একলা আবার শ্মশানে দেখতে পেয়ে কাঁদাকাটি অনুনয় বিনয় করে তাকে

সঙ্গেই নিতে চাইলে, যেটার রূপ দেওয়া যায় একমাত্র ইংরেজী শব্দে, পিয়ারী বাইজী শ্রীকান্তের সাথে Elope করতে চাইলে। শ্রীকান্ত রাজী হলো না, তার চোখের জল ও হাত পা' ধরা অনুরোধে পিয়ারী বাইজীর বাড়ি পাটনা যেতে স্বীকার করলে। তারপর দিন শ্রীকান্তও চলে গেল, পাটনা না গিয়ে পাটনার কাছাকাছি ক্রোশ দশদূ'র নামে পড়লো ও এক ভবঘুরে সাধুব দলে ভিড়ে পড়লে। তখন শ্রীকান্ত রূপান্তর হলো—গলায় হাতে রুদ্রাক্ষের মালা, হাতে পাতলের ভাগ', পরনে গেকুয়া, সে শিক্ষাও কবে, চা ও সিদ্ধি খায়। এই ভ্রাম্যমান সাধুব ঘোড়া, উট, ছাগল ও তাঁবু ছিল। বেদে শ্রীকান্ত এই বেদের দলেই ভিড়ে পড়লো। সাধু হয়ে যরতে যরতে শ্রীকান্ত এসে পড়লো আর'য়, তখন সেখানে বসন্ত মহা-বাী থাক'বে দেখা দিয়েছে। এক বাঙালীর বাড়িতে বসন্ত হয়ে তার ছেলেটি মারা গেছে, বাড়ির সব ঐ অস্থখে আক্রান্ত, শ্রীকান্ত লেগে গেল তাদের সুশ্রমায়। ম'নারার জন্য সে ঠিকমত হচ্ছিল না, সাধু তাই সেখান থেকে তাঁবু গোটালেন। শ্রীকান্ত রয়ে গেল। তার হলো বসন্ত। স্টেশনের ধাৰে এক টিনের ছাপরায় শ্রীকান্ত আশ্রয় নিলে। পিয়ারী খবর পেয়ে পাটনা থেকে এসে অচেতন শ্রীকান্তের চিকিৎসা ও শুশ্রুধা করে বাঁিয়ে তুলে সঙ্গে করে পাটনায় নিয়ে গেল। সেখানেও এই নারীর প্রেম নিবেদন চললো—এই ভবঘুরের উপর এবং তার প্রেমের বাস্তব আকার নিলে তার অকুণ্ঠ সেবা পরায়ণতার মধ্যে দিয়ে—যাব

পেছনে কেবল এই কথাই, মাথা খুঁড়ে মরছে, তোমার গলায় আমি মলা দিয়েছি, তুমি ছাড়া আমার কে আছে ? তুমি আমার ; যেন ঠিক আদালত স্বস্তের মাথায় কোনদিন শ্রীকান্তের উপর রাজলক্ষ্মীর স্বস্ত্র সাব্যস্ত হয়েছে, সেটা আর কিছুতেই ওলটান যায় না। কিন্তু শ্রীকান্তের এই গায়ে পড়া প্রেম ভাল লাগলো না, অথচ তার অবচমন ও চেতনাময় অনুভূতি এই নারীর একনিষ্ঠ প্রেম নিবেদন দেখে বিস্ময় হতমক হয়ে গেল। সে শুধু ভাবতে লাগলো এবার পালাই তো না বলে আমি বাঁচা পড়ে যাবো—এই নারীর কাছে আমার গতিমুহুর হয়ে যাবে। তিনি একটু হুস্থ হুস্থই বয়সা চলে গেলেন, নিজের দোষগারব জ্ঞা, রাজলক্ষ্মীর কেন অনুরোধ উপরোধ শুনলেন না। এই মন নিয়েই তিনি বর্ষা গেলেন।

জ্ঞাতাচৈ নেশনেন বন্দমিত্রা, তদর, অশ্রয়া ও বোহিনী।  
তাছাড়া সবুদ্রে ঝড়ব বর্না তিনি যা করেছেন—নেটা অনবচ সাহিত্যের দিক দিয়েতো বটই, আর তাঁর ভায়ুরব মনের দিক দিয়েও কেবল অনবচ নয়, তুলনাহান। বিশাল পরিতের মত টেউগুলি খাসছে, তাদের সফেন শুভ্র মাথায় হিমায়নের তুমার ধবল শ্বস্তের মতই জ্বলছে হারে মানিক, যাকে আমরা বলি ফসফরাস আর একমিনিট, তার পরেই সব শেষ কিন্তু এই শেষের সময়ও মৃত্যুর এই করাল ভয়ঙ্কর রূপ দেখে তিনি বিস্ময়ে অবিভূত হচ্ছেন। এইখানেই তাঁর সত্যিকার শিল্পী-মনের পরিচয় পাওয়া যায়।

নন্দমিস্ত্রী, মিস্ত্রীমানুষ, লোহাপিটে খায়, কি আর করবে বেচারা, জীবনের সঙ্গী নির্বাচনে জুটে গেল টগর। উপায় কি আর? 'বিশ বছর তারা স্বামী স্ত্রীর মত ঘর করছে, টগর কি তোম্ন মেয়ে যে জা'ও দেবে? বলুক তো, কোনদিন ওকে হেসেলে ঢুকতে দিয়েছি কি না! সেটি হচ্ছে না, ওকে জাত দেবো?' এটা উপভোগ করবার মত, কিন্তু টগরের কথা শুনে গানভরা হাসির সঙ্গে সঙ্গে চোখের কোণ জলে ছাপিয়ে পড়ে। টগর আনা'দর দেশের পঁচাত্তর জন নারীর প্রতীক। তারা সকলেই টগরের মুখ দিয়ে কথা বলছে, জা'ওভেদের বিকৃত আদর্শ সম্বন্ধে, তাছাড়া টগর মুখরা, বাগড়ার সময় কেবল তার মুখ চলে না, সমান হাতও চলে। এই শ্রেণীর নারা সম্বন্ধে শিল্পী বেনা কথা বলেন নি—তিনি জানতেন এরা কুশিকাও কুপরিবেশের ফল, এদের নিয়ে অন্ত্র রাখলে এরা শোধরাতে পারে। এই শ্রেণীর নারী সম্বন্ধে দাদার মুখে যে গল্প শুনোছি—সেটা তাঁরও অন্তের কাছে শোনা কথা বলে মনে হয়।

আবার কোন দুই বন্ধুর গল্প আসছে—তারা গেছেন পান ভোজন করতে। একটি মেয়ে তাদের অভ্যর্থনা করে বসিয়ে বাইরে চলে গেল আসছি বলে। কিছুক্ষণ পরে তাঁরা দেখেন ঘরে বিছানায় কে একজন শুয়ে আছে চাদর ঢাকা। চাদর তুলতেই দেখা গেল—একটি লোকের গলাকাটা, বিছানা রক্তে ভেসে যাচ্ছে, দোরে বাহির হতে শেকল বন্ধ। এখন উপায়?

সেই বন্ধু দুটি জানালার গরাদ দু'হাতে বেঁকিয়ে বিছানার

চাদর গরাদে বেঁধে দোতালার জানালা গলিয়ে নেমে প্রাণ বাঁচান ! টগরের মধ্যে নারীর এই বিকৃত রূপকে শিল্পী রূপান্তরিত করেছেন। তারপর টগরের স্বপক্ষেও যুক্তির অণুতারণা করেছেন—যেখানে মনের মিল নেই, সেখানে বাহুবলের উপর নির্ভর করা ছাড়া আর উপায় কি ? এসব শ্রেণীর মেয়েরা তাদের সহজাত বুদ্ধি দিয়ে সেইটেই বোঝে।

### অভয়া

রোহিনী এখানে বাহন, অভয়াকে নিয়ে যাচ্ছে বেঙ্গুনে তার স্বামীকে খুঁজতে। প্লেগের ভয়ে কোয়ারান্টাইনেব জন্ম সব ডেক যাত্রীদের ভেড়ার পালের মত বালির চড়ার উপর নামিয়ে রাখা হলো দশ দিন। রোহিনীর অসুখ অভয়া তার সহস্র ও পরিমার্জিত আচার ব্যবহারে এই নতুন ও বিরুদ্ধ পরিবেশকেও ঘরের মত করে তুললে। যখন শ্রীকান্ত জাহাজের ডাক্তারের কেবিনে থাকবার আশ্বান উপেক্ষা করে অভয়ার ডাকে চলে গেল, ডাক্তার তখন হাসলে—রেঙ্গুণে ওরকম অনেক দেখবেন—অর্থাৎ দেশ থেকে পালিয়ে ওরকম অনেকেই সেখানে যায়।

এই তিনটি ভবঘুরে রেঙ্গুনে পৌঁছল। পৌঁছেই তাঁরা দেখলেন বন্দীদের কি একটা উৎসব। সেখানকার স্ত্রী স্বাধীনতার পরিচয় পেলেন হাত হাতে, যখন তারা দেখলেন তিন চারটি বন্দী মেয়ে গাড়োয়ানের সাথে ভাড়া নিয়ে বচসা

হওয়ায়—সামনের আকের দোকানহতে আক নিয়ে গাড়োয়ানকে কি এলোপাখাড়ি মারছে! এই দৃশ্যের মূলা মনের উপর অনেকখানি কাণ্ড করেছিল—তিনি জনেরই, বিশেষতঃ অভয়ার। মনে রাখতে হবে, সে এসেছে তার নিকৃদ্দিষ্ট স্বামী খুঁজতে, যে স্বামী তার কে'ন খোঁজ করে নাই আজ সাত আট বছর, চিঠির জবাবও দেয় না।

শ্রীকান্তের বিতায় ভাগ অভয়াব কথাতেই ভরা, আর মাঝে মাঝে রান্নানক্ষীর কাছে চিঠি লিখে মনও মতের যাচাই চলেছে এই ভ্রাম্যমানের। যক, শ্রীকান্ত শে এসে উঠলেন “দাদাঠাকুরের হোটেলে।” হোটেলটার আনুষ্ঠানিক খ্যাতি আছে অর্থাৎ ভারতের যত জাতি—তারা নিকৃষ্ণাচারে এখানে পাত পাড়েন, তবে বামূনের স্থান সকলের উপরে, কারণ সে বর্ণের গুরু। হোটেলের মালিক উদার, অমায়িক—তিনি ব্যবসা বোঝেন, তাঁর ভাবী চাকুরীর উমেদারদের বলেন, যতদিন চাকুরী না পান আপনি থাকেন, খানদান, পয়সা দিতে হবে না, চাকুরী হলে সব মিটিয়ে দেবেন। অবিশি শ্রীকান্ত তিন চার মাস চাকুরী পায়নি, খোঁজাখুঁজি চলেছে, তখন দেখা গেল তরকারীর সংখ্যা কমে আসছে, পরে তাদের পরিমাণের স্বল্পতা তারাই চোখে আসুল দিয়ে দেখিয়ে দেয়, আমরাই নোটিশ দিচ্ছি বুঝলে, আর এইভাবে বেশীদিন চলবে না! শ্রীকান্তকে এইভাবে নোটিশ দেওয়া হলো, তবে তিনি শেষ বোঝবার

আগেই চাকুরা জুটে গেল। বইখানি আদর্শ জীবন ছন্নছাড়া ভবনুরের জীবন সব দিক দিয়ে।

যে অভয়ার কথা বলতে অণুকথা এসে গেল—এটাতে অভয়ার পরিবেশ ভাল বোঝা যাবে। ওদিকে অভয়া ও রোহিনী ছোট একটা বাসাভাড়া নিয়ে—তার রোহিনীদার সাহায্যে তার হারাণ স্বামীর খোঁজাখুঁজি করছে। শ্রীকান্ত অবশ্য সাহায্য করবে বলে প্রতিশ্রুতি দিয়েছে। বিদেশে অজানা জায়গা, বললেইতো আর নিকর্দ্বিষ্ট লোকের খোঁজ পাওয়া যায় না। এইটুকু জানাছিল অভয়ার স্বামী বন্দায় রেনে কাজ করতো! এইটুকু মাত্র সম্বল নিয়ে এই নারী তার স্বামীর উদ্দেশ্যে অজানার পথে পা' বাড়িয়েছে, কেবল এইটুকু জানবার জগ, সে বেঁচে আছে কিনা?

বেঁচে থেকে যদি অভয়াকে আর সে না নেয়, তার সাথে আর ঘবকল্পা না করে, তাতেও অভয়ার ছুঃখ নেই, সে ভাল আছে, বেঁচে আছে এই টুকুই তারপক্ষে যথেষ্ট, সে তার কিছু চায় না।

নারীর এই একনিষ্ঠ প্রেম গ্রাসে কোথা হতে? আর এই প্রেমই বা তাদের হয় কাদের জগ—যারা মাতাল, বদমায়েস ও নারীর মর্যাদা কোনদিন দেয়নি! এ সমস্যার সমাধান এ পর্য্যন্ত হয় নি, শিল্পী ও করতে পারেন নি।

অভয়া চরিত্রের পরিকল্পনা দাদার মনে কি ভাবে এসেছিল



তার নিজের মুখে যা শুনেছি সেটা এই বকমের। ঐ রকমই মিস্ত্রী শ্রেণীর একজনের স্ত্রী ছিল অভয়ার মতই—সেই রকম সুন্দরী ও মার্জ্জিতরুচি। লোকটি ছিল মাতাল, অন্য রমণীতে আসক্ত ও স্ত্রীকে ধরে মারত। এই রকম মেয়ের চাহিদা আছে, জুটে গেল তার একজন পূজারী, সে তাকে ভালবাসতো ও এই দুশ্চরিত্র ও অত্যাচারী স্বামীর হাত থেকে সব সময়ই বাঁচাবার চেষ্টা করতো ও তাব স্বামী যখন মদখাবার টাকার জগ্য তার স্ত্রীকে মাবধর করতো, এই লোকটি তার বন্ধুকে টাকা দিয়ে মারথেকে বাঁচাতো। সেই মেয়েটির সর্ব্বাস্থে নিষ্ঠুর মারের ক্ষত চিহ্ন, শতগ্রন্থি ছিন্ন মলিন বসন, এই ছিল তার আজীবন রূপ সজ্জার প্রসাধন ও হাতে দু'গাছি শাঁখা, কপালে সিঁদুবের রক্ত তিলক ; তার স্বামীর এত অত্যাচার উৎপীড়নেও, তাব বন্ধুর শত অনুনয়, বিনয়, মান, অভিমান চোখের জল কিছুতেই সে ঐ স্বামী ছেড়ে তার সাথে স্বামী স্ত্রীর মত বসণাসের জগ্য রাঙ্গী হয় নি। তাদের দু'জনের মধ্যে সত্যিকার ভালবাসা ছিল, দুঃখের নিকষে তাদের ভালবাসা পরখ দু'জনের মনেই হয়েছিল, সেটা তারা খাঁটি সোনা বলেই জানতো। কারণ পুরুষের পক্ষে ভ্যাগ ছিল, দুঃখ বরণ ছিল শুধু টাকা গহনা দিয়ে প্রলুব্ধ করবার মতলব ছিল না। এইভাবে তারা অনেকদিন দু'জনে দু'জনের মুখ চেয়ে ছিল, শেষে অনিয়ম, অত্যাচাবে ঐ স্বামী মহাশয়ের ক্যানসার বা গ্রাংগীরেনের মতই একটা কিছু হয়। দাদার্কৈ বলতে শুনেছি, রুগীর ঘরে মানুষ ঢুকতে পারে না, দুর্গন্ধে সর্ব্বাস্থ



খসে পড়ছে তার নিদারুণ কততে, কিন্তু ঐ নারী কী নিষ্ঠার সাথে তার সেবাপুঞ্জীকরণ করলে তাকে, পরে সে মরে গেলে, এলো তার প্রশ্নটির কাছে, যে এতদিন তারই আশাপথ চেয়ে বসেছিল।

অভয়াও ঠিক এই ছাঁচে ঢালা। তার একমাত্র ইচ্ছা তার স্বামীকে একবার দেখা, সে কেমন আছে, বেঁচে আছে কি না? যদি তার স্বামী, যেটা খুবই সম্ভব, অন্য স্ত্রী নিয়ে ঘর কবছে দেখে, তখন সে কি করবে জিজ্ঞাসা করায় সে বললে, আমিও তার কাছেই থাকবো—তাদের সেবা করবো, কোন হিংসা করবো না, তার ছেলেপুলে মানুষ করবো।) নারীর এই মনোভাব, ‘শেষ প্রশ্নে’ কমল যেটাকে বিক্রম করেছে, কুষ্ঠরোগী স্বামীকে পিঠে করে তার রূপসী গনিকাব বাড়ি নিয়ে যাও যার সাথে। গল্পটা মিথ্যে এইজন্য যে, স্ত্রী না হয় পতি দেবতার সন্তোষের জন্য তাকে পিঠে করে ঐ রকম অস্থান নিয়ে যেতে পারে, কিন্তু যে অবিচার বাড়িতে এই কুষ্ঠরোগী যাচ্ছে তাকে তিনি হবে ঢুকতে দেবেন কেন? গল্পের গৌজামিল ঐখানে—যাহোক তবে এই সব নারীর শত বিকল্প অবস্থার মধ্যে স্বামী দেবতাকে আকড়াইয়া থাকার চেষ্টার অন্তরালে এই মনোভাবের আভাস পাওয়া যায়। আমি কিঃ এই সব নারীর মনোভাবের মধ্যে দেখতে পাই—অতীত যুগের একটি স্পষ্ট ছবি, কবি কালিদাসের একখানা নাটকের, যেটা সংস্কারের মধ্যে দিয়ে আমাদের নারী হৃদয়ে বদ্ধমূল হয়েছিলই বলবো, সীতা সান্দ্রী ও

দময়ন্তীর গল্পের ভেতর দিয়ে আজও তার অবচেতন মনে সেটা আছে। সত্যিই আছে।

গল্পটি এই, এখন যেমন আন্তর্জাতিক সম্বন্ধ চালু হয়েছে দেশে দেশে দূত বিনিময় বানিজ্য ও মিত্র শক্তিকে যুদ্ধ সাহায্য, টাকা ধার দেওয়া এই সব, তখনকার দিনে এক ভাবতবর্ষই ছিল সভ্য, আর সব জাতি এক মিশর ও চীন ছাড়া, ছিল অসভ্য পরে অবশিষ্ট গ্রীসও বোমানরা আসে।

আমাদের গল্প যে সময়ের তখন মিশর ছিল হত্যা খুব সভ্য, যাক্ যাতে কিছু আসে যায় না। কিন্তু মানুষের মন — অগ্ৰজাতির সাথে আদান প্রদান মোহর্দি করতে চায়। কী আর করে, তাঁরা আকাশে উড়তে লাগলেন, প্লেনে বা এটমিক শক্তির মত ঐ রকমই কোন শক্তি দিয়ে চালিত যান্ত্রিক যান। আন্তর্জাতিক সম্বন্ধ ছিল না বটে, তবে আন্তর্গাহিক ( Interplanetary ) সম্বন্ধ স্থাপিত হলো। এইরকম কোন এক যুদ্ধ খাতিয়ানে স্বর্গের দেবতা ও তাঁদের রাজা হুন্দ, মেয়ে পাঠানেন সাহায্য মর্তের রাজা বিক্রম দেবের কাছে। তখনকার দিনে যুদ্ধ আবশিষ্ট দেব দানবেই হতো, এখনও তাই হয়; বার নাম বর্তমানে আমবা দিয়েছি Friend and Enemy মিত্র ও শত্রু। যুদ্ধের সাথে মেয়েচুরীও হতো, এখনও হয়, দানবরা স্বর্গ অধিকার করে সেখানকার সেরা সুন্দরী উলশাকে চুরী করে নিয়ে গেছে। রাজা বিক্রমদেব তাদের যুদ্ধে হারিয়ে উলশীকে উদ্ধার করলেন, তাকে নিয়ে এলেন তাঁর প্লেন রথেই, তবে সেটা ছিল ছুজনের বসবার

মত ( 'Two seater ' মেঘলোকের সরা পথ দুজন দুজনের  
 গা ঘেসেই তাঁরা বসেছিলেন । উর্বশীর শিক্ষা সংস্কৃতি খুব  
 উচ্চাঙ্গের ছিল, তিনি সারাপথ অশ্রুতন হয়েই ছিলেন রাজার  
 দেহ আশ্রয় করে । উর্বশী কিন্তু রাজার এই পরশটুকু  
 ভোলেন নি । রাজ্য জয়ের পথে যা হয়ে থাকে,—বিজয় উৎসব,  
 পান ভোজন, নাচগানের মজলিস, যেখানে রাজা বিক্রমদেব  
 প্রধান অতিথি বা chief guest. উর্বশী মননরা হয়েছেন, বারে  
 বারে আড়চোখে একবার রাজা বিক্রমদেবকেই দেখছেন—বাস  
 আর যায় কোথা ? তাঁর নাচের তাল কেটে গেল, ভরতমুনী  
 ছিলেন এই জলসার পবিচালক, নাচের তালকাটা এতবড়  
 অপরাধ তিনি সহেনেন না । দিনেন শাপ, পৃথিবীতে নিকরাসন ।  
 স্বর্গে ভালবাসা, প্রেম বলে কিছু নেই, সুন্দরা সুন্দরা মত নারী  
 সব তাঁদের জাতীয় সম্পত্তি বলে গণ্য করা হয়েছে ( nationali-  
 sation) ব্যক্তিগত সম্পত্তির মত, ব্যক্তিগত নারীর কথা কেউ  
 সেখানে ভাবতেও পারে না, একেবারে রাষ্ট্রের বিরুদ্ধে অপরাধ  
 offence against state, উর্বশীর কান্না কাটিতে কার ফল  
 হলো না ; Disciplinary action নিতেই হবে, উর্বশীর এক  
 বৎসর নিকরাসনের ছকুম হলো পৃথিবীতে, যার মানে হয় রাজা  
 বিক্রম তাঁকে স্বর্গ থেকে Elope করলেন ।

মর্ত্ত এসে চললো রাজা ও উর্বশীর প্রেম—যার বর্ণনা  
 \*কালিদাস নিখুত ভাবে দিয়েছেন, প্রেমের যত রকম অভিব্যক্তি  
 ও উপচার থাকতে পারে । আসন্ন গল্পে এখনও আমরা আসিনি ;

\*কবি কালিদাসের বিক্রমোর্বশী নাটক ।

উপরেরটুকু নিছক কামনা বাসনার উন্মাদনা। ওঁদিকে বিক্রম দেবের যে রাণী তিনি সব জানছেন, সব বুঝছেন সব দেখছেন। তিনি স্বামী পরিত্যক্তা হয়ে নীরবে চোখেব জল ফেলছেন। কিন্তু তাঁর এই দুঃসহ দুঃখেই তাঁর মধ্যে নাবীব লাক্ষিত মর্যাদা জেগে উঠলো— তিনি ‘প্রিয় প্রসাধন ব্রত’ আরম্ভ করলেন যার গানে এই—আমি যাকে ভালবাসি, যিনি আমার স্বামী, তিনি যতই অন্য রমণীতে আসক্ত হোন না কেন, আমি তাতে ক্ষোভ করবো না, ঈর্ষা করবো না, মনও কোন গ্লানি আনবো না, আমি যেন তাঁকে ভালবাসতে পারি। একবৎসর তিনি এই ব্রত পালন করলেন ; তারপর নিজকে সংযত কবে—দেহে, মনে ও কথায়, তিনি ব্রত উৎসাপনের দিন, রাজাকে নিমন্ত্রণ করে পাঠালেন। রাজা এলে তাঁর পা ধুইয়ে, তাঁর গলায় মালা, কপালে চন্দন দিয়ে তাঁর অর্চনা করে বললেন,—তোমার কাছে আমি এই বর চাইছি যেন তোমার কোন কাজে আমার কোন ক্ষোভ না হয়, আমি যেন তোমার দেওয়া সব দুঃখ অবিচলিত হয়ে সহিতে পারি।

রাজার তখন চোখ খুললো—এদিকে উর্বশীরও মেঘাদ ফুরিয়েছে, তাঁকে স্বর্গে ফিরতে হবে। অবিশ্বি উর্বশীর বিরহে কবি কালিদাস প্রিয় বিরহে রাজার যে ছবি এখানে দিয়েছেন, তাকে কার মেঘদূতও হার মেনে যায়। কী করুণ বিলাপ তাঁর। তাঁদের আলো দেখে উর্বশীর শাড়ির আঁচল ভেবে উর্বশী ! উর্বশী ! বলে ছুটেছেন তাকে ধরতে, ফুল দেখে প্রিয়ার মুখ মনে করে মূর্ছা যাচ্ছেন ;

কিন্তু রাণী রাজার এই উন্মাদনার সময় তাঁর কাছ থেকে তাঁকে সন্তুনা দিচ্ছেন! রাণীর পতি প্রেমই শেষে জয়ী হলো, রাজা রাণীর মিলন হলো।

অভয়ার মধ্যে আমরা নারীর সেই স্নাতন মনোবৃত্তিই দেখতে পাই।

তারপর চললো তাঁর স্বামী খোঁজা। কিন্তু খুঁজলেইতো আর পাওয়া যায় না! শ্রীকান্তের চাকুরী হবার পর, হঠাৎ অপ্রত্যাশিতভাবে তাদের প্রোম না ভামো, এই রকম কোন মফঃস্বল অফিস হতে রিপোর্ট এনো একজনের বিরুদ্ধে, সে আগে রেনে চুরি করে পানিয়েছিল। বর্তমানেও অফিসের কাঠের কারবারে সে টাকা তছরূপ করেছে; ও তার বিচারের ফাইল এসে পড়েছে শ্রীকান্তের হাতেই। শ্রীকান্ত বুঝলেন, ইনিই অভয়ার স্বামী, তিনি জানতেন এই বীর পুরুষ নিশ্চয় তাঁর কাছে আসবে, কেসের তদ্বির করতে। এলোও তাই। নোংরা, অপরিষ্কার, মুখের চুকম বেয়ে পানের রস গড়িয়ে পড়েছে, রুক্ষ চেহারা, ময়লা হাফ প্যান্ট ও হাফসার্ট গায়ে, তিনি এসে কাঁদাকাটি, অনুনয় বিনয়, প্রলোভন সব শুরু করলেন, তাতেও শ্রীকান্তের মন গললো না। শ্রীকান্ত জিজ্ঞাসা করলেন, আপনি কি বিবাহিত?

—নিশ্চয়ই স্মর, হাঁ, হাঁ! জানেনই তো স্মর। এদেশে আছি, দেশের সাথে সংস্রব নেই, এই দেশের মেয়ে বিয়ে করে,

কাচ্চাবাচ্চা নিয়ে ঘর সংসার করছি। চাকুরী গেলে তারা সব না খেয়ে মরবে।

শ্রীকান্ত জিজ্ঞাসা করলেন, আপনি দেশে বিবাহ করেছিলেন কি ?

কখনো নয়, দেশের সাথে আমার কোন সংস্রবই নেই, দেশের অমন রাজার মত বাড়ি বাগান, জমিজমা, সব জ্ঞাতিদের বিলিয়ে দিয়ে চলে এসেছি। তারাই সব ভোগ করুক। পরে শ্রীকান্ত যখন বললেন,—

আপনার স্ত্রী অভয়া, আপনার খোঁজে এখানে এসেছেন। প্রথমে তিনি আংকে উঠলেন, পরে তিনি হাতকলে হা,হা করে বললেন, তাইতো বিয়ে অবিশ্যি অনেক আগেই করা হয়েছিল, তা তিনি যদি বেঁচে থাকেন, আর যদি এখানে এসেই থাকেন, ভাল কথা।

শ্রীকান্ত বললেন, তান যদি আপনাকে ক্ষমা করেন ও আপনি তাঁকে নিয়ে ঘর করেন তবে আপনার এবারকার অপরাধ মাফ করতে পারি।

এ আর বেশী কথা কি ? স্ত্রী—ধর্মপত্নী। তাঁর সাথে ঘর করবো, এটা আমার সৌভাগ্য, তবে তিনি কি এই বন্দী, নোংরা ইতর, স্লেচ্ছ, যাদের জাত বিচার নেই, তাদের সাথে থাকবেন ?

—আপনি রাখলেই থাকবেন।

—আমি নিশ্চয় রাখবো। আমার স্ত্রীর ঠিকানাটা দিনতো স্মর। ও! কতদিন তাকে দেখিনি! বলে এই স্বামী মহাশয় রুমালে চোখ মুছলেন।

শ্রীকান্ত তাকে ঠিকানা দিলেন। সন্ধ্যার সময় শ্রীকান্ত অভয়ার বাড়ি গিয়ে সব কথা তাঁকে খুলে বলে জিজ্ঞাসা করলেন, তুমি আমাকে কমা করতে বলো ?

—বলি।

—তুমি ওর কাছে যাবে ?

য বো।

অভয়া আর কান কথা বললে না। শ্রীকান্ত বলছেন, অভয়া আঁচলে চোখ মুচলো।

শবৎচন্দ্রের সৃষ্ট নারী চরিত্রের মধ্যে একমাত্র অভয়াই সমাজের বিকাক্ষ বিদ্রোহ কবে নাই। অভয়ার মনে ছিল পতি প্রেমের একনিষ্ঠতার আদর্শ, স্বামী যাই হোক, তাহাকে বিচার করিবার কিছুই না, স্ত্রী তাহাকে ভাগ্যবাসবেই। এই আদর্শবাদের অংশই সে রোহিনীদার অমন একনিষ্ঠ প্রেম ও আত্মত্যাগকে প্রত্যাখ্যান করেছিল। অভয়া তাহার স্বামীকে কমা কবাত্তে, তাহার স্বামী চাকুরাতে বাহান হলো ও অন্য়াকে সঙ্গে নিয়ে তার কর্মস্থানে গেল। বাথলে' তাকে গ্রামের পেষ্ঠনাষ্টারের বাসায়, কাবণ তার বর্ম্মী স্ত্রী তাহাকে বাড়িতে ঠাই দিবে কেন ?

অভয়া ফিরে না আসা পর্য্যন্ত রোহিনীদার দুঃখে সত্যই আমাদের চোখে জল আসে। শ্রীকান্ত গিয়েছিল তাকে বলতে যে অভয়া স্বামীর ঘর করতে গেছে, তাকে টাকা পাঠানই বা কেন আর চিঠি লেখাই বা কেন ? কিন্তু শ্রীকান্ত গিয়ে রোহিনীদার যে অবস্থা দেখলেন, তাতে তাঁর ঐ কথা বলবার সব ইচ্ছা চলে গেল।



সারাবাড়ি অন্ধকার, আলো জ্বলেনি, কোথায় জনপ্রাণী নেই। শেষে খুঁজতে খুঁজতে রান্নাঘরে দেখা গেল অন্ধকারের মধ্যে একজন লোক বসে আছে মাথা হাঁটুর মধ্যে দিয়ে উবু হয়ে, উনুন কখন নিভে গেছে, তার উপর এক কড়াই চাপান!

এ দৃশ্য দেখে শ্রীকান্তের চোখের জল বাধা মানলো না। শ্রীকান্ত রোহিনীকে বললে একটা হোটেল থেকে খাবার আনানোর বন্দোবস্ত করলেই তো পারেন, আর এখানে থাকবারই বা কি দরকার? অভয়ার স্মৃতি যেখানে ছড়ান আছে, সেখান চেড়ে এস গেলো না, যেতেও পারলো না, তাতে তার খাওয়া হোক চাই না হোক! প্রেমের এই একনিষ্ঠ সাধক দেখে মনে হয়, কবির কথা, যেটা তিনি কচ ও দেবযানীতে বলেছেন দেবযানীর মুখ দিয়ে, এই রকম কথায় তার ভাব এই হয়—নারীর লাগিয়ে সাধনা করেনি কেহ? তার পরই বলেছেন—

সহস্র বৎসরের সখা! সাধনার ধন! নারীর মন। অম্লি  
একদিনে পাওয়া যায় না, মটরে তুলে, সিনেমা বা হোটেল  
খাওয়ালেও নয়, বা বাড়ি গহনা দিলও না। রোহিনীব প্রেমের  
এই সাধনা দেখে আমাদের মনে পড়ে ভারতের সনাতন প্রেম  
সাধনার একটা দিক, নারীকে পাবার জ্ঞান পুরুষের কি আকুতি।  
বৃন্দাবনে শোনা যায়, যাকে এখনও আমাদের হৃদিবৃন্দাবনে  
অহঃরহঃই শুনতে পাই, নরের নারীর জ্ঞান কী ব্যাকুলতা—  
রাধে! রাধে!

রাধানামের সাধা বাঁশী হয়তো বৃন্দাবনে আজও বাজে,



তবে হয়তো কোন কোন ভাগ্যবান তাহা শূনিবারে পায়। আমরা কিন্তু আমাদের হৃদিবৃন্দাবনে সব সময়েই শুনতে পাই রোহিনীর প্রেম সাধনা, তারই প্রতীক আমাদেরই অন্তরের শিল্পীর মনের প্রতিচ্ছবি বা Projection।

রোহিনীর যখন এই অবস্থা, তখন অভয়া কী করছিল?

একনিষ্ঠ স্বামী প্রেমের পুরস্কারের ছাপ তার সর্বাঙ্গে কতের মুখে ঝরে পড়ছিল।

অভয়া ফিরে এলো নতুন রূপে, দেহে ও মনে। শ্রীকান্ত জানতো না—অভয়া ফিরে এসেছে, ডাকাডাকিতে অভয়া দোর খুলে দিয়েই আবার ভেতরে চলে গেল, যেন লজ্জা পেয়ে, তার পরই নিজকে দূর করে হাসিমুখে ফিরে এলো।

শ্রীকান্ত অভয়ার মুখে তার স্বামীর ঘর করবার ইতিহাস সব শুনলে ও অভয়া তার দেহে স্বামীর অত্যাগ্র প্রেম চিহ্নেব দাগ দেখালে। শ্রীকান্ত বলিল—চলে আসাটা অন্যায় বলতে পারিনে, কিন্তু—

অভয়া বলিল—‘এই “কিন্তু” টার উত্তরইতো আপনাব কাছে চাইচি, শ্রীকান্ত বাবু! তিনি তাঁর বন্দী স্ত্রী নিয়ে স্থখে থাকুন আমি নালিশ কচ্ছিনে, কিন্তু স্বামী যখন শুদ্ধ মাত্র একগাছা বেতের জোরে স্ত্রীর সমস্ত অধিকার কেড়ে নিয়ে তাকে অন্ধকার রাত্রে একাকী ঘরের বার করে দেন, তার পরেও বিবাহের বৈদিক মন্ত্রের জোরে স্ত্রীর কর্তব্যের দায়িত্ব বজায় থাকে কিনা আমি সেই কথাই আপনাব কাছে জানতে চাইচি। তিনিও

আমার সঙ্গে সেই মন্ত্রই উচ্চারণ করেছিলেন। অর্থহান আরুতি তাঁর মুখ দিয়ে বার-হবার সঙ্গে সঙ্গেই মিথ্যায় মিলিয়ে গেল,— ‘কিন্তু সে কি সমস্ত বন্ধন, সমস্ত দায়িত্ব রেখে গেল শুধু মেয়ে মানুষ বলে আমারি উপর?’

স্বামীর এই নিদারুণ ব্যবহারে অভয়ার কল্পনার সতীত্বের আদর্শ ধুলায় মিশে গেল, জাগলো তার মধ্যে নারীর লাঞ্চিত মর্যাদা। এই বিদ্রোহিনী তেজস্বিনী নারী, সমাজের বিরুদ্ধে বিদ্রোহ করলে না। সমাজেই রয়ে গেল—তার সমস্ত অভিশাপ নিয়ে। শিল্পীর মুখ দিয়ে একদিন যে কথা বেরিয়েছিল— “পতিই সতীর দেবতা কি না, এ বিষয় আমার মত ছাপার অঙ্করে ব্যক্ত করার দুঃসাহস আমার নাই, তাহার আবশ্যকতাও দেখিনে।”

আজ তাহা সত্য হলো। তারপর অভয়া বলেছে—“আমি কিন্তু কিছুতেই বেরিয়ে যাবো না। সমস্ত অপযশ, সমস্ত কলঙ্ক, সমস্ত দুর্ভাগ্য মাথায় নিয়েই আমি চিরদিন আপনাদের হয়েই থাকবো।’ থাকলো তা’ সে। সেইজন্য আমরা দেখতে পাই, শ্রীকান্ত প্লেগ হয়েছে সন্দেহে পীড়িত অবস্থায় যখন তার দোর গোড়ায় এসে দাঁড়ালো তার নতুন পাতা সংসারের, সে তাকে ফেরাতে পারলে না। অভয়া শ্রীকান্তের উত্তপ্ত ললাটের উপর ধীরে ধীরে হাত বুলাইতে বুলাইতে বলেছিল—তোমাকে ‘যাও’ যদি বলতে পারতুম, তাহলে নতুন করে সংসার পাততে যেতুম না, আজ থেকে আমার নতুন সংসার সত্যিকার সংসার হলো।’

অভয়ার কথা শ্রীকান্ত রাজলক্ষ্মীকে লিখেছিল, রাজলক্ষ্মী তার জবাবে বলেছিল—‘তার ভেতর যে বহি জ্বলিতেছে, তাহার শিখার আভাস তোমার চিঠির মধ্যে আমি দেখিতে পাইতেছি । তার কর্মের বিচার একটু সাবধানে করিও ।’

জীবনের এই শাশ্বত প্রশ্নে—অভয়া রোহিনীর সাথে যে সংসার পাতলো তাহার সার্থকতা বা Fulfilment কোথায় ?

এটা তার অবচেতন মনের কোন প্রেরণা ?

এটা কি তার কেবল নাবী-সুলভ মাতৃহের সহজাত আকাঙ্ক্ষা ? না, প্রেমের জন্য সর্বস্বত্যাগ কববার দুর্জয় সাহস ?

আমরা বলি শেষেরটা । প্রেম যাকে একবার বরণ করে তখন সে সোনা হয়ে যায়—দুঃখবরণ ও ত্যাগের মধ্যে দিয়ে সে এগিয়ে চলে, কিছুতেই আর তাকে বাধা দিতে পারে না—তখন হয় সে অপরাজেয়, সমস্ত হৃন্দেব হঠাত, তখন সে তার শাস্ত্র দৃষ্টি ভঙ্গী দিয়ে সব জঞ্জাল আবজ্জনা দেখতে পায়, তাদের সত্যিকার কল্যাণের রূপে ; জগৎ তার কাছে মধুময় হয়ে যায়—কারো বিরুদ্ধে কোন অভিযোগ তার থাকে না । সেইজন্য সে বলেছে শ্রীকান্তকে গর্বভরে—‘তাদের ভবিষ্যৎ সম্মানগণ অভয়ার গভে জন্মগ্রহণ করাটাকে দুর্ভাগ্য বলিয়া মনে করিবে না, তাদের ‘মা হয়ে’—তাদের এই বিশ্বাসটুকু দিয়ে যেতে পারবো যে তারা সত্যের মধ্যে জন্মেছে, এবং এই সত্যের চাইতে বড় সম্বল সংসারে তাদের আর কিছু নেই ।’

## রাজলক্ষ্মী

শ্রীকান্তের দ্বিতীয় ভাগে ভবঘুরে শ্রীকান্তের জীবনে তার আবির্ভাব—তারপর তৃতীয় চতুর্থভাগে—সমানে চলেছে এই নারীকে কেন্দ্র করে,—ভবঘুরের জীবনের আকর্ষণ বিকর্ষণ : একবার শ্রীকান্ত ছুটে চলে যায়—পালাই পালাই কবে,—রাজলক্ষ্মীর কাছ থেকে, আবার ছুটে আসে—ঠিক স্বাভাবিক ঘটনা শ্রোতে নয়—ভবঘুরের জীবনের বিপরীত আবর্তনের মধ্যে দিয়ে শ্রোতের ফুলের মত । ঠিক এই বিপরীত আবর্তনের মধ্যে দিয়েই শিল্পী দেখিয়েছেন পিয়ারী বাইজীর জীবনে শ্রীকান্তের আবির্ভাব ! সে কথা আমরা বলেছি । রাজলক্ষ্মী শৈশবে একদিন ফুলের বদলে বৈঁচির মালা দিয়ে যাকে বরণ করেছিল তারপর, তার নিরুদ্দেশ জীবনের অজানা অনিশ্চিত যাত্রাপথে কোথায় হারিয়ে ফেলেছিল—তাকে, খোঁজেওনি, হয়তো বা তার কথা মনেও হয়নি, শিল্পীয় বিশেষত্ব এই খানেই, তার হ্রস্বছাড়া—নিরুদ্দিষ্ট যাত্রাপথে একদিন পিয়ারী বাইজী দেখা পাওয়া গেল । কোথায় ? কুমার সাহেবেব বিলাসের মধ্যে, ঐশ্বর্যের ভেতরে । পিয়ারী বাইজী তাহাকে দেখিল । দেখার সঙ্গে সঙ্গে তার অন্তরে বহুদিনের মৃত রাজলক্ষ্মী আবার মাথা নাড়া দিয়া উঠিল । তখন থেকেই শুরু হলো পিয়ারী বাইজীর জীবনে নতুন এক অধ্যায় । তখন থেকেই পিয়ারী বাইজীর অন্তরের রাজলক্ষ্মী শ্রীকান্তের ভালমন্দ—তার মঙ্গল অমঙ্গল

এক নিমেষেই তার নিজের হাতে তুলে নিল। আমরা সেটা দেখতে পাই—শ্রীকান্তকে অমাবস্কার রাতে শ্মশানে ষাবার সকল থেকে বিরত করবার আশ্রয় চেষ্ঠা ও তার মিনতি থেকে। প্রথম দেখাতেই তার অন্তরের রাজলক্ষ্মী বললে, যাওয়া বললেই যাওয়া? যাওতো দেখি! তোমার কিছু হলে কে তোমাকে দেখবে, আমি ছাড়া। শ্রীকান্ত অবশ্য শ্মশানে গেল, রাজলক্ষ্মীর কোন বাধা নিষেধই শুনলো না!

রাজলক্ষ্মীর শ্রীকান্তের প্রতি এই উৎকট আকর্ষণের হেতু মনে হয় গ্রীক পুরাণের একটি গল্প—Appollo flies and Daphne holds the chase এ্যাপলোদেব, দেবী ডফনীর প্রেম হতে দূরে পালিয়েছেন; আর ডফনী দেবী তাঁকে পেছু পেছু ভাড়া করে চলেছেন, তাঁকে ধরবার জন্ত।

বহুদিন না দেখা, একরকম ভুলে যাওয়াই—হঠাৎ তাকে দেখে তার প্রতি একরূপ আকর্ষণ ও অনুরাগ সম্ভব হতে পারে কি কার? সম্ভব হতে পারে! সেই জন্তই শিল্পী পিয়ারী বাইজীকে খাড়া করেছেন। নানা অবস্থার ফেরে—আজ রাজলক্ষ্মী পিয়ারীতে রূপান্তরিত হয়ে, রূপ ও ঐর্ষ্যের মধ্যে সাঁতার দিতেছে, অথচ দিনরাত বাহির থেকে পুরুষের উন্নত লালসা বাসনাকে ঠেকাইয়া রাখিতে রাখিতে সে হাঁফাইয়া উঠিয়াছে, সে আর তার বাইজী জীবনের সাথে খাপ খাইয়ে চলতে পারছে না, তার অন্তরের নারী পদে পদে বিদ্রোহ ঘোষণা করছে। তখন শ্রীকান্তকে দেখামাত্র তার

মনে হলো, এইতো আমার আশ্রয়, এইতো আমার রক্ষক। কিন্তু সমাজ তার পথে দুর্ভেদ্য প্রাচীরের ব্যবধান সৃষ্টি করে পথরোধ করে দাঁড়াল! রাজলক্ষ্মীর অস্তুর বিদ্রোহী, কিন্তু সে দুর্বল, অসহায়! কিরণময়ী বা অভয়ার মত সমাজের বিরুদ্ধে বিদ্রোহ করতে পারলো না, সমাজ ছাড়তেও পারছে না, অথচ থাকে সে চায়, যার মধ্যে তার এতদিনের তৃষিত নারী-জীবনের আশা, আকাঙ্ক্ষা কল্পনার বাস্তব রূপ নিয়েছে, তাহাকে একান্ত নিজের বলে পাচ্ছেও না। তাহার এই দ্বন্দ্ব, তাহার এই আত্মনিগ্রহ শিল্পী তৃতীয়, চতুর্থ পর্বের দেখিয়েছেন।

আরা থেকে শ্রীকান্তকে পাটনা আনবার পর শ্রীকান্ত ভাল হলো রাজলক্ষ্মী শ্রীকান্তের সাথে ঘনিষ্ঠভাবে মেলামেশা করতে সঙ্কোচ বোধ করছে; তার সৎ ছেলে বন্ধু কি ভাবে? তার বঞ্চিত ও ব্যর্থ জীবনের এই দ্বন্দ্ব, রূপ নিতে চাচ্ছে বন্ধুর মা হয়ে কাল্পনিক মাতৃদেহ—আওতায়।

শ্রীকান্ত চলে গেল রেঙ্গুনে, সেখানে শ্রীকান্তের জীবনে প্রধান আকর্ষণ অভয়া। অভয়ার কথা জেনে রাজলক্ষ্মীর বঞ্চিত নারী জীবন শ্রদ্ধায় তার কাছে মাথা নোয়ালে এই ভেবে যে, হাঁ, এর বেজ আছে বটে, এ নিজের পথ করে নিয়েছে, তার সাথে সাথে তার নিজের অস্তুরও দুঃখে ভরে গেল—কই আমি তো পারছি না?

তারপর নানা আকর্ষণ বিকর্ষণের মধ্যে দিয়ে চলছে পাওয়া না পাওয়ার চেষ্টা ও ব্যর্থতা, রাজলক্ষ্মী ও শ্রীকান্তের দু'জনের

দিক থেকেই। ভবঘুরে শ্রীকান্ত রেশ্মন থেকে এসে একান্ত ক্লান্ত হয়েই রাজলক্ষীর কাছে আত্মসমর্পণ করলে। অথচ এব আগেই যেদিন শ্রীকান্ত রাজলক্ষীকে জিজ্ঞাসা করেছিল—লক্ষ্মী! কি হলে তুমি সুখী হও?

রাজলক্ষী বলেছিল—“আমার টাকাকড়ি, ঐশ্বর্য্য সব যদি চলে যায়, আমি যদি নিঃস্ব পথের ভিখারী হই, তাহলে আমি সুখী হই।” এই কথাই অস্তুরালে আমরা রাজলক্ষীর মধো দেবদাসের চন্দ্রমুখীর ছায়া দেখতে পাই। রাজলক্ষী বুঝেছিল তার অতীতের পিয়ারী বাইজীই শ্রীকান্তের সাথে মিলনের একমাত্র বাধা। অতএব যদি চন্দ্রমুখীর মত রিক্ত হয়ে শ্রীকান্তের কাছে দাঁড়ান যায়, তাহলে শ্রীকান্ত কি তাহাকে দূরে রাখতে পারবে? সে ধরা দিবেই। কিন্তু সে চন্দ্রমুখীর মত রিক্ত হতে পারলো না, তার অস্তুরে ছিল ঐশ্বর্য্যের মোহ, সে অশু পথ বেছে নিল—যাকে বলি আমরা আত্মশুদ্ধি ও ত্যাগ।

ক্লান্ত ভবঘুরে শ্রীকান্তকে নিয়ে নিভূতে একান্ত করে পাবার লোভে, সে তার পিয়ারী জীবনের স্মৃতি পাটন'র বাড়িঘর সব দান করলো তার সৎ ছেলে বন্ধুকে, তারপর বারভূম জেলার নিভূত কোণে এক পাড়ারগায়ে—যেখানে সমাজ হচ্ছে, আমরা যাদের ছোটলোক বলি, সেই ডোম, বাউরী, তাদের মধো এসে বাস করবার জন্ম চলে এলো।

রাজলক্ষীর মনের মোড ফিরবার মুখে—তার জীবনে এসে পড়লো আর এক ভবঘুরের স্পর্শ, সে হচ্ছে যুবক সন্ন্যাসী



আনন্দের সঙ্গ। এর উপমা দিতে হলে বলতে হয়—ঠিক কমলের সাথে রাজেনের দেখার মতই।

রাজলক্ষ্মী তখন সারা দুনিয়াটা, যেটা তার অতীত জীবন, নিজের মধ্যে গুটিকে নিয়ে তাদের সংস্রব শূন্য করে আত্মস্থ হয়ে নিজকে বোঝবার চেষ্টা করছে, বাহিরের আবহাওয়া ও ব্যথা বেদনা নিয়ে এলো তার সামনে এই তরুণ ভবঘুরে সন্ন্যাসী। সে দেখালে বাহিরের দুনিয়ার সাথে সংস্রব বর্জন করলে প্রেমের সার্থকতা নেই, এই নেতিবাচক জীবন ব্যর্থতারই নামান্তর। তবুও রাজলক্ষ্মীর মন বুঝলো না, সে সুনন্দাকে পেয়ে—তার কাছ থেকে ব্রত, নিয়ম, পূজা, উপবাসে আপনাকে বিলিয়ে দিয়ে তার পিয়ারী জীবনের কথা ভুলতে চাইলে। তারফল হলো শ্রীকান্তের উপর অজানিতে অবহেলা, সে পড়ে রইলো একপাশে অনাদৃত হয়ে, রাজলক্ষ্মীর বর্তমান জীবনের ধারার সাথে যার কোন মিল নেই। ভবঘুরে আবার বেরিয়ে পড়লো, ঘুরতে ঘুরতে এসে গেল তার নিজগ্রামে এবং অপ্রত্যাশিত ভাবে তার ঘাড়ে গছানোর চেষ্টা করলেন তাঁর খুড়ো খুড়ীমা এক যুবতা অনুচা, কণ্ঠা পুট্টকে!

ভবঘুরে এবার বিপদে পড়লো। খুড়ো খুড়ীমা কেবল কাঁদাকাটি করেই নিরস্ত হলেন না, পাড়ার লোক জুটিয়ে অনুরোধ উপরোধ করে পুট্টর সাথে শ্রীকান্তের বিয়ে একরকম ঠিকই করে ফেললেন। তিনি রাজীও হলেন নিরুপায় হয়ে কারণ এই লোকটি ভেতরে ভেতরে ছিলেন একান্ত অসহায়।



তবে তিনি বললেন, আমার একজনের মত নেওয়া দরকার।

তখন রাজলক্ষ্মী কাশীতে তাঁর গুরুদেবের কাছে। মাথার চুল ছোট করে চেঁটেছেন, পূজা জপ তপে নিজেকে একেবারে ডুবিয়ে দিয়াছেন, যে শ্রীকান্ত আবার রেঙ্গুন যাবে বলে দেখা করতে গিয়ে বাহিরের ঘরে বসে—নিতান্ত অপরিচিতের মত খেয়ে চলে আসতে হয়েছিল; কেউ কাকে চিনলে না অস্তব দিয়ে। শ্রীকান্ত সব কথা খুলে রাজলক্ষ্মীকে লিখলে। এইবার রাজলক্ষ্মীর চৈতন্য হলো। তার অবচেতন মন, তাঁর নিজের গড়া সব বাধা নিষেধ মুহূর্তে গা ঝাড়া দিয়ে ফেলে দিল; আত্মশুদ্ধ পূণ্য'নরতা পিারীর মধ্যে জেগে উঠল সেই আগের দিনের শাশ্বত কুমারী নারী, যাকে এই সব বাইরের আবজ্জনা দিয়ে সে গলা টিপে মেরে ফেলতে চেয়ে ছিল এতদিন। সে সহঁতে পারলে না যে তার শ্রীকান্ত অগের হবে। যদি শ্রীকান্ত চলে যায় তবে তার রইল কি? শ্রীকান্তের চিঠির জবাবে সে লিখল, 'যদি কখনো অস্থখে পড়ো দেখবে কে—পুঁটু? আর আমি ফিরে আসবো তোমার বাড়ীর বাইরে থেকে চাকরের মুখে খবর নিয়ে? তারপরও বেঁচে থাকতে বলা নাকি?'

তারপর রাজলক্ষ্মী লিখলে "ভেবেছো বুঝি হঠাৎ তোমাকে আমি কুড়িয়ে পেয়ে'ছলুম? কুড়িয়ে তোমাকে পাইনি, পেয়ে'ছিলুম অনেক আরাধনায়। তাই বিদায় দেবার কর্ত্তা তুমি নও, আমাকে ত্যাগ করার মালিকানা স্বহাধিকার তোমার

হাতে নাই।” তার সকল গর্ব অহঙ্কার এক মুহূর্তে ধুলোয় মিশে গেল। সে চলে এলো নিজের কলকাতায় শ্রীকান্তের কাছে।

রাজলক্ষ্মী বললে, ‘ভেবেছিলুম জলের ধারা গেছে কাদায় বুলিয়ে, তাকে নির্মূল আমাকে করতেই হবে। কিন্তু আজ যদি তার উৎস শুকিয়ে যায়, তবে যাকনা আমার জপ, তপ, পূজা, অর্চনা, থাকলো সুনন্দা, থাকলেন গুরুদেব।’

পুঁটার বিয়ের টাকা শ্রীকান্ত দিতে চেয়েছিল জরিমানা হিসাবে, তার সংখ্যা কম নয়, আড়াই হাজার। পরে তাঁর বাকচাতুর্যে বরের বাপকে বশ মানিয়ে আর সেটা দিতে হয়নি, তবে পুঁটার বিয়েতে গিয়ে ভবঘুরে আবার দেখা পেল, কমললতার সাথে মুরারিপুরের আখড়ায়, সে কথা আমরা পরে বলবো।

এইবার রাজলক্ষ্মী নিঃশেষে শ্রীকান্তের কাছে আত্মসমর্পণ করলে, যে শ্রীকান্ত একদিন রাজলক্ষ্মীকে বলেছিল লক্ষ্মী! আমি তোমার জন্য সব ত্যাগ করতে পারি, কেবল পারি না আত্মসম্মান। আজ শ্রীকান্তের আত্মসম্মান কোথায় রইল, এই নারীর একনিষ্ঠ প্রেমের আত্মসমর্পণের কাছে? শ্রীকান্তকে—স্বামী ভাবে পেয়ে রাজলক্ষ্মী বলছে “বাড়ী এসে আঁহিকে বসলুম, দেখতে পেলুম তুমি কেবল একাই ফিরে আসনি, সঙ্গে ফিরে এসেছে—আমার পূজার মন্ত্র, এসেছেন আমার ইস্টদেবতা, গুরুদেব—এসেছে আমার শ্রাবণের মেঘ। আজও চোখ দিয়ে

জল পড়তে লাগলো, কিন্তু সে আমার রক্ত নেঙড়ানো অশ্রু নয়, আমার আনন্দের উপচে ওঠা ঝরণার ধারা—আমার সকল দিক ভিজিয়ে দিয়ে, ভাসিয়ে দিয়ে বয়ে গেল।”

এখন প্রশ্ন হচ্ছে এই রাজলক্ষ্মী কে ? তাঁর বিবাহিতা স্ত্রী,— লক্ষ্মী বলেই যাকে তিনি আদর করে ডাকতেন। একদিনের ছোট একটি ঘটনা হতে—এই সত্য সেদিন আমি আবিষ্কার করি। সেদিন যদিও শ্রাবণের মেঘ আমার চোখের কোণে সজল কাজল পরায় নি, সেদিনকার সমস্ত আকাশ বসন্তের রামধনুর রঙে, আমার চোখে বর্ণের সুষমায় ছেয়ে গিয়েছিল—আর শ্রদ্ধায় মাথা অগ্নি নুয়ে পড়েছিল—এই আশ্চর্য শিল্পীর পায়ে—যিনি জীবনের প্রতিরস অনুপরমাণু দিয়ে নিঙড়ে নিঙড়ে অমৃতের সন্ধান পেয়েছিলেন ও সেই অমৃত রস আশ্বাদ করে—নিজেও মৃত্যু জয় করেছিলেন আর সকলকেও অমৃতের সন্ধান দিয়ে গেছেন ;—উপনিষদের ভাষায় সেই আশ্চর্য্য কুশলী বক্তা অমৃতের পুত্র ছাড়া এ অমৃত রসের সন্ধান কেউ পায় না।

‘পথের দাবী’ লেখা চলছিল—বাক্সে শিবপুরের বাড়িতে, পাণ্ডুলিপি থাকতো—তাঁর হাত টেবিলের উপরই। সেই পাণ্ডুলিপি পড়বার অধিকার তিনি আমাকে দিয়েছিলেন। তাছাড়া আমাদের ছুশ্চিন্তায় ঘুম হতো না—তখন ভারতীকে তিনি কি করবেন—অপূর্বের সাথে বিয়ে দেবেন কিনা ? এই জন্মই পথের দাবীর পাণ্ডুলিপির প্রতি ঝাঁক ছিল—, তানাহলে সব্যসাচীর কি পরিণাম হবে তা’ নিয়ে আমরা মাথাঘামাতাম না,—

সে বিষয় আমরা একরূপ নিশ্চিন্ত ছিলাম, সব্যসাচীর একটা কিছু হবেই, হয় ফাঁসী, না হয়, পালিয়ে যাবে।

এই রকম একদিন পথের দাবীর পাণ্ডুলিপির পাণ্ডা ওলটাতে ওলটাতে দেখি ইংরেজিতে যাকে বলে scribbling ঠাঁকান, হিজিগিজি, তবে গোটা গোটা অক্ষরে লেখা “রাজলক্ষ্মী যদি ছাড়িয়া যায়, তবে জীবনের রহিল কি?”

আব যায় কোথা? আমার মনে হলে—Eureka! পেয়েছি! পেয়েছি! অমৃত রসের সন্ধান। দাদাকে দেখাতেই—তিনি রেগে, অবিশ্য ক্রিম ব'গ—, আমার হাত থেকে টানদিয়ে পাণ্ডুলিপি কেড়ে নিলেন—ও কড়া লুকুমে আদেশ দিলেন—তুমি আর পাণ্ডুলিপি পড়তে পারবে না। হলোই তাই, তাৎপর থেকে তিনি পাণ্ডুলিপি দেবাজে বন্ধ করে রাখতেন! তিনি তাঁকে বিয়ে করেছিলেন শৈশবমতে। যেদিন সেই কথা তাঁর মুখে শুনলাম আমার সব অমৃতের সন্ধান গিধিয়ে গেল, নিজের অলক্ষ্যে চোখ দিয়ে টস্ টস্ করে ক' ফোঁটা জল ঝর পড়লো। আমি স্পষ্টই বললাম, এত বড় ভালবাসাকে আপনি বিয়ে করে অমর্যাদা করলেন? যেটা ছিল শ্রোতের জল, স্বচ্ছ পুণ্যতোয়া—ভাগিরথী, আজ সেটাকে বাঁধ দিয়ে করলেন একটা পুকুর, খানা, ডোবা! তিনি কিছুকণ নীরব থেকে বললেন, এছাড়া উপায় ছিল না, তাহাড়া ও ছাড়ল না।

এতদিনে আমার সম্বন্ধে ফিরে এলো, তখন বুঝি, না জেনে দাদার মনে আমি কী আঘাতই না দিয়েছি, এখন

বুঝেছি—রাজলক্ষ্মী স্বামী চেয়েছিল—সে প্রেমিক চায় নি।  
গৌরীর মত তপস্যা করেই সে এই ভববুবে স্বামী লাভ করে-  
ছিল—রাজলক্ষ্মীর জীবনের পূর্ণতা—স্বামী স্বার প্রেম। এ অমৃত  
সকলের ভাগ্যে জোটে না।

এই শ্রীকান্ত নিয়ে মাঝখানে গুজব উঠলো—  
দাদা নোবেল প্রাইজ পাবার জন্য ক্লেপে গেছেন ও  
সেজন্য দস্তবমত তরিক সুক কবেছেন। তাঁর অনেক বই-ই  
অন্য ভাষায় তর্জমা হয়েছে—হিন্দী, গুজরাটী ইত্যাদি। এখানি  
তর্জমা কববার জন্য তিনি নাকি ডাঃ কানাই গাঙ্গুলীকে ভাব  
দিয়েছেন। তখনও দ্বিতীয় মহাযুদ্ধ লাগেনি। ডাঃ কানাই  
গাঙ্গুলী বিদ্বান, সুপুরুষ, —চেহারা এত সুন্দর যে প্রথম দেখায়  
নেতাজী বলে ভ্রম হয়, সেই প্রশস্ত কপাল, মাথায় টাক, উন্নত,  
নাসা, দুধে আলতা গায়ের রং। এতো গেল তাঁর বাইরের কথা।  
তাঁর ভেতরের কথা, তিনি বিপ্লবী, তিনি জার্মানিতে বিস্ফোরক  
পদার্থ বিজ্ঞান (Explosives) অনুশীলন কবে ডক্টরেট  
উপাধি লাভ করেছেন। এই বিস্ফোরক সম্বন্ধে জ্ঞান ভারতে  
খুব কম লোকেরই আছে—অর্থাৎ Explosives অনুশীলনের  
ডক্টরেট বোধ হয় আর কেউ নেই। এর উপর তিনি ছিলেন  
হিট্‌লারের অস্তুরঙ্গ সুহৃদ। মিউনিক বিপ্লবের সময় ডাঃ কানাই  
গাঙ্গুলী জার্মানিতে ছিলেন, একটানা সাত আট বৎসর। তাঁর কাছে  
হিট্‌লারের নিজ হাতে লেখা বহু চিঠি দেখেছি, তিনি আমাদের  
অনুরোধে—মাঝে মাঝে তর্জমা করে শোনাতে, আর তাঁর

কাছে হিটলারের গল্প শুনতুম। তাঁর সাথে হিটলার চক্রের অন্য রথীগণেরও আলাপ ছিল,—তাঁকেই ভারতীয়দের মধ্যে প্রথমে জার্মানীতে মেসিনগান ও অন্যান্য মানুষ মারা-যান্ত্রিক কলকজার ব্যবহার শিখতে দেওয়া হয়—হাতে কলমে। তা ছাড়া ডাঃ কানাই গাঙ্গুলী বহুভাষা জানতেন; জার্মেণ, ফ্রেঞ্চ ইটালিয়ন ইত্যাদি। তিনি শ্রীকান্তের ইটালী—ভাষায় (Italian) তর্জমা করেন। এই ডক্টর কানাই গাঙ্গুলীকে মুরুব্বী ধরে, তাঁকে নাকি খরচপত্র দিয়ে দাদা জার্মেণী পাঠিয়েছেন;—তিনি হিটলারকে দিয়ে তদ্বির করিয়ে যাতে নোবেল প্রাইজ পান এই জন্মে।

শ্রীকান্তের থেকে দরে অনেক ছোট বই অবিশিষ্ট নোবেল প্রাইজ পেয়েছেন; শ্রীকান্ত নোবেল প্রাইজ পেলে আশ্চর্য হবার কিছু নেই কিন্তু ঘটনাটা জানি কি করে? আমি তখন বাঙলা ছেড়ে দূরে—কাশীতে। ১৯৪০-৪১ সালে কাশীতে ডক্টরের সাথে হঠাৎ আমার দেখা। আমি ডক্টর গাঙ্গুলীকে এই কথা জিজ্ঞাসা করি। তিনি বলবেন—জার্মেণীতে—তিনি নিজেই গিয়েছিলেন—এবং জার্মেণ ভাষায় শ্রীকান্ত অনুবাদও করেছিলেন—কিন্তু অনুবাদে মূল বইয়ের ভাব রক্ষা করা যায়নি বলে সে অনুবাদ প্রকাশিত হয়নি। তাঁরই কাছে শুনলাম শ্রীকান্তের ইটালিয়ান অনুবাদ তিনিই করেছিলেন ও ইটালীতে চলছে।

এ.হন গুণী লোক, তখনকার দিনে ব্রিটিশ রাজত্বে—

কলিকাতা বিশ্ববিদ্যালয়ে জার্মান ভাষার অধ্যাপনা করতেন,—  
তার বিশ্ফোরক পদার্থ বিদ্যার জ্ঞানের জগৎ তাঁকে পুলিশের  
জুলুম কম সহিতে হয়নি। ডক্টর কানাই গাঙ্গুলী দাদার  
অকৃত্রিম মুহূদ ও অনুরক্ত ভক্ত ছিলেন।

### কমললতা

এই ভবঘুরে ছন্নছাড়া জীবনের শেষ সময়ে অপ্রত্যাশিত  
ভাবে জুটে গেল শ্রীকান্তের জীবনে কমললতার দেখা। কমল-  
লতার সাথে শ্রীকান্তের প্রথম সাক্ষাৎ মুবারিপুরের আখড়ায়।  
শ্রীকান্তকে তাব সন্মান দিয়েছিল—নবীন, তাঁহার বালক কালের  
বন্ধু কবি-দরদী গহরের ভৃত্য নবীন। নবীন শ্রীকান্তকে সাবধান  
করে দিয়েছিল—কমল দেখতে ভাল—ভাল গান করে, তার  
প্রভুকে সে গুণ করেছে—তিনি আখড়ার জগৎ টাকা খরচ  
করছেন অকাতরে, তার অসাধ্য কিছু নেই—সাবধানে যাবেন যেন  
কমললতার ফাদে পা না দেন। এই নেডানেডীদের ব্যবসাই  
হচ্ছে লোক ঠকিয়ে পয়সা নেওয়া!

এই কমললতা কে?—

তার অতীত জীবনের কথা শ্রীকান্তের সাথে একদিনের  
পরিচয়ে সে অকুণ্ঠে বলেছিল—যে বিধবা হয়ে সে সন্তানবতা  
হয়—সে তার বাপের গদার এক কর্মচারীকেই তার অনাগত  
সন্তানের পিতা বলে স্বীকার করায়।

তার বাপের টাকা ছিল—দশ হাজার টাকায় দিয়ে এই  
নারীর অনাগত সন্তানের পিতৃহের পরিচয় দিতে তার বাবা ঐ



লোকটিকে স্বীকার করায় ও তাদের কণ্ঠবদল করে বিয়ে দেয়। কিন্তু এই লোকটি এই কণ্ঠবদলের সময় মুসড়ে আরো দশ-হাজার টাকা আদায় করলে এই বলে, যে অগ্নের সন্তানের পিতা হওয়া সহজ কথা নয়, কমললতাব এ সন্তানের পিতা হচ্ছে তার ভাইপো যতীন। এই ঘটনাকে কমললতা আপনাব ভাইয়ের মত ভালবাসতো। যতীন আত্মহত্যা করে এই নিদাকণ মিথ্যা কলঙ্ক ও অপমানের হাত থেকে বাঁচল। সে একদিন কমললতাকে আত্মহত্যা থেকে বিব্রত করেছিল— আজ সে নিজে মরে কমললতার সব গ্লানি মুছে দিয়ে গেল। কমললতার বুকে যতীনের এইভাবে মৃত্যু খুব বাজে। যেজন্য এত ভোডজোড়, তার হলো এক মৃত সন্তান, সে এই গ্রানিকর কণ্ঠবদল বিয়ে থেকে তাকে মুক্তি দিয়ে গেল; এই পশুব হাত থেকে বাঁচবার জন্য সে চলে গেল বৃন্দাবন। সেখান থেকে দ্বারিকাদাস তাঁকে নিয়ে আসেন মুরারিপুরের আখড়ায়। এই তার অতীতের লাঞ্চিত জীবনের ইতিহাস। সে শ্রীকান্তকে প্রথম দেখেই ভালবেসেছিল ও গহরের মুখে তার বন্ধু “শ্রীকান্ত” নাম শুনে সে আঁকে উঠেছিল, তার মৃত স্বামীর নাম ছিল শ্রীকান্ত। তাই সে শ্রীকান্ত কে বলছে ও নাম আমার মুখে আনতে নেই।

শ্রীকান্ত তার অনুভূতি দিয়ে কমললতাকে দেখেছিল—এই ভাবে, নিজের মুখেই সে কথা তিনি বলে গেছেন—“ওর জীবনটা



যেন প্রাচীন কবিচিত্তের অশ্রু জলের গান। ওর ছন্দের মিল নাই, ব্যাকরণে ভুল আছে, ভাষার ক্রম অনেক, কিন্তু ওর বিচার তো সে দিক দিয়ে নয়। ও যেন তাদের দেওয়া কীর্তনের সুর, মর্মে যার পশে সেই শুধু তার খবর পায়। ও যেন গোধূলি আকাশে লাল রক্তের ছবি। ওর নাম নাই, সংজ্ঞা নাই, কলা শাস্ত্রের সূত্র মিলাইয়া ওর পরিচয় দিতে যাওয়া ওর বিড়ম্বনা।”

পরে শিল্পী তাহার সম্বন্ধে বলছেন, “সকলের আড়ালে থাকিয়া মঠের সমস্ত গুরুভারই কমললতা একাকী বহন করে। তাহার কর্তৃত্ব সকল ব্যবস্থায় সকলের পরেই। কিন্তু স্নেহে, মৌজন্মে ও সর্বোপরি কর্মকুশলতায় এই কর্তৃত্ব এমন সহজ শৃঙ্খলায় প্রবাহমান যে, কোথাও টীসা বিদ্বেষের এতটুকু আবর্জনা জমিতে পায় না।” শরৎ চন্দ্রের সৃষ্ট নারী চরিত্রের মধ্যে কমললতার মধ্যে নারীর এক নতুন রূপ আমরা দেখি। আমরা দেখি সংসারে এদের অবলম্বন করবার মত কিছুই নেই। ইহারা নিঃশেষে জীবনের যত গ্লানি, যত মিন্দা, নীববে হুঙ্কম করে পা বাড়িয়েছে, তাদের স্নেহ মমতা উজাড় করে অণুর সেবায় ও পরিচর্যায়। জীবনের প্রশ্নে ইহাদের স্থান অনেক উচ্চ। কল্পনায় ইহারা নিজকে ভগবানের চরণে গ্রাস-নিবেদন করে’ দাসীভাবে তাঁহার ভজনা করছে—জনসেবার মধ্যে দিয়ে। ইহারা রক্তমাংসে গড়া, ইহাদের অনুভূতি অতি চেতনশীল, ইহারা ভালবাসিতে জানে কিন্তু কোন প্রতিদান চায় না। আপন, চলার পথে ইহারা যাহাকে পায় তাহাকে নিজের সাথে জড়ায়,

অন্যের গাতিপথে দলিত ও মথিত হয়ে যায় নিঃশেষে, তবুও এদের প্রাণের সঞ্জাবনী বসে তাদের অভিযুক্ত করে, নিজেকে নিঃশেষে দান করে, বাস্তব জীবনে যা খেয়ে। শ্রীকান্তকে ভাল বেসেছিল, বেশ সহজ করেই সে শ্রীকান্তকে বললে, “সবে কাল সন্ধ্যায় তো তুমি এসেছ, কিন্তু আজ আমার চেয়ে বেশী সংসারে তোমাকে কেউ ভালবাসে না।” শ্রীকান্ত সেদিন মনে করেছিলেন—তার নামের সাথে তার মৃত স্বামীর মিলটাই এই বিপত্তির কারণ। পরে শ্রীকান্ত তার ভুল বুঝেছিল ও শ্রীকান্ত নিজেই কমললতাকে ভালবেসেছিল।

পুঁটুর বিয়েব দোর আছে, গহরের বাড়ি গিয়ে নবানের কাছে এই আখড়ার কথা শুনে ভবঘুরের আনিশ্চিত বাত্রা পথে নতুন বিস্ময় এলো—কমললতা, বৈষ্ণবের আখড়া ও তার অধ্যক্ষ দ্বারিকাদাস বাবাজী। কমললতা জীবনে যা খেয়ে আশ্রয় নিরেছিল—সেবারতে, তার যত কামনা বাসনা সে ভুলে দিয়েছিল বৈষ্ণবের কল্পনার প্রেমে ঠাকুর বিগ্রহ-মূর্তির হাতে, যাকে তাবা জীবন্ত বলেই জানতো। এ প্রেমে প্রতিদান চাওয়া নেই বা চায় না, কেবল ভালবাসা—নিজকে নিঃশেষ করে, কল্পনার এই প্রেমে নিজেকে ভুলেছিল মীরাবাই ও আরো অনেকে। কিন্তু বাস্তবকে ঠেকান দায়; কবি ও ফকার গহর কমললতাকে ভালবেসে ফেললো। কমললতাও বুঝলো দ্বারিকাদাস বাবাজীও বুঝলেন। কমললতা দেখলে এখানে আর নয়—পালাতে হবে, তার মন দুর্বল, তাছাড়া গহরের

অতবড় আত্মদান সে ঠেকাবেই বা কি করে ? শ্রীকান্তের সাথে সে পালাতে চাইলো তার কল্পনার বৃন্দাবনে, সেটা হলো না। গহরও নিজকে বুঝেছিল যে যাকে সে মনে প্রাণে ভালবাসে তাকে সে পেতে পারে না, হয়তো বা পেতেও সে চায় না তাকে, সে কবি—তার উপর সে ভাবুক, সে নিজেই সরে পড়লো, খবর পেয়ে যে তার বোনের বাড়ির দেশে, কী এক নতুন আমদানী মহামারীতে দেশ উজাড় হয়ে যাচ্ছে, তাদের সেবা করতে।

শ্রীকান্তের জীবনের মাত্র দশদিন ; এই দশদিনেই তার গাটা অতীত জীবন তোলপাড় করে দিলে কমললতা। সে ছুটে পালালো রাজলক্ষ্মীর আশ্রয়ে। রাজলক্ষ্মী বুদ্ধিমতী, সে আব কাল বিলম্ব না করে নিজেই এলো কমললতার কাছে। রাজলক্ষ্মীর কথা কমল শুনেছিল। শ্রীকান্ত নিজ মুখেই তাদের দু'জনের কথা বলেছেন—“দিশাহারা মন সান্ত্বনার আশায় রাজলক্ষ্মীর দিকে ফিবিয়া চায়। আব অন্য দিকে দেখি সকলের শুভ চিন্তায় আবিশ্রাম কর্ত্তে নিযুক্ত—কল্যাণ যেন দুই হাতের দশ আঙুল দিয়া ঝরিয়া পড়িতেছে।” রাজলক্ষ্মীর জীবনে এব অভাব ছিল ; এই জগৎ সে শ্রীকান্তকে পেয়েও তার হারাই হাবাই ভাব ঘোচাতে পারে নি। রাজলক্ষ্মীও এবার তার ভুল বুঝলো ও নিজে সে কমলতার ছোট বোন হয়ে শ্রীকান্তকে কমললতার কাছ থেকে তাঁর অপার স্নেহ ও করুণার দান আশার্ক্বাদ বলে সে যেচে নিল।

এই কথাই শিল্পী চন্দ্রমুখীর মুখ দিয়ে একদিন বলেছিলেন—  
“শুধু অস্তুরে ভালবেসেও যে কত সুখ, কত তৃপ্তি, যে টের পায়  
সে নিরর্থক সংসারের মাঝে দুঃখ অশান্তি আনতে চায় না।”

শ্রীকান্ত কমললতা সম্বন্ধে নিজেই বলেছেন—“ওর কাছে  
আছে আমার মুক্তি; আছে আমার মর্যাদা, আছে আমার  
নিশ্বাস ফেলিবার অবকাশ।”

শ্রীকান্ত সাইতিয়া স্টেশনে নেমে কমললতাকে বিদায় দিয়ে  
প্লাটফর্মে কেরোসিনের ল্যাম্প পোষ্টের অস্পষ্ট আলোছায়ার  
আবছায়াতে জানলার ধারে বসে রক্তা নারীর বিদায় বেলায়  
চোখের জল দেখতে পান নি, তবে রেলের চাকার বিচিত্র ঘর্ষ  
শব্দে শুনতে পেলেন তার বুক ফাটা চাপা কান্নার প্রতিধ্বনি,  
তার নিজের বুক হৃৎপিণ্ডের রক্ত চলাচলের স্পন্দনে। আজ  
ভবঘুরে শ্রীকান্তের চলার পথ শেষ হলো—শুরু হলো—আর  
একটি ভবঘুরে নারীর অনিশ্চিত পথে যাত্রা—সে পথ আর  
কোন দিনও শেষ হবে না। এই ভবঘুরে তিনি নিজে। আন্ত-  
র্জাতিক সাহিত্যেও এরকম বই খুব কমই দেখতে পাওয়া  
যায়, মানবের জয়যাত্রার অভিযান, হয় তো সেটা ব্যর্থতার করুণ  
কাহিনী, তবুও চলা, যার পদে পদে বিস্ময় ওত পেতে  
বসে আছে, যার গতি অব্যাহত, হয় তো বা কখনও মন্ত্র  
শ্লথ তবু সে চলেছে এগিয়ে। এইটেই জীবন প্রশ্ন, সর্ব-  
কালে ও সকলের। নয় কি? শিল্পী তা দেখিয়েছে।

## রাজনীতিতে শরৎচন্দ্র

তাঁর রাজনীতির সংশ্রবের কথা বলতে গেলেই, বলতে হয় তাঁর দেশবন্ধুর সাথে সংশ্রবের কথা। সাল মনে নেই, সেটা হচ্ছে দেশবন্ধুর 'নারায়ণ' কাগজের যুগ ; তখন তিনি দেশবন্ধু হন নি, ব্যারিটার চিত্তরঞ্জন। বাপের দেনা ঘাড়ে নিয়ে তিনি দেউলে বলে নাম লেখান, পরে যখন অজস্র টাকা রোজকার করতে লাগলেন, আদালতে দরখাস্ত দিয়ে সব দেনার পাই পয়সা শোধ করে দিলেন। 'নারায়ণ' যুগের একটু ইতিহাস আছে। চিত্তরঞ্জন কবি, তিনি সাগর-সঙ্গীত লিখেছেন, তিনি বৈষ্ণব পদাবলী লিখেছেন, তিনি ভাবুক, তিনি প্রেমিক, তিনি দরদা। তাঁর 'নারায়ণ'কে উপলক্ষ্য করে ছোটো দল হয়ে গেল এই সময়। দলের লোকেরা যা' চিরদিন করে এসেছে, কবি রবীন্দ্রনাথের সাথে সাহিত্য ক্ষেত্রে একটা বিবাদ বাধিয়ে তুললে তাঁর। দলের কাজ, দলে করল, কিন্তু সাহিত্যে তার অপূর্বি ছাপ রয়ে গেল। ওপক্ষ থেকে শিল্পীগুরু অবনীন্দ্রনাথ আঁকতেন ক'টুন—নক্সা, এদিক থেকেও, কবিতা, ছবি, গল্প, সাহিত্যে সে এক সমারোহ ব্যাপার ! অথচ কোন পক্ষ থেকেই শ্লীলতা বা শালীনতার সীমা লঙ্ঘন করতো না।

এই সময় চিত্তরঞ্জন শরৎদাকে ডেকে নিয়ে বললেন আপনাকে 'নারায়ণে' লিখতে হবে, এই কথা বলে তাঁর সামনে

একখানি খোলা চেক বই রেখে বসলেন—“আপনার যে অঙ্ক ইচ্ছে হয় বসিয়ে নিন।”

শরৎদা আর করেন কি? এক হাজার টাকা চেকে বসিয়ে দিলেন। তাই দেখে চিত্তরঞ্জন হেসে বললেন “মাত্র হাজার টাকা!” দেশবন্ধু শিল্পী ও লেখকের মর্যাদা এই ভাবে দিতেন। এই গেল তাঁর দেশবন্ধুর সাথে সাহিত্য সেবার ইতিহাস। তিনি নারায়ণে যে সব প্রবন্ধ বা গল্প লিখেছিলেন, সেগুলোর কথা আমার মনে নেই, কিন্তু একথা আমি জানি, সেগুলো আর সংগ্রহ করা হয় নি। সেগুলো সংগ্রহ থাকলে সাহিত্যে অমূল্য সম্পদ হতো।

১৯২১ সালে অসহযোগ আন্দোলন শুরু হলে শরৎদা কংগ্রেসে যোগ দিলেন। হাবড়া জেলা কংগ্রেস কমিটির তিনি সভাপতি হলেন ও কংগ্রেসের গঠনমূলক কাজে তিনি সারা হাবড়া জেলা ঘুরে বেড়াতে লাগলেন। শরৎদা চরকায় সূতো কাটতে লাগলেন ও চরকা বিলোতে লাগলেন। নাওয়া খাবার সময়ের ঠিক কোন দিনই তাঁর ছিল না; এইবার কংগ্রেসের কাজে যোগ দিয়ে, তিনি অনিয়মের আস্ত ডিপো হয়ে উঠলেন। ছপুরের খাওয়া হতো তাঁর রাতে, কোন দিন খাওয়াই হতো না। কংগ্রেসের কাজ সমানে চালাচ্ছেন তিনি। এইভাবে বছর তিনেক গেল—তাঁর একদিকে দেশ-বন্ধু—অন্যদিকে সুভাষাবাবু, আর তাঁকে ঘিরে অসংখ্য কংগ্রেস কর্মীর দল। দাদা এখন বঙ্গীয় প্রাদেশিক ও নিখিল ভারত

রাষ্ট্রীয় সমিতির সভ্য। এইভাবে তাঁর দিন রাত যায়। যে লোক ছিল—কোনো লাজুক, তিনি হয়ে উঠলেন মুখর ও সর্ব সাধারণের।

এলো সিরাজগঞ্জ কনফারেন্স, দাদাকে যেতেই হবে, দেশবন্ধু তাঁকে ধরে বসলেন। কী আর করেন তিনি চললেন। দেশবন্ধু চলেছেন তাঁর সান্নিধ্য নিয়ে—সুভাষবাবু বোধ হয় যাননি। সালটা ১৯২২-২৩ হবে, জ্যৈষ্ঠ মাস দাদা দিলীপকে সঙ্গে নিলেন। দারুণ গরম—দাদা দিনের মধ্যে তিনবার স্নান করছেন, তাঁর জন্য দেশবন্ধু বিশেষ বন্দোবস্ত করতে চেয়েছিলেন, তাঁকে সিরাজগঞ্জের কোন সম্ভ্রান্ত ভদ্রলোকের বাড়িতে রেখে—দাদা সে প্রস্তাব প্রত্যাখ্যান করলেন। সকলের সঙ্গে সাধারণ হয়ে থাকলেন।

ওখানকার কোন বড় ধনী মহাজন এসে প্রস্তাব করলেন দেশবন্ধুর কাছে, তাঁর বাড়ি ভাড়া না খেলে—অবশি বামুন হওয়া চাই, অস্পৃশ্যতা বর্জন মিথ্যে। এই ধনী মহাজন দেশবন্ধুর ও আমাদের এক বিশিষ্ট অনুরক্ত বন্ধুর আত্মীয়। তাঁরা জাতিতে জলসচল—নন।

দেশবন্ধু আমাদের তিন বামুনকে—দাদা, দিলীপ ও আমি, একেবারে রাড়ি বারেন্দ্র সমাজের, কি বলবা—সেরা তিনজন প্রতিনিধি করলেন, আমাদের খাবার নেমতন্ন তাঁর বাড়িতে। তিনি ভো পোলোয়া মাংস ও যতরকম ভাল ভাল খাবার হতে হয় তার জোগাড় করতে চাইলেন। আমরা বললুম



‘তা’ হবে না, ‘ষা’ আপনারা রোজ খান, আপনাদের মেয়েরা সেইটে রাখবেন, আমরা খাবো আপনাদের সাথে বসে। হলোও গাই; আমরা তিনজন বামুন খেলুম। আমি ছাড়বার পাত্র নই, খেয়ে বামুনের ভোজন, দক্ষিণা, যেটা আমাদের জন্মগত অধিকার, আদায় করে নিলুম তাঁর কাছ থেকে—নগদ পাঁচশত টাকা—সেটা তিনি দিলেন কংগ্রেস ফণ্ডে অস্পৃশ্য নিবারণের জন্য।

কিন্তু গরমে দাদা থাকতে পারলেন না—সেইদিন রাতেই দিল্লীপকে নিয়ে কলকাতায় এলেন।

সুভাষবাবু জেদ ধরলেন, দাদকে জেলে যেতেই হবে? দাদা মুখে বলতেন—তিনি সব সময়েই প্রস্তুত। অবিশ্বি অপ্রস্তুত তিনি কোন সময় ছিলেন না, তবে জেলে যেতে তিনি অন্য ভয় করতেন না, করতেন তাঁর মৌতাতের কী হবে। সুভাষবাবু বলতেন, সেটা তিনি যোগাড় করে দেবেন। দাদা বলতেন—তুমি যে আমার সাথে সব সময়েই জেলে থাকবে, তাতো হতে পারে না, তুমি বেরিয়ে এলে—কী হবে?

সুভাষবাবু বললেন—প্রথমবার জেলে গিয়ে কামাবার ব্রেডের অভাবে আমার কামান হতো না। জেলে ব্রেড নিষেধ। তিনি বললেন শেষে আর কি করি, পরের বার জেলে গেল আমি জুতোর স্ককতলীর ভেতর ব্রেড পুরে নিয়ে যাই। আপনিও তাই করুন। চললো দাদার এক্সপেরিমেন্ট, কী করে জুতোর স্ককতলীতে আফিঙ নেওয়া যায়। শেষে এ ব্যবস্থাও দাদার মনে লাগলো না, তাঁর জেলে যাওয়া আর সেইজন্য হলোও

না। এই রকম স্তম্ভতা দাদার ছিল, দেশবন্ধু ও সুভাষবাবুর সাথে।

বছর চারেক এই ভাবে কেটে গেছে, দাদার কংগ্রেসের কাজে। দেশের কাজ দ্রুত এগিয়ে চলেছে। এর মধ্যে সুভাষবাবু ড'বাব জেলে গেছেন—দেশবন্ধু একবার।

এই অহিংস বিপ্লবের দৌর এই সময় দেখি আর এক রূপান্তর : কালটের রিভলবার দাদা দেখিয়ে বললেন ছাখো—রিভলবারের নামে বাঙালীর মোহ আছে—তার উপর কোল্ট, তারো উপরে রিভলবারটি সত্যি সূদৃশ্য, হাতের বিষতের মধ্যে লুকোন যায়।

আমরা তো ঘুরিয়ে ফিরিয়ে দেখি। দাদা বলেন, দেখছো কী ? পাশ নেই—চোরাই মাল। একে অহিংস, সূতোকাটা কংগ্রেসী, জেলার কংগ্রেস কমিটির প্রেসিডেন্ট, তাঁর হাতে কোল্ট রিভলবার, আবার বলে কিনা চোরাই মাল!

এরপর দাদার পাষাকের ভেল বদলে গেল—তিনি পাঞ্জাবী ছেড়ে, ধরলেন গলাবন্ধ চীনে কোট, তার চোরাই পকেটে থাকতো এই কোল্ট। আমাদের সাথে পথে ঘাটে দেখা হলে, বাঁ হাতটি বুক পকেটে ঠেকাতেন—তাতে বোঝা যেতো, সেটি সন্দেহই আছে। ঞ্জ্বাসা করলে বলতেন—ভেলু নেই, তখন ভলু ম'রছে, চোব ডাকাতির হাতে কখন কী হয় বলা যায় না তো।

বছর চারেক পর দাদা—হাবড়া কংগ্রেসের প্রেসিডেন্ট

কাজে ইস্তফা দিলেন। তাঁর প্রেসিডেন্টে থাকা সময় হাবড়া মাজু গ্রামে কনফারেন্স হয়—আবো অনেক কনফারেন্সে হাবড়া জেলায় তাঁর সাথে যাবার আমার সুযোগ হয়েছিল; এই সব কংগ্রেস কনফারেন্সের সংশ্বে তাঁর যে সামাজিক জীবন চোখে পড়তো, সেটা তাঁর অমায়িকতা, সহজ সরল ব্যবহার ও সকলের সাথে স্নেহতা। হাবড়া কংগ্রেসের কাজ ছেড়ে দেবার পর আমরা হাঁফ ছেড়ে বাঁচলাম—এইবার দাদাকে পাওয়া যাবে। এই সময় তিনি ‘পথের দাবী’ লিখতে লাগলেন। যদিও প্রকাশ্য ভাবে কংগ্রেসের কাজ ছেড়ে দিলেন, যতদিন দেশবন্ধু ছিলেন ও সুভাষবাবু বাইরে থাকতেন সকল কাজেই দাদার মতামত জানতেন। অনেক বিষয়ে তিনি ছিলেন রাজনীতি ক্ষেত্রে MANBEHIND.

### পথের দাবী

কাহিনী খুব সোজা—বিচিত্র নয়, তবে তার করালরূপ, যা’ দেখে মানব সভ্যতার গোড়া থেকে আজ পর্যন্ত এই অপরাধেয় মানবকে তার জয় যাত্রার পথে যাবা নানাভাবে বাধা দিয়েছে বা দিচ্ছে, তারা যতই শক্তিমান হউক না কেন, ভয়ে আঁতকে উঠেছে ও চিরদিনই আঁতকে উঠবে। এক অজ্ঞাত বীর সাহসী শূরকের ভাই এই সবাসাচী, যিনি গল্পের নায়ক। গ্রামে ছটাকাত পড়ে, ডাকাভরা গ্রামের মোহন্তকে পুড়িয়ে মারে। এই নির্ভীক

যুবক, একাই তাদের সামনে এগিয়ে যায় তাদের ঠেকাতে। তার ডাকে গ্রামের লোক কেউ এলো না। ফলে ডাকাতরা চলে চায়—মন্দিরের ধনসম্পত্তি আর লুঠ কবতে পারে না। কিন্তু যাবার বেলা তারা শাসিয়ে যায়, “ঠাকুর, আমরা আবার আসবো, তোমাকে দেখে নেবো।”

তাদের কথা তারা রেখেছিল, এই বীর যুবক গ্রামের বাড়ি বাড়ি গিয়ে সকলকে সজ্জবদ্ধ হতে বলে, নিজে হাতিয়ার সংগ্রহ কবে, পুলিশকে খবর দেয়, কিন্তু কেউ তাকে সাহায্য করলে না। ডাকাতরা তাদের কথা বেখেছিল, বীর যুবক একাই গেল তাদের সাথে লড়াই, সে পালানো জানে না, সে বীরের মতই প্রাণ দেয়, মরবার আগে তার ছোট ভাইকে দিয়ে যায় এই অগ্নিস্তম্ভ—মানবের চলার পথে যারা বাধা দিচ্ছে, সেই অত্যাচারী শোষণ বণিক সাম্রাজ্যবাদের ধ্বংস করিস। এদের চাইতে মানবের বড় শত্রু আব নেই। সেই বীর বালক তার শহীদ ভ্রাতার মৃতদেহ স্পর্শ করে, এই প্রতিজ্ঞা করে মানুষের সর্ববিধ দাবী স্বীকার করবার পথ আমি তৈরি করবো, আর সেই পথে যারা বাধা হয়ে দাঁড়িয়ে আছে তাদের ধ্বংস করবো। এগিয়ে চলে সেই বীর বালক, একাকী, সঙ্গীহীন পথের নেশায়—পথের ডাকে। এই বীর বালকের মানবের চলার পথে বাধা—মানবের জয়যাত্রার পথে পরম শত্রু—ব্রিটিশের সাম্রাজ্যবাদ ধ্বংসের প্রতিজ্ঞা—আমাদের মনে করিয়ে দেয় এই যুগেরই, শিল্পীর সমসাময়িক, আর এক বীর বালকের কথা।

লেলিন। সেও তার বীর ভ্রাতার শোচনীয় মৃত্যু দেখে—  
রুশ সাম্রাজ্যের ধংসের প্রতিজ্ঞা করেছিল, সে তা  
করেও ছিল। পথের দাবী এগিয়ে চলে, সব্যসাচীর প্রতিজ্ঞা  
মানুষের সর্বপ্রকার দাবী স্বাকারের—ডাকে ব্রিটিশ সাম্রাজ্য-  
বাদের উৎপীড়িত মানব সমাজ সাদা দিল—দেশে ও বিদেশে।  
বিদেশে বৃহত্তর দ্বীপময় ভারতে, স্থাপিত হলো তার কেন্দ্র—  
যাভা, সুমিত্রা, সুরাভয়, টোকিও চীন, শ্যাম ও জাপানে।

শিল্পী এক অবচেতন যুগধর্মকে তিনি এই বইয়ে বাস্তবের  
আভাসে চেতনা মুখর করেছেন তাঁর অন-নুকরণীয় ভাষায়,  
যাকে বাস্তবে রূপ দিয়ে গেলেন তাঁহার সহকর্মী ও অকৃত্রিম  
মুহুর্ত নেতাজী, সমগ্র দক্ষিণ এশিয়ার উৎপীড়িত মানবের  
জয়যাত্রার অভিযানে, জগত হতে ব্রিটিশ সাম্রাজ্যবাদের ধংসের  
প্ররণায়—আজাদ হিন্দ রাষ্ট্র গঠন করে।

জগতের ইতিহাসে অনাগত ঘটনার এরূপ বাস্তবরূপ সাহিত্যে  
আর নেই—আছে মাত্র একখানি বইতে ওয়েলসের ( এইচ, জি )  
Shape of things to Come, কিছু। সে বই খানিই  
একমাত্র পথের দাবীর পাশে দাঁড়াতে পারে এইজন্য যে তাতে  
কেবল ওয়েলস গত মহাযুদ্ধের আভাস দিয়েই ক্ষান্ত হন নি,  
তিনি বলেছেন যে ইউরোপের এই যান্ত্রিক সভ্যতা একদিন  
ভেঙে পড়বে তার আপনার যন্ত্রদানবের গোপে। পড়ছেও  
তা ; এটম শক্তির অপব্যবহার ও শ্রেত জাতির—বিশেষ করে  
কেলটিক জাতির অন্ত জাতির এগিয়ে চলার পথের গতিরোধ

করা দেখে ; যেটা সাম্রাজ্যবাদেরই রূপান্তর, ধনিক রাষ্ট্রতন্ত্রের অন্তরকম মুখোস। গত মহাযুদ্ধও এই জগতই, তাতেও মানুষের সর্ববিধ দাবী স্বীকৃত হয় নি। ওয়েলসের কথা অর্ধেক ফলেছে, বাকীটুকু এখনও ফলে নি, তবে ফলেবে একদিন নিশ্চয়। পথের দাবীর মূলমন্ত্র হচ্ছে—মানব অপরাজেয়—মানুষের সর্ববিধ দাবী স্বীকার করবার বোধ ও চেতনাই হচ্ছে এর প্রেরণা, তার অভিব্যক্তি সব্যসাচীর ব্যক্তিত্বে ও সেই মানবের জয়যাত্রার অভিযান, যার বাস্তবরূপ দিয়েছিলেন নেতাজী।

পথের দাবীর মানুষের সর্ববিধ দাবী স্বীকার—মানব সভ্যতার সর্বকালের ও সকল দেশের বর্তমান ও অনাগত মানবের মৃগামন্ত্র চিরদিনই হয়ে থাকবে, মানব মন ও মানব সভ্যতার এই শাস্ত সত্যকে শিল্পরূপ দিয়েছেন। এখানে কেবল জীবনের প্রশ্ন নয়—সমগ্র মানব জাতির প্রশ্ন—মানুষের সর্ববিধ অধিকার স্বীকার করা। এই প্রশ্ন শাস্ত প্রশ্ন সমসাময়িক আনুষ্ঠানিক সাহিত্যে এর আভাস আর কোথাও পাওয়া যায় না। এইজগৎ আনুষ্ঠানিক সাহিত্যে পথের দাবীকে মহাকাব্য বা এপিক বলা চলে।

জীবনে ও মনে শিল্পী ছিলেন বিপ্লবী, তিনি সব্যসাচী চরিত্রের আভাস কোথায় পেলেন ?

তাকে বলতে শুনেছি যখন তিনি রেঙ্গুনে, নলিনী গুপ্তের দেখা পান যিনি অবনী মুখার্জীর সঙ্গে ছিলেন। তিনি আজন্ম বিপ্লবী, ব্রিটিশ শাসনতন্ত্র ও জগত হতে সাম্রাজ্যবাদের অবসান

করাই ছিল তাঁর জীবনের মূলমন্ত্র, যিনি ব্রিটিশের চোখে ধুলো দিয়ে—সিঙ্গাপুরের সমুদ্রের ফাঁড়ি সাঁতরে পার হন। পরে সাম্পানে করে সমুদ্রে পাড়ি দিয়ে দক্ষিণ বাস্মায় পৌঁছিলেন ও সমগ্র পবনত অরণ্যময় ভীষণ বিপদ সঙ্কুল উত্তর বাস্মা ভ্রমণ করেন এক হাতীর পিঠে, শেষে ঐ হাতীর পিঠেই জানষ্টেট হয়ে—চীন পাড়ি দিয়ে যান রুশিয়ায়, সমগ্র দক্ষিণ ও উত্তর এশিয়ার বিপ্লব প্রচাব করতে। তাঁকে ব্রিটিশ ধরতে পারে নি। এর আদর্শেই শিল্পী গড়েছিলেন সব্যসাচী, পরে নেতাজী হয়েছিল তার বাস্তব রূপ।

পথের দাবাতে আমরা দেখতে পাই কর্তব্যনিষ্ঠার (Duty) প্রতীক চেলিগ্রাফের পিওন হিরাসিং। আন্তর্জাতিক সাহিত্যে একমাত্র \*সাজ্জেন্ট জাভার্টের সাথে তুলনা চলে—যে জাভার্ট, তাঁর কর্তব্য করতে না পেরে, জানভালজাঁকে বন্দী করতে তার বিবেক চাইল না, সে সান নদাতে ডুবে আত্মহত্যা করলে। অঝোরে বৃষ্টি পড়ছে—ঘরে বাইরে যেন প্রলয়ের বাজ্রা বয়ে যাচ্ছে, সব্যসাচী বিদায় নিচ্ছেন—বাস্মায় তাঁর কাজ শেষ হয়েছে, বিপ্লব প্রচেষ্টায় দেখা দিচ্ছে ভাঙন—ব্যর্থতার প্রচুররূপে, হারাসিং দাঁড়িয়ে ঠায়ে ভিজছে তার সন্ধানী কাজে সৈনিকের Sentry dutyতে, ডাক্তার তাঁর কাট ঘাড়ে করে সেই প্রলয় বাজ্রার মধ্যে চললেন—তাঁর মানবের সর্ববিধ অধিকার স্বীকারের পথে একাই—যে পথের কোনদিন শেষ নেই।

\*ভিকটোর হিউ গোর না মিজারেব্ল।



অনাগত ঘটনাকে এমন বাস্তব রূপ দিতে সাহিত্যে আর কোন শিল্পীই পারেন নি। আমরা দেখিতে পাই ১৯৪৫ এর এপ্রিলে নেতাজী বেতারে রেঙ্গুন হতে তাঁর বিদায় বাণী দিচ্ছেন এম্মি দুর্দিনে, তখন ব্রিটিশ সৈন্য রেঙ্গুনে প্রবেশ করেছে—তিনি বলছেন বাম্মায় আমাদের কাজ শেষ হয়েছে— তবে এ সংগ্রামের শেষ নেই, আমরা দক্ষিণ এশিয়া হতে, আমাদের সব বল একত্রিত করে, ব্রিটিশকে আঘাত হানবো।

আরো দেখতে পাই, যখন ইম্ফাল হতে তাঁর দুর্মুদ রণ-কান্ত সৈনেরা ফিরছে, উত্তর বাম্মায় কী দারুণ ব্যুষ্টি নেমেছে, তাঁর মধ্যে সব্যসাচীর মত ব্যুষ্টিতে ভিজতে ভিজতে তিনি নিজের কাঁচ ঘাড়ে করে এসে আশ্রয় নিলেন টিমুতে, এক ভাঙা টিনের ঢালায় !

সুমিত্রা, ভারতী এদের রূপান্তর আমরা দেখতে পাই— মেজর লক্ষ্মী ও আজাদ হিন্দ ফৌজের অসংখ্য নারী বাহিনী ইরা, সিপ্রা, রেবা প্রভৃতির মধ্যে। সুমিত্রাকে দেখতে পাওয়া যাচ্ছে আজও মেজর লক্ষ্মী নাথমের মধ্যে, ভারতীর মত ইরা, সিপ্রা, রেবাদের দেখতে পাওয়া যাচ্ছে না—যদিও তারা বেঁচে আছে নারীর চেতন ও অবচেতন মনে, মানুষের সর্ববিধ দাখা স্বীকারের মধ্যে, যে দাবীর প্রথম স্বীকার্য হচ্ছে নারীর স্বাভাবিক অধিকার পুরুষের অধীনতা হতে।

শিল্পীর এই কল্পনাকে যে এভাবে অক্ষরে অক্ষরে ভবিষ্যতে নেতাজী বাস্তবে রূপ দেবেন—কেউ ভাবতেও পারে নি।

এইখানে তিনি ঋষি, তাঁর দেখা কত সত্য। সত্যই তিনি অসংগত ঘটনাকে দেখতে পেয়েছিলেন ; এমন দেখা আর কেউ দেখেনি। আমরা দেখতে পাই, সব্যসাচীরই মত, ১৯৪৫ এর ১৮ই আগষ্ট ব্যাঙ্কক হতে নেতাজী প্লেনে বিদায় অভিনন্দন জানিয়ে—চলেছেন একা মানুষের সর্ববিধ অধিকার স্বীকারের দাবী নিয়ে অনিশ্চিত যাত্রা পথে, কেউ জানে না, কোথায় ?

এই শাস্ত্র প্রশ্নেরও শেষ নেই, এ পথেরও শেষ নেই—এ পথের পথিক যঁারা ; তাঁরা পথের নেশাতেই চলছেন, পথ তাদের হাতছানি দিয়ে ডাকে—তাঁরা পেছনে ফিরে চান না—দৃষ্টি তাদের দূরে—মাটির সীমারেখা যেখানে আকাশ ছুঁয়েছে, কিন্তু যতই এগিয়ে যাওয়া যায়—তার নাগাল আর পাওয়া যায় না।

### লাজুক শরৎচন্দ্র

দাদা যে কত বড় লাজুক ছিলেন তা এই দুটা ঘটনা থেকেই বোঝা যাবে। দাদাকে কলিকাতা উনিভারসিটি জগত্তারিণী মেডেল দিবেন। দাদা বেঁকে বসলেন, তিনি মেডেল নিতে যাবেন না, যাঁদের দরকার বাড়িতে দিয়ে যাবেন। কন্ভোকসনের দিন—তিনি গিয়ে বন্ধুবর সুধার সরকারের দোকানে— (এম্ সি, সরকার এণ্ড সন্স .পুস্তক বিক্রেতা) জমে বসলেন—তিনি যাবেন না ইউনিভারসিটিতে। অনুনয়, বিনয়

সাধ্য সাধনা চল্লো—শেষ পর্যান্ত তিনি রাজী হয়েছিলেন কি না, আমার সঠিক মনে নেই, তবে বিকেলের দিকে সুধীর বাবুর দোকানে অসম্ভব ভীড় হয়ে ছিল দাদা সেখানে বসে আছেন—তঁাকে ঘিরে ভিড় সাহিত্যিক রথীদের। জগত্তারিণী মেডেল পাওয়ার সম্বন্ধনা সুধীর বাবুর দোকানেই হলো !

এই রকম আর একটি ঘটনা মনে পড়ে মেটী শরৎ সম্বন্ধনা নিয়ে। এর উচ্ছোক্তা—সকলেই দাদার ভক্তেরা তবে—ভার নিয়েছিলেন \*নির্ম্মলদা ; ঠিক হয়েছিল তঁাকে দেওয়া হবে—দামী ফাউনটেনপেন ও একসেট ক্রপোর চা'এর সরঞ্জাম। দাদা বল্লেন তিনি কিছুই চান না, তবে নেহাতই যদি সকলে উপহার নেবার জন্য জিদ করেন তবে—ফরসী হলেই ভাল হয়। নির্ম্মলদা বল্লেন, দুইই হবে। চা'এর সেটের সাথে ক্রপোর ফরসী, কলকে, তার ঢাকনি—নিয়মমাফিক সব হলো। সম্বন্ধনাও হলো ভাল করে। কিন্তু এসবে তাঁর জীবনের যে সুপ্ত ব্যথা ছিল সেটা গেল না !

দেশবাসী তঁাকে সম্মান ও মর্যাদা দিয়েছিল—তবে তাতে তিনি অসন্তুষ্ট হন নি, তিনি খুসীই হয়েছিলেন, তবুও তাঁর মনে যেন কোথায় বাধতো। কীসের এ ব্যথা ?

এটা ক তাঁর অভিমান ? না নিজকে জাহির না করবার ইচ্ছা ? বন্ধু মহলে তিনি ছিলেন প্রাণখোলা শিশুর মত সরল, এই সব ভিড়ের মধ্যে তিনি যেন হাঁপিয়ে উঠতেন, যেন কলের

\*নির্ম্মল চন্দ্র চন্দ

মানুষ, আগে হতে ঠিক করা বাঁধা বুলি আওড়াচ্ছেন—মাইকের সামনে। তাঁর ভেতরের মানুষটি এ সবে কোনদিন সাড়া দিতো না। বোধ হয় তিনি ভাবতেন তাঁকে বোঝবার মত সময় এখনও হয় নি। এক সভায় তিনি বলেছিলেন—সেই দিন তাঁর জীবনের সুদিন আসবে—যেদিন বাঙালী তাঁকে ভুলে যাবে। অবশি তিনি তুলনা দিয়েছিলেন গোকীর সাথে, তাঁর তুলনায় তিনি কত ক্ষুদ্র, তাঁকে মনে করে রাখবার মত তিনি কিছুই করে যেতে পারেননি। এক একবার মনে হয়, কত বড় ক্ষোভে তিনি এই কথা বলেছিলেন। আবার মনে হয় এটা তাঁর লাজুকতারই পরিচয়।

এই মুখ চোরা মানুষটি নিজের কথা কোনদিন বলেন নি। ভারতের শিল্পীদের সনাতন পথ তিনি অনুসরণ করেছিলেন। আজও তাজমহলে, মাদুরা ভুবনেশ্বর ও পুরীর মন্দিরে কোথাও শিল্পীর নাম খুঁজে পাওয়া যায় না। শিল্পী তাঁর শিল্পের মধ্যে নিজেকে এমনি ভাবেই নিঃশেষে বিলিয়ে দিয়ে গেছেন। তিনি জানতেন তাঁকে ভুলতে চাইলেও, ভোলা সহজ নয়।

এটা তাঁর অবচেতন মনের কোন দিক? এটাকে Inferiority Complex বলা যেতে পারে পারে না।—এক একবার মনে হয় এটা superiority Complexরই একটা দিক—সমাজের প্রতি, নিজের প্রতি দারুণ বিতৃষ্ণা ও দ্রোহ। তিনি যা চাচ্ছেন তা' পাচ্ছেন না, পাননি আজীবন। তাঁর এটা অভিব্যক্তি বলে মনে হয়। অথচ তিনি সমাজের কোন স্তরের

মানুষকে ও তার পরিবেশকে বিক্রপের চোখে দেখেন নি,—  
দেখেছেন দরদ দিয়ে। নিজের প্রতি ছিল তাঁর অসাধারণ  
সংযম। এইখানে তাঁর এই লাজুকতার একটা দৃষ্টান্ত দেওয়া  
যেতে পারে। রেঙ্গুন থেকে দাদা ফিরলেন—অবশ্য শ্রীকান্তের  
বেনামীতে। আউটরাম ঘাটে, রাজলক্ষ্মী তাঁকে আনতে গেছেন।  
গাড়িতে উঠে চলেছেন তাঁরা, শ্রীকান্ত বলছেন এতদিন পর,  
দেখা হবার পরে, মনের একটা গভীর ইচ্ছা, কী কষ্টেই না  
দমন করেছিলাম। বহুদিনের পর দেখা হলে, যে সম্ভাষণ  
জানানো চিরাচারিত প্রথায় যাকে ভালবাসা যায়  
সেই সম্ভাষণ দাদা জানাতে পারলেন না, মনের ব্যগ্র আগ্রহ  
থেকে গেল।

এটা তাঁর লাজুকতাই বলা চলে।

### সাহিত্যে সুরুচি ও কুরুচি

তখনকার দিনে সাহিত্যে সুরুচি ও কুরুচি নিয়ে খুব লেখা-  
লেখি ও মাতামতি চলতো এবং সাহিত্যে কুরুচির প্রশ্রয় দিচ্ছেন  
দাদা ও ডাঃ নরেশ সেন—এই প্রহর বিদ্বেষ ক্রমে প্রচ্ছন্নতা  
ছাপিয়ে স্পষ্ট হয়েই দাদার বিরুদ্ধে অভিযোগের আকারে দেখা  
দিল।

একদিনের ঘটনা। সাহিত্যে সুরুচি দলের মুখপাত্র ছিলেন  
রায়বাহাদুর যতীন সিংহ। তিনি বোধ হয় ডেপুটি ম্যাজিস্ট্রেট  
ছিলেন, এবং বঙ্কিমের পর থেকে উত্তরাধিকার সূত্রে এই পদের

জন্য সাহিত্য চর্চার অধিকার পেয়েছিলেন। এঁরা নিশ্চয়ই সুসাহিত্যিক, পদস্থ, সম্ভ্রান্ত, অর্থশালী পরগাছার দল, যাঁদের কাছে সাহিত্য মনের বিলাস, বাস্তব জীবনের কাছ দিয়েও এঁদের লেখা ঘেঁষতে পারে না, যেহেতু বাস্তব জীবনের যেটুকু অভিজ্ঞতা আছে—সেটায় আর যাই থাক প্রাণের পরশ নেই।

এহেন হোমরা চোমরা রায় বাহাদুর দাদার সঙ্গে দেখা করতে এলেন—আমি সেদিন বাজে শিবপুরে। সময়টা সকালের দিক। রায়বাহাদুর আসবার পর, কুশল প্রশ্ন বিনিময়, সদালাপ, মিষ্টভাষণ, চা'পান, ধূমপান প্রভৃতি নিতান্ত বাইরের শিষ্টাচার শেষ হলো। রায়বাহাদুর দাদাকে প্রশ্ন করলেন চাটুর্ঘ্যে মশাই, একটা কথা আপনাকে জিজ্ঞাসা করবার আছে; করতে পারি কি? দাদাকে শিষ্টাচারে কেউ ছাড়িয়ে যেতে পারতো না, দাদা বিনীত ভাবে বললেন নিশ্চয়ই পারেন, খুব পারেন।

আচ্ছা আপনি বেশ্যাদের নিয়ে সাহিত্যে স্থান দিলেন কেন?  
—আপনি কি বেশ্যাদের কোনদিন দেখেছেন? একেবারে সোজা প্রশ্ন—দাদা শক্তিশেল ছাড়লেন। আমরা স্তম্ভিত হয়ে গেলাম, অবশ্যি মনে মনে খুব খুসী, রায় বাহাদুরের মুখ চূণ হয়ে গেল। তিনি কোন জবাব দিলেন না। দাদা হাত জোড় করে তাঁকে বললেন আমার অপরাধ নেবেন না। আমার বলবার উদ্দেশ্য এই। যে জিনিষ জানেন না, সেটা নিয়ে

আলোচনা চলে না। আমি কেন ওদের সাহিত্যে স্থান দিয়েছি যেহেতু ওদের মধ্যেও আমি সাহিত্যের রসের সন্ধান পেয়েছি।

রায় বাহাদুর আর কোন কথা বললেন না। মামুলী কথা বার্তার পব তিনি বিদায় নিলেন। কিন্তু রায় বাহাদুরের দল—সাহিত্যে সুরুচীপন্থী এখানেই থামলেন না, তাঁরা গিয়ে কবিকে (ববীন্দ্রনাথকে) ধরলেন।

এই সময় সাহিত্য-বাজারে জোর গুজব বের হলো, কবির সাথে দাদার মন কষাকষি চলছে। এটাও বটলো—রবিবারে দাদার বাড়িতে নাকি এঁড়ে বাছুর হয় (দাদার গরুছিল আমি দেখিনি, হয়তো পরে হয়েছিল) তার নাম তিনি রবি রেখেছেন এবং সেটাকে ‘ববি’ ‘রবি’ বলেই ডাকেন। একথা কলিকাতার এক প্রসিদ্ধ দৈনিকে পর্যন্ত ছাপা হয়ে গেল। দাদার কাছে কবির চিঠি দেখেছি, কী আশ্চর্যিকতায় ভরা, দাদা সব সময়েই কবির নাম শ্রদ্ধার সাথে বলতেন, কবির জয়ন্তীতে তিনি বড় অংশ নিয়েছিলেন।

গুজব বাড়তেই লাগলো, বিষয়টা আমাদের চোখে ও মনে বিস্ত্রী দেখাতে লাগলো। আমি দাদাকে গিয়ে বললাম—আমি সাহিত্যে সুরুচি, কুরুচির দ্বন্দ্ব, একবার কবির মুখ থেকে শুনে আসতে চাই। দাদা আগ্রহের সাথে বললেন তুমি যাবে ?

—আমি যাবে। এই খানে বলা হয়তো অপ্রাসঙ্গিক হবে না, কবি ছেলেবেলা থেকে আমাকে স্নেহ করতেন। শেষে



আমাদের পরিবারের এক শাখা শান্তি নিকেতনে চার পাঁচ বছর স্থায়ীভাবে বসবাস করেন। তার ফল হয়েছে আমার তৃতীয় ভাই স্নেহানন্দ \*সত্যেন কলাভবন থেকে শিল্পীগুরু নন্দ লালের কাছ থেকে শিখে, সে আজ সুদূর কাথিয়াড় রাজ্যের আর্ট-কলেজের শিল্পকলার অধ্যক্ষ। শান্তি নিকেতনের সাথে আমাদের এই সম্বন্ধ।

আমি শান্তি নিকেতন গেলাম। সময়টা ইংরেজী ৩৬৩৭ সাল হবে।

কবির সাথে দেখা হলো—পাদবন্দনা, কুশল প্রশ্ন শেষ হবার পর, কবি হেসে বললেন—তোমাদের কী খবর ?

—যদি অনুমতি দেন তবে বলি।

তিনি বলতে অনুমতি দিলেন—আমি আগেই জেনে ছিলাম—চয়নিকা নতুন নামে বেরুচ্ছে, ‘সঞ্চয়িতা’ নাম ঠিক হয়েছে। কবি নিজের তাঁর কবিতার সঙ্কলন করছেন। সাহিত্যে সুরুচি কুরুচির প্রশ্ন আমার আগে থেকেই ঠিক ছিল। আমি কবিকে জিজ্ঞাসা করলুম—আপনি নাকি সঞ্চয়িতার নতুন সঙ্কলন থেকে ‘চিত্তাঙ্গদা’ বাদ দিচ্ছেন ? কথাটা আমরা ভাসা ভাসা শুনে-ছিলাম। কবি বললেন—হাঁ দিচ্ছি। আমি তবুও সাহস সঞ্চয় করে জিজ্ঞাসা করলুম—ওরকম ভাল কবিতা বাদ যাবে ? ওটা কী অপরাধ করলো ?

কবি বললেন অপরাধ ও কিছু করেনি। আমার আগের দিনে লেখা যে সব কবিতা এখন ভাল লাগে না, বাদ দিচ্ছি।

এবার অন্তকে প্রশ্ন করা যায়, কবিকে করা যায় না। শেষ সাহস সঞ্চয় করে বললুম—কবিতার বিচার তো চিরদিন হৃদয় দিয়েই হয়ে আসছে। আপনার আগের লেখা কবিতা তাহলে এখন বাতিল হবে কেন? কবি এবার দৃঢ়তার সাথে বললেন—“আমার ভাল লাগে না। আমার যে লেখা ভাল লাগে না, সেটা বাতিল করার অধিকার আমার আছে। ও নিয়ে তোমরা আর প্রশ্ন করো না। যাদের পড়বার ইচ্ছা হবে, তারা আমার আগের সংস্করণের বই থেকে পড়বে।”

আমি বললুম—এখন অবশ্য কিছুদিন পড়বে, শেষে এমন সব ভাল ভাল কবিতা আর খুঁজেই পাওয়া যাবে না।

কবি বললেন—যেটা যাবার সেটা অম্লি যাবে। এরপর অণ্ড কথা হলো। আমার মন খুব দমে গেল। তখন মনে হলো—এই কি দরদী বাউল, মরমী সাতাজিয়া, যিনি আজ যৌবনের অনুভূতি দেখে ভয় পাচ্ছেন? না, এঁর উপর, অণ্ডকোন সম্প্রদায় বিশেষের যে প্রাধান্য প্রতিপত্তির কথা শুনেছিলাম সেই কথাই কি সত্য? সেই বা কি করে সম্ভব?

—সাহিত্যে সুরুচি কুরুচির জবাব পাওয়া গেল। একদিন শাস্তি নিকেতনে থেকে কলকাতা ফিরলাম। পরদিন দাদার ওখানে।

দাদার ওখানে গিয়ে—আমাকে নীচে বসতে হলো—যা’ কোনদিন হয় নি, তিনি ওপরে; ভোলা (চাকর) বলে গেল আপনি বসুন, তিনি আসছেন। একটু পরে দেখি ভোলা এক

রেকাবে—রেকাবখানি খেত পাথরের ; ছানা, মাখন, মিশ্রি, ক্ষীর, সর, আর নানারকম ফলের টুকরা এনে হাঞ্জির ।

আমি বললাম এসব কী রে ?

প্রসাদ ! আপনার জন্ম পাঠিয়ে দিলেন । আমি বললাম—  
প্রসাদ কিসের ? ভোলা সংক্ষেপে বললো পূজার । ভোলার  
সাথে আর কথা কাটাকাটি না করে ও গুলোর সংকারে মন  
দেওয়া গেল । খাওয়া শেষ হয়েছে, এখন সময় দেখি চা'ও  
এলো । ভোলা বললে চা খেয়ে ওপরে যাবেন । বাবু সেখানে  
যেতে বলেছেন ।

ওপরে গিয়ে দেখি—একখানি ঘর ঠাকুর ঘর হয়েছে—  
চারদিকে ফুলের ছড়াছড়ি আর কী তাদের মিষ্টিগন্ধ, ধূপধূনোর  
গন্ধে মসগুল—সামনে রাখাল বেশে—কৃষ্ণমূর্তি । জয়পুরী সাচ্চা  
জরীর বুটিদার কল্কা দিয়ে তার চুড়ো, তাতে ময়ুরের পুচ্ছ,  
অনুরূপ হলদে রংয়ের সাটিনে তৈরী তার পরিবার কাপড়,  
তাতে জরির পীতধড়া যাকে আমরা বলি কোঁচা । হাতে রূপোর  
মোহন বাঁশী ! আমি তো অবাক—আমি বললাম এ সব কী  
দাদা !

দেখতেই পাচ্ছ, পূজো ।

তা দেখতে পাছি । এ সেই মূর্তি না, যাকে  
আমি বয়ে নিয়ে এসেছিলাম ? দাদা হেসে বললেন  
সেই শ্রীমূর্তি ! সর্বনাশ, মূর্তি এবার শ্রীমূর্তি হয়ে গেছে ।  
চেয়ে দেখি দাদার পরনে গরদের ধূতি, কপালে চন্দনের ফোঁটা ।

একদিন আমি ও দাদা দেশবন্ধুর ওখানে এক সন্ধ্যায় যাই। হঠাৎ খবর এলো ফোনে, তারকেশ্বরে গুলি চলছে—তখন তারকেশ্বরে সত্যাগ্রহ চলছিল। এই সব সেরে ফিরতে রাত হলো, ফেরবারমুখে সিঁড়িতে শ্বেত পাথরের এক কৃষ্ণমূর্ত্তি দেখে—দাদা তারখুর তারিফ করলেন। দেশবন্ধু তখনি সেটা তাঁকে দিয়ে দিলেন। মূর্ত্তির রাধা কোথায়? জিজ্ঞাসা করায় দেশবন্ধু বললেন সেটা চুরি গেছে। খুব হাসাহাসি হলো, এই বউ চুরি ব্যাপার নিয়ে। সেই মূর্ত্তি বয়ে নিয়ে আমি ট্যাকসিতে কেবল তুলেই দি' না, দাদার সাথে বাজে শিবপুর পর্যন্ত রাত দুপুরে তাকে বয়ে নিয়ে আসতে হয়েছিল—অবিশ্যি ট্যাকসিতে। সেদিন ছিল আবার জন্মাষ্টমী!

এই সে মূর্ত্তি, যার রূপান্তর হয়েছে আজ দেবদে।

আমি বললাম,—দাদা, সাহিত্যে সুরুচি কুরুচির মীমাংসা হয়েছে। দাদা জানতে চাইলেন, কবি কি বললেন? আমি এক কথায় সেরেছি—তিনি তাঁর নতুন সঙ্কলন কবিতার বইয়ে, চিত্রাঙ্গদা বাদ দিচ্ছেন। দাদা হেসে বললেন—

তাই নাকি? আমি বললাম, কবির এক কথায় সুরুচি কুরুচির মীমাংসা হয়ে গেল—কবির কাছে চিত্রাঙ্গদা এখন রুচি মারফিক নয়। দাদা বললেন তাতো দেখতেই পাচ্ছি। আমি জিজ্ঞাসা করলাম—

আপনিও কি অচলা, অভয়া, কমল, কিরণময়ী এদের বাদ দেবেন?

দাদা বললেন—কখনও না, আমি বাস্তব জীবনে যা দেখেছি তাই লিখেছি, এরা জীবন্ত সত্য।

আমি বললাম—ভাল কথা। তবে আপনি যে ভাবে সুরুচির পেছনে ছুটছেন দেখছি—তাতে ও গুলো আজ না হয়, কাল আপনার কাছে কুরুচি হয়ে যাবে।

দাদা হেসে বললেন, তোমরা দেখো কখনো তা হবে না।

আমি সহজ ভাবেই বললাম, কিন্তু পূজো আফ্রিক নিয়ে যদি মেতে থাকেন, তাহলে চোখ ঝাপসা হয়ে আসবে, মন দিয়েও আর সব জিনিষ ধরতে পারবেন না।

কেন, পারবো না? বামুনের ছেলে, বয়েস হয়েছে, পর কালের কথা এখন ভাবা দরকার। এই কথায় দাদার মনের ভাব বোঝা গেল, বুঝলাম তখন, কবিও আর সে দরদী মরমী নন, ইনিও আর চরিত্রহীনের সগীশ বা শ্রীকান্তের দুর্দান্ত ইন্দ্রনাথ নন। তারা এঁদের মন থেকে মরে গেছে। এঁরা এখন নতুন মানুষ। কবির কথা ছেড়েই দিলাম—দাদা এখন কি চান?

পরকালের চিন্তা? যিনি এতবড় বিপ্লবী দৃষ্টিভঙ্গী নিয়ে সমাজের সব বিচার করেছেন, তিনি কি আজ ছুটছেন এক অবাস্তবের পেছনে? না এটা এঁর অনিশ্চিত, অজ্ঞানতার উদ্দেশ্যে অভিসার?

এঁর জীবনের এটা কোন প্রশ্ন?

এ প্রশ্নের তো অজ্ঞে পর্য্যন্ত কেউ সমাধান করতে পারেনি।

উপনিষদের ঋষি থেকে এ পর্যন্ত যারা এই অনিশ্চিত, অলীক—  
আলেয়া—পরলোকের পেছনে ছুটেছেন, সঠিক সমাধান কেউ  
কিছু বলতে পারেন নি। এনিয়ে কাব্য—গল্প লেখা চলে—কিন্তু  
কিছু ধরা ছোঁয়া যায় না।

আমাকে ভাবতে দেখে দাদা বললেন, তুমি ভাবছো কী ?

আমি ভাবছি আপনার মধ্যে ইন্দ্রনাথ মরে গেছে। দাদা  
বললেন মরে নি, দেখিও।

বেশ তাই হবে, বলে ফেরবার মুখে দাদা বললেন—  
সামতা বেড়ে আমার বাড়ি হয়ে গেছে, আমরা শীগ্গীরই যাবো।  
তুমি অবশ্য আসবে।

আসবো বলাতে, দাদা পথের নির্দেশ দিলেন আর বললেন,  
মাঝে মাঝে এলে—প্রসাদ পাবে। এখন রাখাল বেশ দেখছে  
দুপুরে রাজ্জ বেশ, রাতে শৃঙ্গার বেশ—এই সব হয়। প্রসাদও  
সেই রকম বদলায়। আমি বললুম ওতো দেখছি, এই রকম  
খেয়ে খেয়ে মুটিয়ে যাচ্ছে। এখন ওর রাধিকা না হলে  
ওঘর ছেড়ে পালাবে। শেষে আপনি এই ব্যয়ে নতুন  
হাঙ্গামে পড়বেন। দাদা বললেন, সেটা শীগ্গীর হচ্ছে—জয়-  
পুরে আমি রাধিকার জন্ম চেষ্টা করছি। আমি বললাম,  
আভিজাত্যের কোন ক্রটি নেই দেখছি, উনি নিজে মথুরার লোক  
বউ আনতে হবে জয়পুর থেকে। কেন বাংলায় কি!মেয়ে  
পাওয়া যায় না ?

দাদা বললেন বাংলার ভাস্কররা ভালমুর্তি গড়তে পারে না।

## সামতাবেড়

রূপনারায়ণের তীরে সামতাবেড় গ্রামে দাদার বাড়ি পৌঁছান গেল সকাল দশটার। ষ্টেশনে দাদা পাল্কী পাঠিয়েছিলেন বেয়ারাদের হাতে আমার নাম লেখা এক চিঠি দিয়ে। ছেলেবেলা পাল্কী করে ইস্কুলে যেতাম, তারপর আর পাল্কী বা মানুষের ঘাড়ে চাপিনা, রিকসাতেও না। পাল্কীর সাথে সাথে হাঁটা পথে চললাম। যখন দাদার বাড়ি এসে পৌঁছলাম, কী সুন্দর দৃশ্য! অশান্ত রূপনারায়ণ বয়ে চলেছে, তখন সে গতি মন্ডর নয়, ভীষণ আবেগে উল্লাবেগে। সময়টা ছিল ভাদ্রমাস। তার উপর সকালের সোনালী রোদ পড়ে, আলো ছায়ার কী বিচিত্র খেলা জলে ভেসে যাচ্ছে; নদীর বুকে পাল তুলে নৌকা সার বেঁধে চলেছে! সত্যিকার বাংলা চোখের সামনে এসে গেল, বিন্ময়ে শ্রদ্ধায় আমার মাথা নুয়ে পেলো। দাদা বাইরেই পা' চারী করছিলেন, একেবারে গ্রামের পরিবেশে খাপ খাইয়েছেন—খড়ম পায়ে, খালি গা, হাতে থেলো ছঁকো। আমাকে দেখে বললেন তুমি হেটে এসেছো, পাল্কী কি হলো? দেখিয়ে দিলাম পাল্কী পেছনে। কী সুন্দর বিরাবিরে হওয়া দিচ্ছে, ক্লান্তি এক নিমেষে চলে গেল।

দাদা নিয়ে বসালেন বট তলায় ঠিক তার বাড়ির সামনে, সেটা স্বামী বেদানন্দের সমাধি। বেদানন্দ তাঁর ভাই ছিলেন— পরে রামকৃষ্ণ মঠে সন্ন্যাসী হয়ে যান। সেখানে বসে জিরিয়ে



বাড়িতে প্রবেশ করা গেলো। বড় কম্পাউণ্ডার মধ্যে কুড়ি ইঞ্চি পাকা দেয়ালের উপর বোধ হয় ওপরে রাণীগঞ্জ টালির দোতারা বাড়ি। আমি বললাম এতো পুরু দেয়াল দিলেন কেন? এ যে দুর্গ বিশেষ। দাদা হেসে বললেন— অনেক দিন যাবে।

কাণে খট্ করে কথাটা বাজলো—এতো শিল্পীর কথা নয়। গৃহবাটি সব চিরস্থায়ী নয়, নিজের ছেলে, পুত্র নাতি, নাতিনিরা সব ভোগ করবে—এতো সেই সনাতন মনোবৃত্তি! তবে এর ভেতর শিল্পী কি মরে গেছে? এর কৃষ্ণপূজা দেখবার পর থেকে, পরকালের চিন্তায় নিজকে সপে দেওয়া দেখে; আমার শংসয় বেড়েই চলছিল, শিল্পী শরৎ আর নেই? আজ কুড়ি ইঞ্চি দেয়াল দেখে সে ধারণা আরো কায়েম হলো। মুখে কিছু আমি বললাম না। দাদা নিজে ঘুরে ঘুরে বাড়ি দেখালেন, পুকুর, বাগান, চাঁপা, শিউলী ফুলের গাছ, রজনী গন্ধার ঝাড়! আমি ভারী খুসী হয়েছি দেখে দাদা বললেন এ সব যে আমার হবে তা আমি কোন দিনও ভাবতে পারিনি। তিনি বললেন কাশীতে ভৃঙ্গ (ভৃগু সংহিতার গণনা) আমি দেখাই, তখন তারা বলেছিল, আমি বিশ্বাস করি নি।

আমি বললাম দাদা, এখন সবভাগ করুন। দাদা বললেন, আমার নিজের জগৎ নয়, তাঁর—ভাইয়ের ছেলেদের দেখিয়ে বললেন—এদেরঃজন্তে।

যাক্ একটা গুরুভার বুক হতে নেমে গেল—এ নিজের

জন্ম কিছু চায় না ; শিল্পী তাহলে তো মরে নি ? তবুও সংশয়  
 গেল না—তারপর—বাড়িতে বসে গল্প গুজব, খাওয়া দাওয়া ।  
 দেখলাম, গ্রামের লোক দাদাঠাকুর বলে ওঁকে খুব মানে, তাদের  
 যুক্তি, বুদ্ধি, সল্লা, পরামর্শ দাদার কাছ থেকে নেয় । দেখলাম,  
 গণমনের চেতনার সাথে আজও যোগ আছে । এদের দুঃখ  
 দরদ ইনি বোঝেন ।

শিল্পী তাহলে সত্যই মরে নি ?

### ১৩৩৯ সাল

সামতাবেড়ে আরো আমি দু'বার যাই দাদাকে দেখতে ।  
 একদিন ফেরবার মুখে দাদা ছাড়লেন না, বললেন খানিকটা পথ  
 তোমাকে এগিয়ে দি—আমার নিষেধ শুনলেন না । প্রায়  
 মাঝপথ পর্যন্ত হেঁটে আমার সাথে এলেন—দেখি দাদা হাঁপাচ্ছেন  
 তখনি মনে হলো, দাদা বোধ হয় বেশী দিন বাঁচবেন না ।  
 আমার ভেতরের স্নাতন ভবঘুরে আমাকে আবার কিছু দিনের  
 জন্ম বাংলা দেশের বাইরে নিয়ে গেল, ফিরে এসে শুনলাম  
 দাদার বাড়ি হয়েছে, কলকাতায় অশ্বিনীদত্ত রোড়ে । চললুম  
 দেখতে, আমি তখন ঐপাড়াতেই থাকি । দাদা আমাকে  
 দেখে খুব খুসী ! নিজে বাড়ি দেখালেন—কত খরচ পড়েছে  
 বললেন, শেষে বাড়ির পেছনে নিয়ে দেখালেন—যে কর্পোরেশনের  
 নিয়ম কানুন মফিক দশফুট খোলা জায়গা রাখতে হয়, দাদা  
 বললেন দেখ, আমি তা মানি নাই, আমি দশফুটের মধ্যেই ঘর

করেছি, বলে ছুই বুড়ো আঙ্গুল দেখিয়ে বললেন, কেমন জব্দ করেছি—বলে খুব হাসলেন।

আমি তার আগের দিনের শিশুর মত সরল হাসি, বিশেষ করে এই কর্পোরেশনের আইন অমাণ্ড উপলক্ষ্য করে, দেখে অবাক হয়ে গেলাম। ভবলাম কো ভুলই না আমি করেছিলাম—শিল্পী শরৎ মরে নাই। তাঁর হাসি দেখে মনে হলো, এ নিজের জীবনে কোন কাজের জগ্য কাউকে কৈফিয়ৎ দেয় না. পরের কাছেও না, নিজের কাছেও না। আমি তাঁকে তাঁর পূজো-অর্চনা দেখে ভুল বিচার করেছিলাম ভেবে আমার অন্তর গ্লানিতে ভরে গেল।

তারপর তাঁর বসবার ঘরে এসে চা'পান। চা' খেতে খেতে বললেন—তুমি ছিলে না কোলসন সাহেব—কলিকাতার পুলিশ কমিশনার আমার সাথে দেখাও করেন, তাঁর বাড়িতে চায়েরও নিমন্ত্রণ করেন, তাঁর স্ত্রী নিজ হাতে চা' করে দিয়েছেন, সাহেবের অনুরোধ—আমি একখানা বই লিখি চার অধ্যায়ের মত। আমি বললাম আপনি চার অধ্যায়ের মত বই লিখবেন, তাহলে পথের দাবী পুড়িয়ে ফেলুন। দাদা বললেন—তোমরা দেখে নিও। এই সময়ও বোধহয় বিপ্রদাস লিখিলেন কিন্তু দাদা চার অধ্যায় আর করতে পারলেন না, শেষকালে জমিদার খাড়া করে এক খিঁচুড়ী পরিবেশন করলেন।

আমি দাদার ওখানে আশ্বিনী দত্ত রোডে প্রায়ই যেতুম, একদিন বললেন—ছাখো কোলসন সাহেব তোমার কথায় বলে

যে সে সব জানে—তুমি কি খাও, আর রাত্রে কোথায় ঘুমোও।

আমি বললাম দাদা সাহেবকে বলবেন সে সব পুকনো কাশুন্দী এখন চটকে লাভ নেই, খাই আমি বাড়িতেই, আর কোথায় শুই সাহেব তো জানেনই, সেটা তাঁকেই জিজ্ঞাসা করবেন।

একদিন দাদা বললেন ওহে, সুভাষ তোমাকে ডেকেছে। তুমি যত শগ'গীর পারো তাঁর সাথে দেখা করো। আমি রাজনীতির সংস্রব ছেড়ে দেবার পর, কলকাতায় থাকলে এক সুভাষাবাবুর সাথেই মাঝে মাঝে দেখা করতাম, তাঁর অনুরোধ ছিল—আপনি আমার কাছে আসবেন।

আমি জিজ্ঞাসু হয়ে দাদার মুখের দিকে চাইলাম—দাদা বললেন হালে তিনি সুভাষাবাবুর সাথে কোন এক কনফারেন্সে নোয়াখালী না কুমিল্লা কোথায় গিয়েছিলেন, কোন এক কংগ্রেস কর্মী সম্মুখে তাঁর আমার মুখে শোনা বিশেষ প্রয়োজন দাদা সেই কথা বললেন। তাঁর নাম দাদা কবলেন, তাঁকে আমরা মাতাহরি বলে নিজেদের মধ্যে হাসিঠাট্টা করে ছদ্মনামে ডাকতাম।

আমি বললাম আপনি মাতাহরির কথা তাঁকে বলেন নি। দাদা বললেন বলেছি, জানইতো সুভাষের অভ্যাস, নিজে যা বুঝবে, সেটা কেউ বদলাতে পারবে না।

আমি বললাম আপনি যা পারেন নি, আমি সেটা কী করে

পারবো ? দাদা বললেন তুমি পারবে, তোমার first hand information.

মনে মনে ভাবলাম এ এক ফ্যাসাদে পড়া গেল। সুভাষ বাবুর সাথে দেখা হওয়া আনন্দের ও ভাগ্যের কথা কিন্তু রাজনীতি ও পর চর্চা করা অপ্ৰিয় ও ফ্যাসাদের।

কী আর করা যায় ? আমি সকালে স্নান সেরে, বেরিয়ে পড়লাম এগলিন রোডের উদ্দেশ্যে। সে ছিল বৎসরের প্রথম দিন—১লা বৈশাখ। তাইতো খালিহাতে সুভাষবাবুর সাথে আজকের দিনে কী করে দেখা করা যায় ? পথে বেরিয়ে দেখি—তুধারে বকুল গাছ হতে, পথে ফুল ছড়িয়ে রেখেছে। এক পকেট—বকুল ফুল কুড়িয়ে নিলাম। লোক মার্কেটের সামনে এসে ভাবলাম দেখি পদ্ম পাওয়া যায় কি না ? ভাগ্য ভাল, শ্বেতপদ্ম জুটে গেল। শ্বেত পদ্ম ও বকুল ফুল নিয়ে সুভাষবাবু দর্শনে চললাম। তিনি বলে দিয়েছিলেন—তঁার সাথে নিরিবিলি কথা বলতে হলে সকাল আটটার মধ্যে যেতে, তারপর থেকেই লোকের ভীড় চলে সমানে দিন রাত। যখন এগলিন রোডে পৌঁছলাম দেখি আটটা বেজে গেছে—নীচে দর্শন প্রার্থীর ভিড় জমতে শুরু হয়েছে। দ্বার দেবতা চেনা লোক, তাঁকে বললাম—আমি এখুনি দেখা করতে চাই। দ্বার দেবতা বলেন—হবে না, তিনি হিন্দী শিখছেন, একঘণ্টা দেবী হবে।

আমি বললাম দেখা করা না করার মালিক তিনি, আপনি আমার নামের শ্লিপটা পাঠিয়ে দিন, পরে তিনি যা' বলেন সেই

মত হবে। তিনি নেহাৎ পেড়াপিড়ি ও অনিচ্ছায় আমার শ্লিপটা উপরে পাঠালেন, সঙ্গে সঙ্গে চাপরাসি এসে বললে যে—যাইয়ে, বোলাতে হৈঁ। যাক বাঁচা গেল, দ্বার দেবতা, বিমুখ হয়ে, মুখ ফেরালেন। ওপরে ওঠে নমস্কার সম্ভাষণ জানিয়ে নববদেব শুভ কামনা করে তার হাতে ফুল দিলাম। তিনি খুব খুসী হলেন, বকুল ফুলের ঘাগ নিলেন, পদ্য পাশে রেখে দিলেন; সে দিন দেখি কপ যেন তাঁর ফেটে পড়ছে। তিনি সচ্চ স্নান করেছেন—ধোপকরা খদরের পাঞ্জাবী ও খদরের কোঁচান ধুতি পরেছেন, বিছামাগবা চটিতে বাঁ পা রেখে ডান পা'খানি ইজি-চেয়ারে তুলে বসেছেন! সাদা পাঞ্জাবীর ভেতর থেকে যেন চাপা ফুলের রং ফোট পড়ছে!

তিনি হিন্দী শিখছিলেন। এর আগে তিনি স্নান করে পূজা আহ্নিক সেরেছেন। ইদানীং তিনি পূজা আহ্নিক করতেন ও কালীভক্ত হয়ে পড়েছিলেন—সামনে কালীর পট, তার চারদিকে ফুল দিয়ে সাজান। আমি বললাম হিন্দী রাষ্ট্রভাষা চালাচ্ছেন কেন? আপনি যা' চালাবেন তাই হবে, রাষ্ট্রভাষা হবে বাংলা। তিনি বললেন পরে হবে, এখন নয়, আগে আমাদের ওদের মন জয় করতে হবে। হিন্দী না হলে হিন্দুস্থানের গণমনের সাড়া পাওয়া যাবে না, তাদের মনের গোড়ায় পৌঁছান যাবে না।

তারপর, দাদা যে জন্তু পাঠিয়েছেন বললাম। তিনি বললেন আপনি থাকেন কোথায় জানি ানা, আমি আপনার খোঁজও করেছিলাম।

এখন আপনার first hand information বলুন।—

আমি যা জানি বললাম। তিনি কিছুক্ষণ গুম হয়ে থাকলেন পরে বললেন কী করে জানবো? কস্মীদেব টাকা না দিলে হয় না। তার মধ্যে যে এত ফ্যাসাদ কে জানে? আমি বললাম অন্ততঃ আপনার তো জানা উচিত। এরপর উঠতে হয়, তাঁর সময়েব দাম আছে। আমি উঠি উঠি করেও উঠতে পারছি না, আমার হান প', কে যেন পেকে দিয়ে চেয়াবে, এঁটে দিয়েছে।

তিনি আমার মুখেব দিকে চেয়ে বললেন—বী দেখছেন?

—আপনাকে।

আমাকে এতো কী দেখছেন? আমি বললাম যদি অনুমতি দেন তো বনি। তিনি বলবার অনুমতি দিলেন। সেদিন আমার কী হয়েছিল জানি না, বোধহয় আমার মধ্যে সুপ্ত নারী প্রকৃতি জেগে উঠেছিল! আমি অবিভূতের মত বললাম আপনাকে দেখে বলতে ইচ্ছা করছে, 'তোমাব এতরূপ, ভূজ-বাঁধনে বাঁধি দেহ দণ্ড।' মুহূর্তমাত্র, তারপর কী হনো জানি না, আমার সঙ্গিত ফিরলে দেখি তিনি ইজিচেয়ার থেকে উঠে এনে আমাকে আলিঙ্গন কবে হেসে বলছেন—

কেমন হলোতো? সেদিন তাঁর মুখে যে হাসি দেখেছি আমি তা কখনও ভুলবো না। শুনেছি এই হাসি দিলীপ দেখেছেন— আর একজন বলেন তিনিও দেখেছেন—কল্যাণীয় \* শ্রীমান সুরেশ



—কাশীর উত্তরার সম্পাদক, আর সে হাসি দেখবার ভাগ্য সেদিন আমার হয়েছিল।

আমার সেদিন নবজন্ম লাভ হলো—রোমা'রো'লাব ভাষায় বলতে গেলে শিল্পীর নবজন্ম। পরে তিনি হেসে বললেন—কেমন আজ মৃত্যুদণ্ড আপনার হলো তো? আমি বললাম হলো। এর মধ্যে একটু ইতিহাস আছে। দাদাও তাঁর সাথে জড়িত। ১৯২৮ সালের কলিকাতা কংগ্রেসের পর, \*যত্নের (বিপ্লবী মেজর যতীন দাশ) প্ররোচনায় আমাকে দক্ষিণ কলিকাতা ব্যাটালিয়নের দ্বিতীয় মেজর হতে হয়। ব্যাটালিয়নের অধিনায়ক বন্ধুবর মেজর সত্যগুপ্ত। তাঁরা সব জাত বিপ্লবী, আজন্ম তাঁরা ছুঃখ বরণ করেছেন দেশের সেবার জন্য। আমি যতীনকে বললাম আমি পারবো না—যতীন তা শুনলে না।

শেষ পর্য্যন্ত আমি পারিও নি। যতীন আমাকে ক্রশ-বেল্ট, জঙ্গি টুপি, বুট ও উনিফর্ম দিয়ে সাজিয়ে গলায় তিনটি তারা লাগিয়ে রুট মার্চ, পতাকা অভিবাদন সমানে চলানো, আমাকে দিয়ে। স্থালুট নিতেন—G. O. C. (সুভাষ বাবু) ও দাদা একবার হাজারা পার্কে নিয়েছিলেন।

তারপর, যে যা পারবে না সে কাজে গেলে ফল যা হয়। আমি পড়লাম ধরা, জেলের দোর থেকে বেরিয়ে আসতে হলো। সেই দিন রাতে দাদা ও সুভাষবাবু আমার ওখানে এলেন, আমি অফিসারের উনিফর্ম পোষাক, পিস্তল রাখবাব ~~স্বপ~~ সব

\*ষাট দিন প্রাথোপবেশন করে তিনি লাহোর জেলে মারা যান।

ফেরত দিলাম সুভাষবাবুকে ( জি, ও, সি, ) । গ্রানিতে আমার মন ভরে গেল । আমি সুভাষবাবুকে বললাম আপনি কোর্ট মার্শেল করে আমাকে নিজ হাতে গুলি করে মেরে ফেলুন । এ গ্রানি আমি সহিতে পারছি না—অবশ্যি কোর্ট মার্শেল হলো, আমার অপরাধ সাব্যস্ত হলো (Civil nature দেওয়ানী । মিলিটারীর কোঠায় হলো না । আজ তাই নিজ হাতে আমাকে মৃত্যু দণ্ড দিয়ে সুভাষবাবু বললেন কেমন হলোতো ? আব আমাকে পায় কে ? ঘড়ির দিকে চেয়ে দেখি আধ ঘণ্টা হয়ে গেছে, কী সর্বনাশ, আধ ঘণ্টা সময় আমি এঁর নষ্ট করেছি । আর না, উঠে পড়লাম । তিনি বারে বারে বললেন—সময় পেলেই আসবেন । তাঁকে প্রতিশ্রুতি দিয়ে এলাম—আর তাঁর সাথে আমার দেখা হয় নি । একবার তাঁর চিঠি পাবাব সৌভাগ্য আমার হয়েছিল ।

দাদাকে সব বললাম । দাদা আমার পিঠ চাপড়ে বললেন এই জগেই তো পাঠিয়েছিলাম । আজ মন ভাল হলো তো ।

আমি সেদিনকার মত দাদার কাছ থেকে বিদায় নিলাম ।

আমার ভবঘুরে স্বভাব আবার আমাকে কলিকাতার বাইরে নিয়ে যায় বছর দুই আসনি ।

এসে গুনলাম দাদা নেই । সেকি কথা ? প্রথমে বিশ্বাস করতেই ইচ্ছা হলো না—পরে সব শুনে আর কী করা যায় ? মনে হলো একে একে নিভিছে দেউটি, বাংলার জ্যোতিষ্ক যাঁরা

আকাশ উজ্জ্বল করে থাকতেন, তাঁরা সব চলে যাচ্ছেন—দেশবন্ধু, শরৎ, সুভাষ। যখন শুনলাম দাদা থিয়েটার রোড, না পার্কস্ট্রিটের এক নার্সিং হোমে মারা গিয়েছেন, ওঃ তখন আমার শোকের ভার কোথায় চলে গেল—বুক থেকে যেন আমার পাথর চাপা নেমে গেল।

তাইতো শেষ পর্যন্ত তিনি দেখিয়ে গেলেন শরৎচন্দ্র বাড়িতে মরে না, তিনি মরণ হাসপাতালে। এক নিমিষে মনে হলো—এই অসাধারণ বিপ্লবী এক লাখিমেরে তাঁর বাড়িঘর সব ছুড়ে বিভিন্ন পরিবেশ ও বিভিন্ন লোকের মধ্যে তাঁর শেষ নিঃশ্বাস ফেললেন। তাঁকে চারদিক ঘিরে শোক করবে এটা তিনি দেখতে চাইলেন না, তাঁর জীবনের উল্কাগতি, উল্কার মতই আকাশে চলে গেল, যাত্রাপথে কাউকে বাধা দিতে দিলেন না। তখন মনে হলো দাদার কথাই ঠিক দেখে নিও। দেখলাম বিপ্লবী শরৎ, শিল্পী শরৎ শেষ পর্যন্তও মরে নাই। লোকের কাছে জেনে তাঁর চিতায় দৃষ্টি দিয়ে আমার শেষ শ্রদ্ধা জানালাম।

এতদিন পরে আজ এই স্মৃতিকথা লিখতে গিয়ে মনে হচ্ছে আমার এই অসংলগ্ন প্রলাপ, এই হবি দিয়ে কোন্ দেবতার পূজা করবো? তুমিই বল—কস্মৈ দেবায় হবিষা বিধেমঃ?

আর আজকের এই স্মরণীয় \*দিনে তোমার মুখের কথা দিয়েই তোমার স্মৃতি পূজা শেষ করি :—

“আজ যদি তাঁরা মনে করেন যে, ব্রিটিশ গবর্নমেন্ট ঢেলে দিলেন বলেই তাঁদের পাওয়া হলো,—একদিন টের পাবেন এত বড় ভুল আর নেই।

আমি আমার মুসলমান ভাইদের বলছি তোমরা সংস্কৃতির উপর নজর রেখো, সাহিত্যের উপর নজর রেখো, আর ছোট-ছেলের মত ধারালো ছুরি হাতে পেয়েছ বলে সব কেটে ফেলো না।”

তোমাকে নমস্কার, তোমাকে নমস্কার।

---



